



В.М.Каримова

ИЖТИМОЙ ПСИХОЛОГИЯ
ВА
ИЖТИМОЙ АМАЛИЁТ

Ўзбекистон Республикаси олий ва ўрта махсус
таълим вазирлиги

М.Улугбек номидағи
Тошкент давлат университети

В.М.Каримова

**ИЖТИМОЙ ПСИХОЛОГИЯ
VA
ИЖТИМОЙ АМАСИЁТ**

Университетлар ва педагогика институтлари
талабалари учун ўқув қўлланма

Тошкент
“Университет”
1999

Кўлланма амалдаги “Психология” ихтисослиги дастурларининг талаблари ва тамойиллари асосида ёзилган. Унда амалиётчи психологлар учун ижтимоий психологиянинг асосий татбиқий соҳалари, ёшларни янгича ўзаро муносабатларга ўргатиш йўллари ва усуллари юзасидан назарий ҳамда амалий тажрибаларнинг якунлари умумлаштирилган. Кўлланма олти бобдан иборат бўлиб, уларнинг асосий қисми ижтимоий амалий психологияга ва ижтимоий психологик фаол мулоқотга ўргатиш техникасига бағишлиланган.

Кўлланма университетлар, педагогика институтлари талабаларига, ижтимоий-гуманитар йўналишда таҳсил олаётган талабаларга, малака ошириш институтларининг тингловчиларига ҳамда кенг жамоатчиликка мўлжалланган.

Тақризчилар:

психология фанлари доктори,
профессор М.Г.Давлетшин,
фалсафа фанлари доктори,
профессор М.А.Абдуллаев

МУҚАДДИМА

Шахс ва унинг камолоти муаммоси тараққий этаётган ва ўз тараққиётининг юксак чўққисига интилаётган жамият учун энг долзарб масалалардандир. Ўзининг мустақил тараққиёти йўлидан бораётган Ўзбекистон Республикасида ҳар бир фуқаронинг маънавияти, шахсий ривожи ва камолоти, шахс ва жамият манфаатларининг уйғулиги ҳар қачонгидан ҳам муҳим қадрият сифатида қаралмоқда. Баркамол авлод тарбияси ва унинг мукаммал таълим олиши масалалари давлат сиёсати мақоми дарајасида ҳал қилинаётганлиги - бу фикрнинг ёрқин исботидир. Шунинг учун ҳам шахс ва жамиятнинг ўзаро уйғулигини узвий боғлиқ долзарб муаммо тариқасида ўрганувчи фан ва илмий-тадқиқот соҳаси, улар томонидан қўлга киритиладиган ютуқлар айнан мамлакатимизда кадрлар тайёрлашнинг миллий дастурини ҳамда Таълим Қонунини ижтимоий ҳаётга татбиқ этишда ўз ҳиссасини қўшмоғи лозим.

Ижтимоий психология жамиятимизда шахслараро муносабатларнинг табиати ва қонуниятларини ўрганувчи фан сифатида ўзининг назарий тамойилларини амалиётга татбиқ этмоғи ва шу орқали янгича мазмундаги демократик муносабатларнинг жамиятнинг ҳар бир жамоасида, оиласида ва фуқаросида қарор топишига, ёшларда янгича фикрлашни ва дунёқарашни шакллантириш жараёнига қўмаклашиши зарур.

Китобхонлар ҳукмига ҳавола этилаётган ушбу қўлланма айнан мустақил юртимизнинг бунёдкорлари ҳисобланмиш ёшларнинг психикасида шаклланиши зарур бўлган янгича қарашларга ва ўзаро муносабатларга ўргатиш йўлларини ижтимоий психология масалалари доирасида ечишга ёрдам беради, юксак маданиятли ва маънавий етук ҳалқقا муносиб ворисларни тарбиялашга муайян ҳисса қўшади, деган умиддамиз.

I БОБ. ИЖТИМОЙ ПСИХОЛОГИЯ ВА УНИНГ ДОЛЗАРБ МУАММОЛАРИ

1.1. Ижтимоий психологиянинг предмети ва вазифалари

Жамият - бу инсонлар мажмудир. Унинг тараққиёти ва маънавий салоҳияти кўп жиҳатдан ана шу инсонлар ўртасида юзага келадиган ўзаро муносабатларнинг табиатига, улар амалга оширадиган мураккаб ижтимоий ҳамкорлик фаолиятининг мазмунига боғлиқ. Ҳар бир инсон жамиятда яшар экан, у унда ўзига хос ўрин ва мустақил мавқе эгаллашга интилади, бинобарин, у ўзига хос интилиш, лаёқат ва фаоллик намуналарини намойиш қиласди. Инсонлар ўртасидаги ўзаро муносабатларни ҳамда ҳар бир шахснинг жамиятдаги ўрни ва унинг турлича ижтимоий муносабатлари табиатини ўрганувчи қатор ижтимоий фанлар мавжуд бўлиб, уларнинг орасида ижтимоий психология алоҳида ўрин эгаллади.

Ижтимоий психология жуда қадимий ва шунинг билан бирга у ўта навқирон фандир. Унинг қадимийлиги инсоният тарихи, маданияти ва маънавиятининг қадимий илдизлари билан белгиланади. Улар аслини олиб қараганда, у ёки бу жамиятда яшаган кишилар ўртасидаги ижтимоий муносабатларнинг ва тафаккурнинг ҳосиласи эканлиги билан эътироф этилса, у - ўз услубиёти, предмети ва фанлар тизимида тутган ўрнининг янгилиги инсоният тараққиётининг энг янги даврида шаклланганлиги ва ривожига туртки берганлиги билан тавсифланади. Дарҳақиқат, ижтимоий психологиянинг фан сифатида тан олиниши хусусида сўз борар экан, унинг расман эътироф этилиши 1908 йил дейилади. Чунки айнан шу йили инглиз олимни В. Макдугалл ўзининг “Ижтимоий психологияга кириш” китобини, америкалиқ социолог Э. Росс эса “Ижтимоий психология”, деб номланган китобини чоп эттирган эди. Бу асарларда биринчи марта алоҳида фан - ижтимоий психологиянинг мавжудлиги тан олинди ва унинг предметига таъриф берилди. Иккала муаллиф ҳам - бири психолог,

Иккинчиси социолог бўлишига қарамай, бу фаннинг асосий предмети ижтимоий тараққиёт ҳамда психик тараққиёт қонуниятларини уйғунликда ўрганишdir, деган умумий холосага келишган. Тўгри, мазкур муаллифларнинг ҳар хил фан соҳасининг вакили эканлиги, уларнинг ижтимоий психологик ҳодисалар табиатини ёритишга нисбатан ўзига хос қарашларининг мавжудлиги ва бундай ёндашув то ҳозиргача давом этаётганлигига асос бўлди. Рус олимаси Г.М.Андреева таъкидлаганидек, ижтимоий психология соҳасида ишлаётган мутахассиснинг аслида ким эканлиги - психологми, файласуфми ёки социологми, - унинг ушбу фан предметига ёндашувида ўз аксини топади, чунки агар у социолог бўлса, ижтимоий қонуниятларни аввал бошдан жамиятдаги анъаналар ва умумий қоидалар тилида тушунтиришга интилса, психолог - конкрет олинган шахс психологиясининг қонуниятларини умумжамият қонун-қоидаларига татбиқ этишга ҳаракат қиласди. Нима бўлганда ҳам, шуни асосли тарзда эътироф этиш зарурки, ижтимоий психологиянинг алоҳида фан бўлиб ажралиб чиқишига сабаб бўлган илмий манбалар икки фан - психология ва социология фанларининг эришган ютуқлари ва ҳар қайсисининг доирасида маълум муаммоларнинг ечилиши учун яна қўшимча алоҳида фаннинг бўлиши лозимлигини тан олиш туфайли юзага келди. Шунинг учун ҳам узоқ йиллар мобайнида ижтимоий психология соҳасида тадқиқотлар олиб бораётган шахснинг кимлигига қараб, изланишларнинг натижаларида у ёки бу ёндашув - психологик ёки социологик ёндашувнинг устуворлиги яққол қўзга ташланди. Демак, бу фаннинг тугилиши, ўз предмети соҳасини аниқлаб олишига сабаб бўлган социология ва психология фанлари аслида унинг "отоналаридир".

Умумий ҳолда, ҳозирги кунда унинг предметини қуидаги таърифлаш мумкин: ижтимоий психология - одамларнинг жамиятда ҳамкорликдаги иш фаoliyatlari жараёни давомида уларда ҳосил бўладиган тасаввурлар, фикрлар, эътиқодлар, ғоялар, ҳис-туйгулар, кечинмалар, турли хулқ-атвор шаклларини тушунтириб берувчи фандир. Демак, ҳар бир шахснинг жамиятда яшаши, унинг

ижтимоий нормаларга риоя қилган ҳолда ўзига ўхшаш шахслар билан ўрнатадиган мураккаб ўзаро муносабатлари ва уларнинг таъсирида ҳосил бўладиган ҳодисаларнинг психологик табиатини ва қонуниятларини тушунтириб бериш - ижтимоий психологиянинг асосий вазифасидир. Бундан келиб чиқадиган умумий таърифларга биноан, ижтимоий психология ижтимоий мулоқотнинг мураккаб шакл ва механизmlарини ўрганувчи фандир.

Ўзбекистон Республикаси Олий мажлисининг IX сесиясида Республика Президенти И.А.Каримов олий таълимни ислоҳ қилишда ва малакали кадрларни тайёрлашда ижтимоий психологиянинг фан сифатида алоҳида ўрни борлигига жамоатчилик дикқатини қаратди. Дарҳақиқат, етук кадр бўлиш учун шахс нафақат ўз иқтидори, билими ва савиясини ошириши зарур, балки жамиятда турлича ижтимоий муносабатлар тизимиға тайёр бўлмоғи, ижтимоий фаолиятни бошқаришнинг илмий қонуниятлари ва қоидаларини мукаммал эгалламоги зарур. Бошқарув, маркетинг ва менежмент соҳаларида, айниқса инсон омили ва уни бошқаришнинг психологик тизимини билиши - жамиятда соғлом инсоний муносабатларни шакллантириш орқали уни камол топтириш йўлидир. Шунинг учун бугунги кунда юртбошимиз таъкидлаганидек, ижтимоий психология ва умуман ижтимоий фаолият билан шуғулланувчи фанларнинг асосий вазифаси - барқамол авлод тарбиясини таъминловчи барча маънавий, руҳий ва инсоний муносабатлар моҳиятини таҳлил қилиш, уларни бошқаришнинг энг самарали усувларини ҳаётга татбиқ этишdir. Бу ўринда, айниқса ижтимоий тафаккурнинг, янгича дунёқараш ва муносабатларнинг шаклланишини, инсоннинг ўзига ва ўзгаларга таъсир этишнинг механизmlарини ўрганиш энг долзарб масалалардандир.

Хўш, бугунги кунда ижтимоий психология фан сифатида ўз баҳс мавзусини ва предметини қайси объектларга қаратмоқда?

Биринчидан, унинг асосий йўналиши кичик гуруҳлар ва жамоалар психологиясини ўрганишдан иборатdir. Ҳар бир шахс ҳамиша маълум ижтимоий гуруҳлар доирасида фаолият кўрсатади. Бу унинг оиласи, меҳнат жамоа-

си, кўча-кўйдаги норасмий гуруҳдаги дўстлари давраси, ўқув жамоаси ва ҳоказо. Шахснинг якка ва турли гуруҳлар доирасида ўзини тутиши, хулқ-атвори, мавқеи, унга ўзига хос гурухий таъсирлар, гуруҳдаги шахслараро мослик, лидерлик, гурухий тазиикқа берилувчанлик каби қатор ҳодисалар аслида ўша гуруҳларни бошқариш, соғлом ўзаро муносабатлар шароитини яратиш - бу одамларни самарали ўзаро мулоқотга ўргатишининг заруритидир. Бошқарув психологияси, саноат ва ишлаб чиқариш психологияси ана шундай гурухий жараёнларнинг қонун ва қоидаларини тадқиқ этиш туфайли ажрабиб чиққан татбиқий соҳалардир.

Иккинчидан, шахснинг ижтимоий психологик қиёфаси масаласи ҳам бугунги кундаги ўзгаришлар ва маънавий жиҳатдан покланиш даврида ўта мухим соҳадир. Зоро, ҳар бир шахснинг жамиятда рўй бераётган туб ислоҳотларга муносабати, уларни идрок қилиш ва англаш дараҷаси, ўз-ўзига нисбатан муносабатининг табиати, хулқидаги ижтимоий мотивлар ва йўналишлар катта аҳамиятга эгадир. Айниқса, боланинг вояга этиши жараённида унинг ижтимоийлашуви, яъни ижтимоий муносабатлар мұхитига кириб бориши, ижтимоий таъсирларни онгига сингдириши ва хулқини мустаҳкамланиши жараёнларининг психологик табиатини текшириш шахсни жамиятда шакллантириш дастурини яратиш учун зарур. Лекин ҳар бир шахсда бу жараён ўзига хос тарзда рўй бериши сабабли, ижтимоий психологияда унинг ижтимоий типлари фарқланади ва ҳар бир мураббий ёки тарбиячи уларни билиши амалий аҳамият касб этади¹.

Учинчидан, жамият миқёсида рўй берадиган оммавий ҳодисалар ҳам ижтимоий психология учун татбиқий аҳамиятга эга. Чунки алоҳида шахс тарбиясида оммавий ҳодисаларнинг, катта гуруҳларнинг таъсирини инкор этиш - масалага бир ёқлама ёндашишга баробардир. Масалан, шахс учун у мансуб бўлган миллат, элат ёки халқнинг руҳияти, унинг онгидаги асрлар давомида сақланиб келаётган анъаналар, расм-русумлар, ақидалар, удумлар, фаолият стереотиплари кабилар ўз муайян таъсир кучига

¹ Каримова В. Ижтимоий психология асослари. Тошкент, 1994.

эга. Миллатнинг руҳи илк болаликдаёқ шахс онгига у ўзлаштирган миллий тил орқали сингиши маълум. Шу каби ва бошқа оммавий психологик жараёнларнинг шахс ижтимоий хулқ-авторига таъсирини ўрганувчи ижтимоий психология ва хусусий тармоғи бўлган этнопсихология ижтимоий психологик қонуниятларни билишда ва уларни бошқаришда катта амалий аҳамиятга эга.

Ижтимоий психология ўрганадиган энг асосий ва юқорида таъкидлаб ўтилган муаммоларни ўз ичига олган масалалардан бири - бу **муомаладир**. Санкт-Петербурглик олимларнинг фикрича, бугунги кунда ижтимоий психологиянинг предмети ҳам ва унинг доирасида ўтказиладиган барча тадқиқотларнинг умумий обьекти ҳам муомаладир. Унинг инсон ҳаётida тутган ўрнини аниқлаш, турли ижтимоий фаолиятлар шароитида самара берадиган муомала турлари ва услубларини ёритиш, унинг соғ психологияк механизмларини тадқиқ этиш, фаннинг энг муҳим татбиқий йўналишларидандир. Биз ҳам маълум дараҷада бу фикрга қўшиламиз, чунки ижтимоий фаолиятнинг қайси соҳаси ёки шахслараро муносабатларнинг қайси шаклини олмайлик (иқтисодий, сиёсий, хуқуқий, мафкуравий, маънавий ҳ.з.), унинг негизи ва туб моҳиятини ўша муносабатларнинг эгаси ёки субъекти бўлмиш инсонлар ўртасидаги ўзаро таъсир ва муносабатлар ташкил этишини инкор этиб бўлмайди. Шунинг учун ҳам ҳар бир конкрет шароитда шахслараро мулоқот самарадорлигини ошириш омилларини ўрганиш ижтимоий психологиянинг муҳим вазифасидир.

1.2. Ижтимоий психологиянинг методлари

Ҳар бир алоҳида фанда бўлгани сингари ижтимоий психологиянинг ўз методлари ва уларни қўллаш восита-лари мавжуд. Тўғри, уларнинг аксарияти психология ва социология фанларида қўлланиладиган усулларга яқин, лекин фаннинг предметидаги ўзига хосликни ҳисобга олган ҳолда уларни ишлатиш йўллари ва маълумотларни илмий жиҳатдан таҳлил қилишда фарқлар мавжуд.

Масалан, умумий психологияда бўлгани каби ижтимоий психологияда ҳам кузатиш методи қўлланилади, лекин кузатув обьекти конкрет шахсдаги психик фаолият эмас, балки шахснинг ижтимоий муносабатлар тизимида бевосита кузатиш мумкин бўлган ижтимоий хулқидир. Яъни, кузатувчи аниқ олдиндан белгиланган режа асосида ўзи ўрганаётган гурухнинг фаолиятини, вербал ва нонвербал хатти-ҳаракатларни маълум вақт бирлигида муттасил кузатиб, олинган маълумотларни қайд этиб боради. Бунда замонавий аудио- ва видеотехникадан фойдаланиш, у ёки бу ҳаракатларни қайта-қайта кўриш орқали керакли холосаларни чиқариш мумкин. Ижтимоий психологияда қўлланиладиган кузатиш методининг асосан уч шакли мавжуд:

а) “қўшилиб кузатиш” - бунда тадқиқотчи (ўша) кузатилувчилар фаолиятига бевосита аралашиб, улар билан керак бўлса, яшайди ва ишлайди. Бу усуздаги энг муҳим хусусият унинг табиийлиги бўлиб, кузатиш обьектлари ўзларининг кузатилаётганликларини сезмайдилар ва кузатувчини гурухнинг аъзоси сифатида қабул қиласидилар. Ушбу шартнинг бузилиши экспериментнинг самараисиз бўлишига олиб келиши мумкин;

б) “ташқи кузатиш” - кузатилувчилар фаолиятига аралашмаган ҳолда улар ташқи хулқ-авторини қайд қилишдир. Бу усул муайян вақт ва сабр-тоқат талаб қилиши билан бошқа методлардан фарқ қиласиди, баъзида қисқа мuddат ичida тадқиқотчи ўзини қизиқтираётган предмет хусусида ҳеч нарса қайд қила олмаслиги ёки тасодифан қўлга киритилган маълумот асосида холоса чиқаришга мажбур бўлиши мумкин. Шунинг учун ҳам бу усул бошқа усулларга қўшимча восита сифатида ишлатилади;

в) “муҳим вазиятларни қайд этиш” усулида кузатишнинг моҳияти шундаки, алоҳида шаҳс ёки гуруҳ кутилмаган, тасодифий вазиятга солинади, ва уларнинг вазиятга муносабати, ўзини тутиши, зиддиятли ва қийин ҳолатлардан чиқиш йўллари кузатилади. Масалан, гурухни атайлаб олдиндан тузилган сценарий ёрдамида мунозарали вазиятга солиш ва унда ҳар бир гуруҳ аъзосини ўзини қандай тутиши ва баён этган фикрларини зикр этиш бунга ёрқин мисолдир.

Агар кузатиш методи ижтимоий психологияга умумий психологиядан ўтган усул бўлса, ҳужжатларни таҳлил қилиш усули социологиядан кириб келгандир. Бу усул ижтимоий фаолиятнинг маҳсулини ўрганишга қаратилган бўлиб, тўпланган маълумотларнинг ишончлилиги, математика ва статистика услублари ёрдамида қайта ишлаш имкониятининг мавжудлиги сабабли маълум афзалликларга эга. Бу усулнинг яна бир номи **контент-таҳлил** бўлиб, таҳлил қилинадиган ҳужжатлар тоифасига асосан оғзаки (сўзланган нутқ матнлари, сухбатларнинг ёзиб олинган қисмлари, бевосита мулоқот жараёнида қайд этилган манбалар) ёки ёзма (расмий ҳужжатлар, газета-журналлардаги мақолалар, хатлар, маънавий-маърифий адабиётлар матнлари ва шунга ўхшаш) ҳолда тавсия этилган маълумотлар киради.

Контент-таҳлилни қўллашда тадқиқотчи олдида турган асосий муаммо - бу текширув бирликлари бўлиши, категорияларни аниқлашдир. Кўплаб тадқиқотчилар фикрларини умумлаштирган ҳолда таҳлил қилиш учун унинг бирликлари қуидагилар бўлиши мумкин, деб ҳисоблаймиз:

а) алоҳида иборалар ёки сўзларда билдирилган тушунчалар (масалан, демократия, фаоллик, ташаббус, ҳамкорлик ва ҳоказо);

б) яхлит абзацлар, матнлар, мақолалар ва шунга ўхшашларда кўтарилиган мавзулар (масалан, миллатлараро муносабатлар мавзуси, инсонлардаги миллий қадриятлар, ёшлар маънавияти мавзуси ва ҳоказо);

в) тарихий алломалар, сиёsatшунослар, таниқли шахсларнинг номлари;

г) ижтимоий ҳодиса, расмий ҳужжат, бирор аниқ факт, асар (масалан, оиласвий можаролар, Ўзбекистон Конституциясининг муҳокамаси, янги ёзилган асарга ўкувчиларнинг муносабати ва шунга ўхшаш).

Яхши ўtkazилган контент таҳлил - аслида ижтимоий психологик тадқиқотларда жуда муҳим аҳамиятга эга. Лекин олинган маълумотларнинг ишончлилиги шу борада илгари ишлаган шахслар - экспертлар баҳоси, айни шу фактни текшириш учун бошқа методларни ҳам қўллаш ва маълумотларни солишириш ҳамда айни объектни айни

қўриш мумкин. Лекин уларни универсал деб бўлмайди, чунки у ёки бу тест муайян турдаги обьектда синалган бўлса, уни шунга ўхшаш обьектлардагина қўллаш мумкин, холос, қолаверса, ундан олинган маълумотлар нисбий хусусият касб этади.

Ижтимоий психологик эксперимент. Ижтимоий психологик эксперимент - бу ижтимоий ҳодисаларни ўрганиш мақсадида текширувчи билан текширилувчи ўртасидаги мақсадга йўналтирилган мулоқотдир. Бундай мулоқотнинг юзага келиши учун экспериментатор, яъни текширувчи маҳсус шароит яратади ва ана шу шароитда аниқ режа асосида фактлар тўплайди. Умумий психологияда бўлгани сингари, ижтимоий психологияда ҳам унинг табиий ва лаборатория турлари фарқланади.

Лаборатория эксперименти одатда маҳсус шароитларда, алоҳида хоналарда, зарур асбоб-ускуналар ёрдамида ўтказилади. Чет элларда биринчи марта лаборатория шароитида ижтимоий психологик ҳодисаларни, хусусан, якка тартибда ва гуруҳ шароитида шахсдаги билиш жараёнлари, тафаккур, сезгирилик ва бошқа қатор жараёнларнинг намоён бўлишини Г. Оллпорт, В. Меде, Майер, К. Левин ва бошқалар ўрганган бўлса, Россияда биринчи лаборатория шароитида ижтимоий психологик тадқиқотни рус олимни В.М.Бехтерев ўтказган эди. У маҳсус асбоблар ёрдамида идрокнинг аниқлигини, хотиранинг сифатини, кузатувчанлик хусусиятларини якка ҳолда ва гуруҳий шароитида солишибириб ўрганди ҳамда гурухнинг борлиги ҳар бир унинг аъзоси психикасига бевосита тасир этишини исбот қилди.

Лаборатория эксперименти кейинчалик Б.Г.Анаьев, Е.С.Кузьмин, В.С.Мерлин, В.Н.Мясищев, Л.И.Уманский кабилар томонидан янги қирралари ишлаб чиқилди ва ижтимоий психологияда аппаратура услуби кенг қўлланила бошланди. Масалан, инглиз олимни Р.Эшби томонидан каашф қилинган, кейинчалик Ф.Д.Горбов ва бошқалар томонидан такомиллаштирилган гомеостат методи, Л.И.Уманский томонидан яратилган гуруҳ учун интеграторлар пайдо бўлди ва амалиётда бир гуруҳ доирасида рўй берадиган ҳодисаларни, хусусан, гурухдаги бир-

дамлик, ўзаро мослик, лидерлик каби ҳодисаларни текширишда кенг фойдаланила борилди.

Проектив методлар. Улар тёст усулларининг бир кўриниши ҳисобланиб, уларда текширилувчига аниқ тизимга ёки кўринишга эга бўлмаган ноаниқ нарсалар тавсия этилади ва уларни шарҳлаш топшириги берилади. Бинобарин, текширилувчига турлича талқин қилиш мумкин бўлган расмлар, тугалланмаган ҳикоялар, бирор аниқ кўриниши мавжуд эмас буюмлар, ёғочлар берилиши, ёки уларга қараб текширилувчи ўзининг ҳиссий кечинмалари, қизиқишлиари, дунёқараши нуқтаи назаридан баҳолаши кутилади.

Проектив усуллар қаторига машҳур “Роршахнинг сиёҳ доғлари” тестини киритиш мумкин (1921 й.). Бу - икки томонлама симметрик шаклда берилган 10 хил доғлардан иборат бўлиб, ҳар бир доғ ҳар хил бўёқли фонда кўрсатилади. Текширилувчидан ҳар бир “доғ” ниманинг шаклини эслатиши сўралади. Унинг оғзидан чиққан сўзлар, ассоциацияларга қараб (уларни контент-таҳлил қилиб), шахс хусусиятлари юзасидан хулоса чиқарилади.

Яна бир проектив усул - бу С. Розенцвейгнинг расмли ассоциацияларидир. Бунда турмушда тез-тез учраб турдиган зиддиятли вазиятларни акс эттирган расмлар текширилувчига тавсия қилинади. Бу расмларда бир томонда турган персонажлар нималарнидир гапираётган ҳолда гавдалантирилади, унга қарама-қарши томондаги шахс эса ҳали жавоб қайтариб улгурмаган, текширилувчидан текширувчи тез, қисқа муддат ичida бўш катакларга қайтарилиши кутилаётган жавобни ёзишни сўрайди. Берилган жавобларга қараб шахснинг йўналиши, унинг зиддиятларга муносабати, жаҳолат ҳиссининг хусусиятлари, бу ҳиснинг кимларга қаратилганлиги ва шунга ўхшаш муҳим фактлар тўпланади.

Шундай қилиб, биз ижтимоий психологияда анъана-вий қўлланиб келинаётган асосий методларга тўхталиб ўтдик. Лекин ҳозирги даврда ҳаёт фандан татбиқий хусусиятга эга бўлишини талаб қилаётганлиги туфайли бу қаторга бир туркум методларни киритиш лозимки, улар ижтимоий психологиядаги фаол тайёргарлик методлари

б) технологик тизим ўзгаради, яъни маълум ташкилот ёки муассасанинг тузилишида ўзгариш рўй беради;

в) маълум типли маълумотларга боғлиқлик, яъни маълумотларнинг ташкилот ичида ёки унинг атрофида тўпланганлигига боғлиқ ҳолда натижаларнинг турлича қийматга эга бўлиши мумкин;

г) атайлаб ўтказилган тадбирлар таъсирида корхона тараққиёти ўзгариши мумкин, масалан, режалаштириш, ходимлар билан ишлаш сифати, қарорлар қабул қилиш ва ҳоказо.

✓ Амалиётда фаолият кўрсатаётган психолог жойларда уч асосий функцияни бажаради:

1. Эксперт, яъни, бу шундай шахски, у клиент ёки мижоз томонидан таклиф қилинади. Улар биргаликда бирор ижтимоий психологик вазиятни таҳлил қилишади, ху-лосалар натижасида янгиликлар киритишади, зиддиятли ёки жанжалли вазиятларда мақсадга мувофиқ тўғри хулқ шаклини таклиф этишади. Демак, эксперт ишининг оқибати - хулоса чиқариб, сўнг тавсиялар бериш.

2. Маслаҳатчи - экспертдан фарқли, мижоз томонидан бир марталик эмас, балки бир неча марта айни муаммо бўйича маслаҳат бериш ва хулосалар чиқариш учун таклиф этилади. Унинг аралашуви бевосита бўлиб, фаолияти оқибатида бирор шахс ёки яхлит жамоага ёрдам кўрсатилади, янги лойиҳалар қабул қилинади.

3. Ўргатувчи - одатда буюртма асосида жойларда ўқувлар, курслар ташкил қиласди. Унинг асосий воситаси - социал психологик тренинг ва унинг турли кўринишлари бўлиб, оқибати - ижтимоий мулоқотнинг турли шакллари-га ўргатишдир.

Юртимиэда маънавият соҳасидаги ислоҳотлар ва амалга оширилган ва оширилаётган ишларнинг аҳамияти шундаки, улар ёшларда ўз халқининг маданияти, Ватанинг ўтмиши ва бугуни, миллий қадриятларга тўғри муно-сабатларнинг шаклланишига сабаб бўлади ва бу - зиёли, билимдон кишилар учун энг зарур фазилатдир. Акс ҳолда, олам сиру асрорларини чуқур билган, қизиқишлиари доирасида жиддий изланишлар олиб боришга тайёр шахс, агар у, бу билимларни аввал ўз халқи, миллати,

яқинлари манфаатига йўналтира олмаса ва унинг жамият тараққиётига алоқасини тасаввур қилолмаса, маънавияти қашшоқ, иқтидори эса самарасиз, худбин шахс сифатида баҳоланади.

Табиий, ҳозирги бозор иқтисодиёти шароитида илмуған ютуқларининг амалиётга татбиқ этиладиган соҳала-ридан энг муҳими - бу ишлаб чиқариш **ва саноат** соҳа-сиdir. Зеро, ҳар қандай ишлаб чиқариш муаммосининг ижтимоий психологик жабҳасини аниқлаш кун тартибida-ги асосий масалалардан бири эканлиги ҳеч кимга сир эмас. Чунки янгича бозор муносабатларини ҳаётда амал-га оширувчилар алоҳида шахслар бўлиб, уларнинг инди-видуал ҳамда гурӯҳий установкалари, фаолликлари, меҳнатга муносабатлари, ҳиссиётлари етакчи роль ўйнайди. Корхоналарнинг мустақиллиги, ҳусусий мулкчиликнинг турли шакллари ҳаётга шиддат билан кириб келаётган бугунги кунда ҳам одамлар ўзаро гурӯҳ бўлиб меҳнат фаолиятини амалга оширап эканлар, улар учун ўша гу-руҳдаги ижтимоий психологик муҳитнинг қандайлиги, бевосита раҳбарнинг обрўси, норасмий лидерларнинг ишга ва шахслараро муносабатларга таъсири муҳим ма-сала бўлиб қолаверади ва уларнинг ҳусусияти ишлаб чиқариш самарадорлигига бевосита таъсир кўрсатавера-ди. Янгича бозор иқтисодиёти муносабатлари шароитида раҳбарлар олдида турган яна бир муҳим масала шуки, улар аввалгидан ҳам билимдонроқ бўлиб, ўз билимлари-ни кўпроқ ҳар бир шахснинг индивидуал психологик ла-ёқатлари ва қобилиятлари, ишга нисбатан муносабатла-рига биноан уларни тақдирлашлари, меҳнатга жалб этиш-нинг турли-туман шаклларини татбиқ этишлари зарур. Ходимни ёки ишчини шахсан ўрганиб, фаолиятини муно-сиб тақдирлаш эса (хоҳ моддий, хоҳ маънавий тақдир-лашдан қатъи назар) унинг қисман тестолог бўлишини, психология фанининг оммабол усууларини қўллаган ҳол-да иш юритишини талаб қиласди. Ишни ташкил этиш, гу-руҳларни шакллантиришда ҳам уларнинг ўзига хос қону-ниятларини билиши, одамлар сони ва салоҳияти масала-сида ижтимоий-психологик билимга эга бўлиши шарт.

То ҳозиргача, саноат ижтимоий психологияси йўналишида қилинган аксарият ишлар шу соҳа бирлашмалари даги алоҳида ишлаб чиқариш гурӯҳларида ижтимоий-психологик муҳитни ўрганишга қаратилган бўлиб, тадқиқот мобайнида ишлаб чиқариш самарадорлиги, ишчиларнинг меҳнатга муносабатлари, гурӯҳдаги қонун-қоидаларга бўйсунишлари ва ҳоказолар билан боғлиқлиги текширилган. Айниқса, кўп тадқиқотларда ана шу психологик феноменнинг раҳбарликка таъсири, норасмий лидерларнинг хусусиятларига боғлиқлиги масалалари тўлиқ тадқиқ этилган. Лекин шу йўналишдаги тадқиқодлар ҳозирги иқтисодий муносабатлар шароитида ўтказилгани йўқ. Шунинг учун ҳам яқин келажакда ижтимоий психологлар томонидан саноат корхоналарида ўтказилиши мумкин бўлган тадқиқот таркибига қўйидагиларни киритиш мумкин:

1) жамоа аъзолари ўртасидаги вертикал муносабатларни ўрганиш (раҳбарлик масалалари, раҳбарнинг жамоа аъзолари томонидан идрок қилиниши ва аксинча; ҳар бир аъзонинг раҳбарликда иштироки, ундан қониқиши ва бошқалар);

2) жамоа аъзолари ўртасидаги горизантал муносабатлар, яъни жамоанинг уюшганлиги, шахслараро муносабатларнинг ўзига хослиги, зиддиятлар ва уларнинг типлари, уларнинг олдини олиш чоралари;

3) меҳнатга муносабат, ундан жамоа аъзоларининг қанчалик қониқишлиари ва унинг меҳнат унумдорлигига таъсири, фаолият мотивлари, амалга оширилаётган фаолиятнинг шахсий ва ижтимоий-фойдали жиҳатларини қайдаражада тасаввур қилиши ва ҳоказо.

Тадқиқотчининг юқоридаги масалаларни ўрганиши учун табиий методик воситалар зарур. Амалий ижтимоий психолог оддий кишидан шу томонлари билан фарқ қиласди, у ҳар бир яққол шароитда ўзига керакли, маъқул услубларни қўллайди, баъзи бирларини синаб кўради, агарда улар мақсадга мувофиқ бўлмаса, бошқаси билан алмаштирилади. Олинган натижаларга асосланиб, у корхоналардаги руҳий муҳитни “яхши”, “ўртacha”, “ёмон”, “қарама-қарши” тоифаларга бўлади ва уларнинг ҳар биридан ўзига хос илмий-амалий хulosалар чиқаради.

Бундан ташқари, бугун тадбиркорлик негизида ташкил этилаётган кўплаб ишлаб чиқариш корхоналари, фирмалар, қўшма корхоналар мавжудкӣ, уларда меҳнатни илмий асосда ташкил этиш ва самарадорликнинг руҳий мезонларини топиш муҳим муаммолидир. Чунки янги корхонанинг раҳбари ва масъул шахслар кўплаб инсонлар билан мулоқотга киришиш ва ишлаб чиқариш муносабатларининг мураккаб шаклларини ҳис этишга мажбурдирлар. Менежмент ва маркетинг соҳасидаги ҳар қандай изланишлар ва уларнинг татбиқий натижалари, сўзсиз жамиятда ишлаб чиқариш кўрсаткичларининг юқори бўлишини ва инсон манфаатига хизмат қилишини таъминлайди. Farb мамлакатларида бўлгани каби бу соҳада талаб ва таклифларнинг ўз вақтида ўрганилиши, раҳбарлик маҳоратининг кўплаб қирраларини эгаллаган ҳолда ишлаб чиқариш жараёнини ташкил этиш, ҳар бир ходимнинг шахсий қобилиятларига дифференциал муносабатда бўлиш катта татбиқий аҳамиятга молик.

Саноат корхоналарида ташкил этиладиган психологик хизматнинг ижтимоий психологик йўналиши, аввало, турли тоифадаги ишчи-хизматчиларни ижтимоий ва шахсий зиддиятларини бартараф этишга ўргатиш, шахслараро муносабатларнинг демократик, соғлом шаклларига ўтиш, раҳбарлик маҳорати сирларини ўзлаштириш ва улардан кундалик фаолиятда оқилона фойдаланиш малакаларини шакллантиришdir. Бунда, шубҳасиз, психолог томонидан ташкил этиладиган турли тренинг машғулотлари муҳим аҳамиятга эга.

Татбиқий ижтимоий психологик изланишларнинг иккинчи асосий йўналишларидан бири - бу никоҳ ва оила соҳаларига олиб киришdir.

Оила ва никоҳ ҳамма вақт ҳам гуманитар фанларни қизиқтириб келган, айниқса, бу соҳанинг ўзига хос ижтимоий психологик томонлари мавжуд бўлиб, у оиласи яхлит бир ижтимоий груҳ сифатида талқин қилиб, унда содир бўладиган барча руҳий жараёнларни ўрганади. Республикада оила ва никоҳ масалаларига эътибор юксаклигини ҳисобга олиб, кўпчилик тадқиқотчилар ўз илмий изланишларини ана шу муаммоларга бағишлилаганлар

(М.Мирхосилов, Ф.Б.Шоумаров, М.Расулема, Н.Софинов, О.Мусурмонова, Г.Хомидова, А.Минавваров ва бошқалар). Оилаға нисбатан илмий қизиқишининг сабаблари, энг аввало, бу объектнинг “нақдлиги” бўлса, иккинчидан, кейинги йилларда ҳатто республикада ажралишларнинг кўпайиши, туғилишнинг шаҳар ва қишлоқларда нотекислиги, “муаммоли” оиласарнинг кўпайиши, ойла институтига ёшлар муносабатлари ўзгараётганлиги ва ҳоказо.

Халқимизда оила муқаддас даргоҳ ҳисобланади. Бу ҳатто давлат даражасида кўрилиб, 1998 йил республика мизда “Оила йили”, деб эълон қилиниши ҳам бу йўналишларда ишлар самарадорлигини ошириш, оилаға психологияк ёрдам кўрсатиш, бу борада мавжуд муаммоларнинг аниқ ечимларини топиш ишини жадаллаштиради. Иккинчидан, бизнинг жамиятимизда оилаға қаратилган бундай эътибор унинг маънавий негизларини мустаҳкамлашга шубҳасиз, хизмат қиласи.

Умуман олганда, бизнинг худудимизда ҳам оила - никоҳ муносабатлари йил сайин ўзгариб бормоқда. Бу борадаги ўзгаришларга:

1) оиласнинг жамият олдидағи функцияларининг ўзгариб бориши;

2) оиласнинг кичрайиши ва унда туғилишнинг камайиши, мураккаб кўп авлодлри таркибдан кам авлодли оиласарга айланайтганлиги кабилар;

3) оиласий муносабатлар тизимида эр ва хотин функциялари ва оиласий роллар ҳақидаги ижтимоий тасавурларнинг ўзгариб бораётганлиги;

4) иқтисодий инқирозларнинг оила аъзолари ўртасидаги муносабатларга таъсири;

5) аёллардаги репродуктив установкаларнинг ўзгариши ва бошқалар.

Бу айтиб ўтилган соҳалар Ўзбекистон шароитида шу яқин кунларда ишланиши зарур муаммолар бўлиб, уларнинг ечимига кўра оиласи режалаштириш, оиласа болалар тарбияси, аёл ва эркакнинг меҳнатга (ижтимоий фойдали меҳнатга) муносабати юзасидан олимлар ўз фикрларини айтишлари жоиз. Иккинчи томондан, демократия ва эркинлик шароитида йиллар давомида таъқиқланиб келинган қадриятларимиз, биринчи навбатда, диннинг

ҳаётга кириб келиши оилавий муносабатларга шундай таъсир кўрсатмоқдаки, кўпчиликда “энди аёл киши анъанавий ўз ўрнини эгаллармикин?” деган тасаввурлар пайдо бўлмоқда. Аммо ҳозирги ривожланган ижтимоий-иктисолий муносабатлар шароитида моддий ишлаб чиқаришни хотин-қизларсиз тасаввур қилиб бўлмайди. Шунинг учун ҳам психологияк илмий тадқиқотлар одамлар онгидаги ана шундай қарама-қаршиликларнинг олдини олишга ёрдам кўрсатиши мумкин. Шаҳарларда ва йирик аҳоли пунктларида “Оила хизмати”, “Оила Марказлари” шаҳобчаларини ташкил этиш зарурки, улар бир томондан, оила ва никоҳ борасидаги илмий муаммоларни тадқиқ қилиб, уларни ҳаётга татбиқ этса, иккинчи томондан, ёшларга, ҳали турмуш курмаганларга, зиддиятли оилаларга бевосита психологияк хизмат кўрсатади.

Оилавий муносабатлар соҳасидаги алоҳида татбиқий тармоқ - бу ёшларни оилавий ҳаётга тайёрлашдир. Бу иш бизнинг ўлкамизда алоҳида аҳамиятга эга бўлиб, янгилик билан эскилиқ ўртасидаги қарама-қаршиликлар шароитларида ўта муҳимдир. Ўсмирлик ва ўспиринлик йилларида шаклланадиган аттракция ҳодисаси, яъни шахсларнинг бир-бирларига эмоционал боғланишлари - дўстлик, севги ҳисларини тарбиялаш, ана шундай тарбияга шарт - шароитларни яратиш Ўрта Осиё ҳудудида янги ва келажаги порлоқ соҳадир. Шу ишларни амалга оширишда мактаб психологлари, педагоглар, ижтимоий психологлар ҳамкорликда фаолият кўрсатсалар хулосалар ва натижаларни ҳаётга татбиқ этса бўлади.

Амалий психологнинг бу борадаги асосий вазифаси шуки, ижтимоий психологиянинг фаол методларидан омилкорона фойдаланган ҳолда ёшларни оилавий муносабатларга тайёрлаш, оилаларда шахслараро мослихни шакллантириш, оилавий зиддиятлар ёчимини топишда одамларга ёрдам бериш, турли тренинглар ўtkазиш ва уларнинг самараси орқали инсонларда ишонч ҳиссини таркиб топтириш.

Жамиятимизда ёшлар тарбияси, маънавий-маърифий ишларнинг долзарблигидан келиб чиқадиган яна бир татбиқий ижтимоий психологик йўналиш - бу мактабда кўрсатиладиган ижтимоий психологик хизматdir.

Маълумки, шахснинг ижтимоийлашуви (ёки социализацияси) асосан мактаб йилларига тўғри келади. Шунинг учун мактаб олдига қўйилган асосий вазифалардан бири боланинг камолоти учун барча шароитларни яратиш, унинг индивидуал ва психологияк хусусиятларини ҳисобга олган ҳолда таълим ва тарбиянинг энг мақбул шаклари ни жорий этишдир. Лекин ҳозирги шароитда мактаб олдида кўплаб муаммолар, ҳал қилинмаган масалалар мавжудки, уларнинг барчаси мактабга ҳар тарафлама ёрдамни тақозо этади. Узбекистон Республикаси Президенти И.А.Каримовнинг кўрсатмаларига асосан ёшларнинг лаёқатларини илк ёшдан аниқлаш, улар иқтидорини ҳар тарафлама ўстириш вазифалари ўқувчига индивидуал ёндашувнинг зарурлигини, ўқишининг дифференциал бўлишини талаб қилмоқда, шунга кўра мактаб ва жамоатчилик олдига қатор муаммолар қўйилмоқда. Тестлар воситасида билимларни текшириш, олий ўқув юртларига ва таълимнинг барча тармоқларига тест синовлари орқали қабулнинг амалга оширилиши психологик хизмат зарурятини вужудга келтирмоқда. Ижтимоий психология давр талабларидан келиб чиқсан ҳолда ўз олдига қуйидаги вазифаларни қўяди:

- а) ёшлар тарбиясида ижтимоий психологик муаммоларни англаш;
- б) уларни илмий жиҳатдан таҳлил қилиш ва татбиқий хуносалар чиқариш;
- в) мавжуд зиддиятларнинг олдини олиш йўлларини қидириш, йўл-йўриқлар тавсия қилиш кабилар.

1. Мактабда ташкил этилган психологик хизматнинг самарали йўлларини қидириш, шарт-шароитлар ва муҳитни ҳар томонлама, тўлиқ ўрганиб чиқиши ҳар бир ўқувчининг ёш хусусиятларини ҳисобга олган ҳолда индивидуал ва грухий ишлаш услубларини аниқлаш лозим.

2. Мактаб психологи ўқувчилар ўртасида учраб турадиган психик ривожланишдан кечикиш ҳолларини тўлиқ ўрганиши, уларни келтириб чиқарувчи омиллар ва ижтимоий-психологияк шарт-шароитларни таҳлил қилиши лозим.

- ✓ 3. Мактаб психологи турли ёшдаги ўқувчиларнинг қобилиятлари, йўналиши, лаёкатлари ва қасбий қизиқишларига доир аниқ илмий таҳлиллар, тест натижалари асосида тузилган маълумотлар банкига эга бўлиши керак. Бу маълумотларга асосланиб, психолог уларга алоҳида алоҳида ёндашиш, айримларга қўшимча дарслар ташкил этиш, мактаб, оила ва жамоатчилик ҳамкорлигига қобилиятларини ўстириш билан боғлиқ аниқ кўрсатмалар ишлаб чиқиши лозим.
- ✓ 4. Мактаб психологи синфлардаги руҳий ҳолатларни, ўзаро муносабатлар билан боғлиқ бўлган психологик мұхитни аниқлаши, расмий ва норасмий лидерлар ўртасидаги муносабатларни чуқур ўрганиши, мактаб маъмурияти ва тарбиявий ишлар бўйича директор ўринбосарига зарур йўл-йўриқлар тавсия қилиши жоиз.
- ✓ 5. Бундан ташқари, мактаб психологи турли можаролар, зиддиятлар, тартиббузарликларнинг олдини олиш, уларнинг психологик илдизини ўрганиш чора-тадбирлари бўйича консультациялар ташкил этиши шарт. Бундай консультациялар ота-оналар ва педагоглар жамоаси учун алоҳида ташкил қилинади. Амалий психолог фаолиятининг яна бир томони турли масалалар бўйича ўқитувчилар жамоасига психологик ёрдам беришdir. Бунда у жамоадаги соғлом мұхитнинг асоси бўлмиш ўзаро муносабатларни яхшилашга қаратилган ижтимоий психологик тренинг машғулотларидан самарали ва ўз вақтида муттасил фойдаланиши, узлуксиз равишда диагностик синовлар ўтказиб туриши, педагогнинг қасбий маҳоратини ва нутқ қобилиятини оширишда ижтимоий психологиянинг барча фаол тайёргарлик усусларидан фойдаланиши зарур.

Юқоридаги вазифалардан келиб чиқкан ҳолда, мактаб психологи ўз фаолиятининг асосий йўналишларини белгилаши мумкин. Улар диагностик ва тузатиш ишлари, психопрофилактик ишлар, психологик консультациялар, ўқитувчилар, ота-оналар ва ўқувчиларнинг психологик саводхонлигини кўтариш; психология методларини аниқ шароитларга мослаштириш, улардан самарали фойдала-

ниш, тўпланган илмий маълумотларни изчил тарзда таҳлил қилиб бориш; тестлар тузиш, уларнинг сезигрлигини илмий асослаш ва ҳар бир ўқувчи қобилиятини, қолаверса, ўқитувчилар билимдонлигини тестлар ёрдамида мунтазам текшириш, илмий холосалар ва кўрсатмалар тайёрлаш кабилардан иборат.

Республикада мактабда психологияк хизмат кўрсатиш ишларини такомиллаштириш ўқувчиларни жамият олдида турган улкан ва улуғвор ишларга тайёрлашда ўзининг муносиб ҳиссасини қўшади ва Ўзбекистон Республикасининг “Таълим ҳақидаги қонуни” бандларини муваффақиятли амалга ошириш ҳамда “Кадрлар тайёрлаш миллий дастури”ни ҳаётга жорий этишда ўз ўрнини топади .

Психология фани олдига қўйилган талабларни қондириш учун жумхураниятилизда кенг кўламда илмий-тадқиқот ишларини ривожлантириш, уларнинг нитижаларини дадил амалиётга татбиқ қилиш, амалиёт билан назария ўртасидаги узвий боғлиқликни ҳаётда қарор топтириш муҳим аҳамият касб этади.

II БОБ. ИЖТИМОЙ ПСИХОЛОГИК БИЛИМ-ДОНЛИК ВА САМАРАЛИ МУОМАЛАГА ЎРГАТИШ ТЕХНИКАСИ

2.1. Янгича ижтимоий психологик муносабатларга ўргатиш муаммоси

Инсоният тарихи қанчалик қадимий бўлса, инсоний муносабатлар, шахсларо ижтимоий муносабатлар ма-саласи ҳам шу даражада кўхна ва ҳамиша долзарбдир. Инсон тафаккури ва унинг ақл-идрокига хос бўлган муҳим хусусиятлардан бири шуки, унинг тараққиёти, энг аввало, кишилик жамиятидаги ўзаро муносабатларнинг қай даражада мукамаллиги ҳамда инсонийлигига боғлиқ. Шунинг учун ҳам ҳар бир шахс ва жамият учун демократик, инсоний муносабатлар мезони. муҳим ва ўта аҳамиятлидир. Зеро, демократик муносабатлар ижтимоий муносабатларнинг муҳим бир шакли сифатида ҳар бир мўътадил тараққий этаётган инсоннинг маънавий, иродавий, интеллектуал, ҳуқуқий ҳамда маърифий баркамоллиги негизини ташкил этади.

Халқимиз маънавияти ва маърифати тарихига назар ташлар эканмиз, қадимий Шарқ мамлакатларида давлатчилик анъаналари аввало инсон ҳақ-хуқуқлари, эрки, тафаккури ривожига муносабиб ўзаро муносабатлар, бир сўз билан айтганда, инсонпарварлик тамойиллари асосига қурилган эканлигини кўришимиз мумкин. Акс ҳолда, тарих улуғ боболаримиз Афросиёбу Маҳмуд Фазнавийларни, Амир Темуру Ҳусайн Бойқароларни, Мирзо Улуғбеку Бобурларни, Ҳумоюн ва Ақбаршоҳларни, Ибн Сино ёки ал-Хоразмийларни, Беруний ва Навоийларни билмаган, уларнинг буюк зеҳни ва иқтидори, жамият, фан ва маданият равнақига қўшган ҳиссаларидан баҳраманд бўлмаган бўлар эди. Демак, демократик жараёнлар ва гуманистик муносабатларгина халқни тараққиётнинг энг юксак даражасига элтади. Лекин инсонлар ўртасидаги ижтимоий муносабатлар Шарқда ўзига хос ва ҳар бир миллат психологиясига мос ҳолда шакллангандир.

Истиқол түфайли ўз мустақил тараққиёти йўлидан бораётган республикамиз ёшларини янгича ижтимоий муносабатларга тайёрлаш, давр руҳида тарбиялаш - шу куннинг энг долзарб ва устувор вазифаларидан биридир.

Ижтимоий психологик муносабатларнинг психологик табиатини таҳлил қиласр эканмиз, унинг шахс камолоти ва салоҳиятига таъсири масаласига алоҳида тұхтаб ўтиш жоиздир, чунки айнан жамиятда шахслараро муносабатларда шахсда ўзини ўзи англаш, ўзини ўзи камол топтириш жараёнлари тезлашади, самимий инсоний муносабатлар, инсон ҳак-хуқуқини эъзозлашга асосланған муносабатлар шахснинг ўзи ҳақидаги билимларини, ўз имканиятларини ва насл-насабини аниқроқ ҳамда түғрироқ тасаввур қилишга имкон беради.

Иккинчидан, айнан түғри ижтимоий муносабатлар ўзга шахслар хуқуқ ва әрқинликларини ҳам англаш, уларни хурмат қилишга қаратилған тасаввурлар мажмунининг бўлишига имкон яратиб, инсоний муносабатларда маданият ва илтифот тамойилларига амал қилинишига шароитлар яратади.

Юқорида қайд этилган икки жиҳат оқибат натижасида инсон шахсини энг олий қадриятлар сифатида эътироф этилиши ва унга нисбатан жамиятдаги яхлит муносабатларининг ўзгариши туфайли хуқуқий маданият ва фуқароларнинг сиёсий фаолликларини тобора ошиб боришини таъминлади. Шунинг учун ҳам туб ислоҳотлар жараёнларини бошидан кечираётган давлатимизда иқтисодий, сиёсий ислоҳотлар билан бир қаторда маънавий-маърифий ислоҳотларга катта эътибор қаратилмоқда. Бу ўринда шу нарсани алоҳида таъкидлаш зарурки, ҳозирги кунда республикамизда амалга оширилаётган ислоҳотларнинг тақдири ёшларимизнинг маънавий қиёфасига, шахсий баркамоллигига боғлиқ, Бу вазифаларни амалга ошириш инсоний ўзаро муносабатларда демократик тамойилларни онгга тұла сингдиришни тақозо этади ва ижтимоий психология фани олдига қатор вазифаларни қўяди.

Бу ўринда кўплаб тадқиқотчиларни ўйлантираётган масала шуки, жамиятда ривожланадиган ва унинг таъсирида шаклланувчи шахс учун қандай ижтимоий муносабатларнинг таъкидлаш зарурки, ҳозирги кунда республикамизда амалга оширилаётган ислоҳотларнинг тақдири ёшларимизнинг маънавий қиёфасига, шахсий баркамоллигига боғлиқ, Бу вазифаларни амалга ошириш инсоний ўзаро муносабатларда демократик тамойилларни онгга тұла сингдиришни тақозо этади ва ижтимоий психология фани олдига қатор вазифаларни қўяди.

батлар мұхити зарур ёки бошқача қилиб айтғанда, унинг баркамоллиги учун мақбул шарт-шароитларни яратиш мүмкінми ёки унинг прогрессив тараққиеті учун мұхим бўлган шахслараро муносабатлар тизимини яратиш имконияти борми? Бу фикрнинг пайдо бўлишига сабаб - айрим тадқиқотчиларда жамият таъсиридан кўра, шахснинг бевосита ўз мұхити, ҳаттоқи ёлғизлик ҳам ижобий омил бўлиши мумкин, деган фикрлари ҳам йўқ эмас. Олимларнинг таъкидлашларича, японлар тарбия мактабида “маритао” деб номланувчи тизим мавжуд эканки, унга кўра, ўсмир ёки ўспирин маълум тараққиёт босқичида ёлғизликтек маҳкум этилар экан. Бунда уни горга ёки шунга ўхшаш жойга ёлғиз қамаб кўйишар, ҳатто, ўзи билан ўзи мулоқот қилиши ҳам таъқиқланаркан. Фарб тадқиқодчилари (Л.Симеонова ва б.қ.) ушбу жараённинг психологияк мөхиятини талқин қилас эканлар, унинг иккى жиҳатига эътиборни қаратади: бир томондан, бу нарса ижобий самара бериши мумкин, чунки одам ўзини ўзи англаш, ўзига холис баҳо бериш, ижодий ривожи учун зарур имкониятни ўзидан қидиришга мусассар бўлади. Лекин иккинчи жиҳати ҳам борки, унда одам ўзгаларда худди ойнага қарагандай ўз аксини кўради, шу туфайли у кишилар жамияти талаби ва қоидаларига бўйсуниш, ўзини ўзи мукаммалаштириш имкониятидан маҳрум бўлади.

Маълумки, сўфийлар ҳам ислом оламида ўзига хос руҳий дунёга эга бўлишган, уларда ҳам дунё ғамларидан ва хурсандчиликларидан воз кечиш, ўз ҳиссий оламида ёлғиз Ҳақ йўлида ҳаракат қилиш фалсафасига асосла-нишган. Лекин уларнинг дунёқараши ва психологиясида бир мұхим жиҳат борки, унда “Ўзини таниган киши ўз Раббини танийди”, деган ҳадисий қоидага амал қилган. Яъни тасаввуфда ҳам инсон жамиятда яшар экан, аввало, у ўзини севишга ўрганади, ўз камолоти учун курашади, бу унинг Аллоҳга бўлган мұхаббатининг рамзи ва нишонаси ҳисобланади. Абухомид Газзолий фикрича, барча инсонларга хос бўлган сифатлар борки, уларнинг мазмуни қуйидаги омиллар орқали тушунтирилади: 1) инсон ўзини, ўз камолоти ва ҳаётига асос бўладиган нарсаларни севади; 2) ўзига яхшилик қилган, ёрдам берганларни севади;

3) умуман ҳаммага яхшилик қиласиган саҳоватли одамларни севади, жумладан, адолатли шоҳлар ҳам севимли; 4) шунингдек, барча гўзал нарсалар, нафосат олами, хушбўй, хушсурат нарсаларни ҳам севади; 5) маслак ва мазҳаб юзасидан ҳам одамлар бир-бирларини яхши кўрадилар, буларнинг барчаси, охир-оқибат инсонларнинг руҳий-маънавий қариндошлигига асос бўлади. Кўриб турганимиздек, тасаввуф илмида ҳам жамиятдаги мўътадил инсоний муносабатлар билан индивидуаллик ўртасида тафовут йўқ. Зеро, жамиятнинг туб моҳиятини англаб етиш, аввало ўзини ўзи англаш ва шу орқали ижтимоий муносабатлар мазмунини тўғрироқ тушунишга олиб келадиган мантиқий йўлдир.

Юқоридаги фикрлардан келиб чиқсан ҳолда ёшлар тарбиясида уларни янгила ижтимоий муносабатларга ўргатишнинг айrim жиҳатлари ҳақида фикр юритамиз.

Биринчидан, ижтимоий муносабатлар ёшлар тарбиясининг барча босқичлари ва жабҳаларида эътиборга молик обьект сифатида қаралмоғи лозим. Яъни оилавий муносабатлардан тортиб, то меҳнат жамоаларидаги муносабатларда инсон шахси, индивидуаллиги, бетакрорлигини хурмат қилиш, унинг ўз иқтидори, маслаги ва имкониятларини қандай бўлса, худди шундайлигича табиии тарзда қабул қилиш ва шу асосда унинг ривожи учун мақбул шарт-шароитлар яратиш мақсадга мувофиқдир. Олий ўқув юртларида бўлгуси мутахассислар тайёрлашда уларда касбий маҳоратнинг ўсишини таъминловчи маънавий омиллардан бири - талабанинг шахсий интилиши, қизиқиши, маслаги нуқтаи назаридан ўз билимига ва маслакаларига муайян талаблар кўя билишдир. Бошқача қилиб айтганда, биз таълим “стандарт”ларига тўла жавоб берадиган шахсни мутахассис сифатида бир қолипда тарбиялашимиз қийин, лекин мақсадли таълим-тарбия заминида ҳар бир талабанинг ривожига туртки бериш, унинг муомала тафаккури ўсишига таъсир этиш усулларини қўллашда энг самарали муомала шаклларини амалиётга татбиқ этиш зарур. Демократик, тенг хуқуқлиликка асосланган ўзаро муносабатларгина талабага ўзини ўзи англаш, келажакда жамиятга нима бера олиши ҳақида

тасаввурларга зга бўлиш, ўз руҳиятида “ички тартиб-интизом”ни жорий этиш ва шу асосдан ўзини ўзи руҳий-маънавий жиҳатдан тарбиялаш тизимини амалга оширишга имкон беради. Зеро, шахс маънавияти ривожи ҳам аввало ўзини ўзи англаш, кейинчалик ўз манфаатини англаш ва ниҳоят жамиятни таниш босқичларини тақозо этади.

Иккинчидан, айнан янгича демократик муносабатлар ёшларни касбга тўғри йўналтириш, ўз иқтидори доирасида касб танлаш, унга тўғри муносабатда бўлиш, бошқача қилиб айтганда, бозор муносабатлари эҳтиёжлари ва талабларига хос ҳамда ҳар бир шахснинг лаёқатига ва маслагига мос касбни танлашга йўналтиради. Бу жараён кейинчалик мутахассис учун зарур бўлган касб маҳорати ва профессионализм учун муҳим замин ҳозирлайди.

Учинчидан, ҳар бир шахс учун ўз эркинлигини англаш, ўзига муносабатларнинг ижобийлигини ҳис қилиш муҳим аҳамият касб этишини ҳисобга олар эканмиз, биз айнан демократик тамойилларнинг ҳаётда барқарорлиги шароитидагина йигит-қизларда ўз яқинларига, оиласига, меҳнат ёки таълим муассасасига, эл-юртига садоқат ва меҳр-муҳаббат туйғуларини тарбиялаш мумкин. Зеро, бу нарса Ватанга бўлган муҳаббатнинг, юксак ахлоқ ва ватанпарварликнинг яққол асосидир. Шуни алоҳида таъкидлаш мумкинки, буюк алломалар, зеҳн ва қобилият соҳиблари бўлмиш инсонлар ўзини озод ва эркин ҳис қилган шароитдагина, уларга ҳам бетакрор шахс, ҳам сермаҳсул ижодкор сифатида қарагандагина ижодий юксалиш ва илҳомланиш ҳисларини бошларидан кечирганлар. Мир Алишер Навоийнинг энг нодир асарларида айнан ўз халқига, Ватанига ва Аллоҳга чексиз меҳр-муҳаббати ифодаланган, улар халққа муаллиф меҳр-муҳаббати жўш урган дамларда яратилганлигига ҳеч шак-шубҳа йўқ. Шунинг учун ёшларни Ватанга муҳаббат, унинг муқаддас тупроғига чексиз меҳр руҳида тарбиялаш мафкуравий ишларнинг бош мезонидир.

Маълумки, бугунги туб ислоҳотлар шароитида ёшлар тарбиясида ўзини ўзи бошқариш муаммоси катта аҳамиятга зга. Унинг самарадорлиги шахслараро соғлом, самимий муносабатлар мавжуд бўлишини тақозо этади. Хўш, бунинг учун нима қилиш керак?

Бугунги кунда олий ўкув юртларини ислоҳ қилиш зарур экан, ўкув режалари ва дастурларини замонавий та-лабларга мувофиқлаштириш билан бир қаторда, ҳар бир талаба билан профессор-ўқитувчилар ўртасидаги ўзаро муносабатлар тамойилларини тубдан ўзгартириш муаммоси борлигини ҳис этиши зарур. Ёшларимизни мустақил фикрловчи, фаол, шижаатли, ўзига ишонувчан, зукко, билимдон, демократик муносабатларнинг субъекти қилиб тарбиялашни амалга ошириш учун, сўзсиз, ижтимоий психология ва унинг методлари муҳим роль ўйнайди. У тарбия жараёнини соф ижтимоий муносабатларнинг маҳсули, деб қарайди, янгича фикрлаш ва тафаккурнинг муҳим шарти сифатида демократик муносабатларга асосланган муомала жараёнини таҳлил қиласи. Демак, барча олий ўкув юртларида талабаларга маҳсус дастурлар асосида муомала техникаси ва этикет асослари ўргатилиши лозим. Иккинчидан, унинг асосида таълим берувчи билан таълим олуви ўртасидаги янгича - "субъект-субъект" шаклдаги муомала устувор бўлиши керак. Бу муносабатларнинг асл моҳияти шундаки, эндиғи асосий вазифа - профессор-ўқитувчининг ўқитиши эмас, балки уни "ўқишига" ўргатиш, орқали таълим-тарбия жараёнининг фаол субъектига айлантиришдир. Бошқача қилиб айтганда, янгича муносабатлар таълим ва тарбия жараёнида иштирок этувчи шахсларнинг муносабатлари ўзаро ҳурмат, ҳамкорлик ва бир-бирини тушуниш шартига бўйсунган бўлишини тақо-зо этади.

Бизнингча, Ўзбекистон шароитида "субъект-субъект" шаклдаги муносабатларнинг асл моҳияти, авторитар ва демократик лидерлик услубларини ўз фаoliyatiда уйғунлаштирган, педагогик нуфузга, инсоний муносабатларга чанқоқлик, касбий билимдонлик билан узвий боғланган тақдирдагина ҳақиқий демократик муносабатлар қарор топади, дейиш мумкин. Бу ўринда фанда мавжуд бўлган анъанавий бошқарувнинг демократик, авторитар ва либерал турлари ҳақидаги қарашларни яна бир таҳлил қилиш зарур. Шундай қилиб, агар биз профессор-ўқитувчини эскича стереотиплардан, яъни ўзининг мутлоқ билимдонлиги, талабанинг вазифаси эса фақат уни танқидсиз қабул

қилиш, тинглаш ва такрорлаш эканлиги билан боғлиқ турғун қарашлардан ҳоли қила олсак; илм олувчини эса әркин фикр юритиш ва ўз фикр-мулоҳазаларини баён этишга ва ўз әркини ҳис қилишга ўргата олсак, шахс психологияси ва муносабатларида янгича ҳолат юзага келади, яъни шунда шахс ўзини:

- а) әркин ҳис қилади;
- б) ўз имконияти ва иқтидори ҳақида түғри тасаввурга эга бўлади;
- в) тафаккурнинг альтернатив-муқобил бўлишини тўлик англайди;
- г) ҳар бир шахснинг ички “Мен” дастури мукаммалашиб боради;
- д) ўз фикр ва қарашларининг, хулқ-атворининг асл сабабларини англаш, индивидуал эҳтиёжлар табиатини тушуниш имконияти туғилади. Бунда ижтимоий-психологик тренинглар, яъни самарали мулоқот ва муомала усуллари ҳамда маромларини кенг қўллаш катта амалий аҳамият касб этади.

Демак, ижтимоий психологик бўлимдонликдан кўзланган асосий мақсад - талабаларни бўлгуси ижтимоий фаолиятга психологик жиҳатдан тайёрлаш, уларда юксак инсоний фазилатларни шакллантириш, коммуникатив бўлимдонлик ва шахслараро мулоқотнинг мураккаб шаклларига мослашиш жараёнларини тезлаштиришдан иборатdir.

2.2. Ижтимоий психологик бўлимдонлик - самарали муомаланинг муҳим омили сифатида

Жамиятимизнинг бугунги ижтимоий ҳаётида рўй берадётган туб ислоҳотларнинг моҳияти ҳақида фикр юритилар экан, энг ноёб миллий қадриятларни ёш авлод руҳига ва маънавий дунёқарашига сингдириш ва ундан умуминсоний манфаатлар йўлида фойдаланишнинг ягона йўлларидан бири - бу уларда бўлимдонликни етарли даражада шакллантиришdir. Президентимиз И.А.Каримов таъкидлаганидек, “дунёning демократик қадриятларидан баҳраманд бўлишда аҳолининг бўлимдонлиги муҳим аҳамият касб

этмоқда. Фақат билимли, маърифатли жамиятгина демократик тараққиётнинг барча афзалликларини қадрлай олишини, ва, аксинча, билими кам, оми одамлар авторитаризмни ва тоталитар тузумини маъкул кўришини ҳаётнинг ўзи ишонарли тарздә исботламоқда. (Каримов И.А. Ўзбекистон XXI аср бўсағасида..., 1997).

Давлатимизда мустақиллик кўлга киритилиб, ҳуқуқий ва демократик ислоҳотлар амалга оширилишида қилинаётган ижтимоий саъй-ҳаракатларнинг неъмати шундаки, “мустақиллик мамлакатимиз аҳолисининг билим доирасини кенгайтирди”. Ўз тарихимиз, тилимиз, миллий қадриятларимиз, маданий меросимиз дурданаларини ўрганишга очилган йўл халқ тафаккурининг ривожланиши, унинг ўтмиши, бугуни ва эртаси ҳақида аниқ тасаввурларга эга бўлишига имкон яратади, ёшларни мустақил фикр юритишга ўргатади.

Юқоридаги фикрлардан келиб чиқадиган асосий хулоса шундан иборатки, давлатимиз келажаги бўлмиш ёшларнинг билим доирасини оширишда ва дунёқарашини янада кенгайтиришда фаннинг самарали услубларидан кенг фойдаланиш зарур. Бу ўринда эътиборни биз таъкидлаган “билимдонлик” тушунчасининг ижтимоий-психологик моҳиятига қаратмоқчимиз.

Маълумки, илмий адабиётларда “билимдонлик” тушунчаси кўпинча “ақл”, “ақллилик”, “ilmga чанқоқлик” тушунчалари билан бир хил маънода ишлатилади. Аслида психологоик нуқтаи назардан ушбу тушунчалар, ўртасида моҳиятан бир оз бўлса-да, фарқ бор. Буюк бобомиз Алишер Навоий “ақл” тушунчасини “билимдонлик”дан кенгроқ таърифлаб, ақл сўзининг 27 даражаси ва 27 сифатини ажратади. Ушбу сифатлардан энг муҳим ва ижобийлари бевосита билимдонликка алоқадордир. Масалан, “ақл мухандислари” - донишмандлар, олимлар, билимдонларни; “ақл пири” - тафаккур устози, фаросатли кишиларни; “Ақл ўти” - зеҳн ўткирлиги, хушёрликни; “ақли кулл” - энг етук ақл каби қатор сифатларгина инсонни атроф-муҳитда рўй берадиган воқеа-ҳодисаларнинг моҳиятига етиш, уларни таҳлил қилиш ва умумлаштириш, янгилек очиш, ижодий изланиш хислатларини акс эттиради.

Ибн Сино эса инсон фаолиятидаги ҳақиқатни билишга олиб келувчи назарий ҳамда яхши ишларни бажаришга йүналтирувчи амалий билимларни фарқлади.

Демак, шахснинг *билимдонлиги* унинг атроф-муҳит, табиат ва жамиятда рўй берадиган мураккаб ҳодисаларни, кишилар ўртасидаги муносабатларни англаш, баҳо-лаш, ўзи ҳақида тўғри тасаввурга эга бўлиш негизида ҳаётда, кундалик турмуш ва онгли фаолиятда намунали ишларни бажариш, инсоний фазилатларга амал қилишни тақозо этади. Бугунги кунда ёшлар *тарбияси* олдида турган энг мухим вазифа ҳам - келажагимиз бунёдкорларида айнан шундай сифатлар мажмумини шакллантиришдир.

Фанлар тарихидан мълумки, фалсафа фани илмларнинг энг юқори поғонаси бўлиб, энг фозил ва донишманд инсонлар ушбу соҳа билан шуғулланганлар. Лекин фалсафанинг назарий ҳамда амалий қисмлари бўлиб, биринчи қисми уч босқичдан: табиатшунослик, математика ва метафизикадан; амалий қисм ҳам уч қисмдан:

- шахс ҳақидаги илмлар;
- инсоннинг ўзаро муносабатлари ҳақидаги илмлар;
- мамлакатни бошқариш илми қисмларига бўлинади.

Бизнингча, билимдонликнинг юксак поғонаси барча илмлар соҳибининг диди, фаҳм-фаросати ва зукколигини тақозо этади. Яъни маърифатли, билимга чанқоқ шахс табиат ва жамият, инсон тафаккури ва маънавий дунёсига алоқадор барча билимларга бефарқ эмаслиги, уларни мукаммал эгаллагани билан фарқланади. Шундай авлодгина мураккаб технология, халқаро муносабатлар ривожланган даврда халқ хўжалигининг устувор йўналишларини бошқарувчи юқори малакали мутахассис сифатида давлат ва жамиятга фойда келтириб ишлай олади. Бугунги кунда таълим тизимининг асосий вазифаси - кадрлар тайёрлаш миллий сиёсатининг устувор йўналишларидан келиб чиқаётганлиги мантиқан тўғридир.

Ижтимоий психология ҳам билимдонлик тушунчасининг моҳиятига ўзига хос тарзда ёндашади ва унинг серқирралигини эътироф этади. Психологик нұқтаи назардан олиб қаралганда шундай мухим жиҳат мавжудки, у ҳам бўлса, аниқ илмлар соҳасида билимлар ҳамда

шахснинг жамиятдаги инсоний, мафкуравий, ҳуқуқий, сиёсий, демократик муносабатлар тўғрисидаги билимларининг ўзаро уйғунлиги масаласидир.

✓ Ўзбекистон шароитида ушбу масаланинг ижобий тарзда ҳал қилинишига Президентимиз И.А.Каримовнинг 1996 йил “Маънавият ва маърифат жамоатчилик Марказлари фаолиятини такомиллаштириш ва улар самарадорлигини ошириш тўғрисидаги” Фармони, Республика Олий ва ўрта маҳсус таълими вазирлигининг ушбу Фармони ўқув юртларида бевосита бажаришга қаратилган қатор буйруқ ва қарорлари, турли ўқув масканларида “Маънавият ва маърифат асослари” курслари ўқитилишининг ташкил этилиши сезиларли рол ўйнади. Маънавият соҳасидаги ислоҳотлар, амалга оширилган ва оширилаётган ишларнинг аҳамияти шундаки, улар ёшлиарда ўз ҳалқи маданияти, Ватанининг ўтмиши ва бугуни, миллий қадриятларга тўғри муносабатларнинг шаклланишига сабаб бўлмоқда, бу эса зиёли, билимдон кишилар учун энг зарур фазилатdir.) Акс ҳолда, олам сиру асрорларини чуқур билган, қизиқишилари доирасида жиддий изланишлар олиб боришга тайёр шахс, агар у бу билимларни аввал ўз ҳалқи, миллати, яқинлари манфаатига йўналтира олмаса ва унинг жамият тараққиётига алоқасини тасаввур қила билмаса, маънавияти қашшоқ, иқтидори эса самара-сиз, худбин сифатида баҳоланади. Шу боис ҳам мамлакатимиз олий ва ўрта ўқув юртларида, мактабларда “Маънавият сабоқлари”нинг киритилиши, улардан кутилаётган самара айнан ана шу эзгу ниятларнинг амалга ошишига сабаб бўлмоқда.

Бугун ташқари, Президентимизнинг қатор вилоятлар, ҳалқ депутатлари Кенгашларининг навбатдан ташқари сессияларида сўзлаган нутқларида яна бир ёшлиар билим-донлигига алоқадор жиҳат аниқландики, “1997-йил - Инсон манфаатлари йили” деб эълон қилинган даврда уларнинг ҳуқуқий онги ва маданиятини оширишга катта эътибор қаратилди. Дарҳақиқат, ёшлиар тарбиясидаги кўплаб муаммолар айнан шу масалага келиб тақалишини ҳаёт исботлади. Республика Олий ва ўрта маҳсус таълим вазирлиги ҳам ўзининг қатор ҳужуматлари билан бу масала-га янада ойдинлик киритиб, олийгоҳларда талабалар

хуқуқий маданиятини ўрганиш ва уни шакллантиришга қаратилган аниқ вазифаларни топширди.

Фаргона Давлат университети өолимлари хуқуқий онг, билимлар билан хуқуқий маданият ўртасидаги ўзаро алоқани ўрганиш мақсадида социологик тадқиқот ўтказғанлар. Маълум бўлишича, талаба ёшларнинг билим доирасида Республиканинг асосий Қомуси, унинг моҳияти, қонунчиллик шартлари ва мазмуни ҳақида тасаввурлар мавжуд, яъни хуқуқий онгнинг шаклланганлик даражаси 2-4 курс талабаларида тахминан 70-75%ни ташкил этган бўлса, хуқуқий маданият мезони ҳақида тасаввурлари 18-20%ни ташкил қиласа, холос.

Ниҳоят, юқоридагиларга алоқадор яна бир жиҳат борки, бу ёшларнинг психологияк саводхонлиги ва уни ошириш масаласидир.

Психологияк саводхонлик тушунчасининг асл моҳияти - бу шахснинг ўзи, унинг ҳиссий кечинмалари, муносабатлари мажмуи билан жамият ва ундаги шахслараро муносабатлар тизими, қадрияtlар, маънавият тўғрисидаги тўла тасаввурлариdir. Психологияк нуқтаи назардан билимдон одам тасаввурларида объективлик ва холислик сифатлари мавжудким, шу туфайли у ўз “Мени”ни мукаммалластириш ва ўзгалар билан тўғри муносабатлар ўрнатиш қобилиятига эга. Тўғри, ҳаёт, ундаги вазиятлар, ҳодисалар, шахсий тажриба шахсни маълум йўналишда ривожланишига сабаб ҳисобланиб, унинг маълум ижтимоий тасаввурлари тизимини ҳосил қиласи. Лекин стихияли, тажрибадаги “хатоликлар” ва “ютуқлар” эвазига ортирилган психологик саводхонлик аниқ мақсадга йўналтирилган, шахс ва жамият манфаатларига, аниқ таҳлил ва эзгу ниятларга таянган билимдонликдан фарқ қиласи. Масалан, бошқарув тизимини оладиган бўлсак, раҳбар ва ходим ўртасидаги муносабатларнинг тўғри йўлга қўйилмаганилиги кўпинча шахслараро зиддиятлар ва низоларни келтириб чиқаради. Лекин агарда раҳбарнинг фаолияти мақсадларида ходимнинг индивидуал ҳусусиятлари ва ижтимоий кутиши ҳамда иқтидори ҳисобга олиниб мулоқотга киришилса, мулоқот самарадорлигини оширувчи усуллардан фойдаланилса, натижка ўзаро келишув ва томонларнинг ҳамфикрлилиги билан якунланади.

Янги давр кишиси, умуман ишлаб чиқаришнинг турли соҳаларида фаолият кўрсатаётган шахслар маҳсус дастур асосида муомала техникаси ва ўзини ўзи тарбиялаш технологиясини эгалласалар, унда ижтимоий фаолият самараси ортади.

Психологик саводхонлик яна шунинг учун ҳам зарурки, кўпинча инсон ўз иктидори ва имконияти даражасида аниқ тасаввур қилмайди, билимгоҳ ёки касб танлашда ўзгалар таъсирига берилиб, муайян хатоликка йўл қўяди. Бунинг оқибатида нафақат ўша шахс азият чекади, балки жамиятга зарар келтиради. Ҳар бир шахс ўзини ўзи тарбиялашнинг малакаларига эга бўлиши, аутотренинг элементларидан боҳабар бўлиши, ўзгалар билан мулоқотга тайёрлиги - тренингларда кўнилмалар ҳосил қилиши, “ўзгача бўла олиш санъати”, унинг руҳий баркамоллигига заминлиги туфайли жамиятда соглом инсоний муносабатлар устун туради. Билимдон кишилар ўзининг билим тизимидан ҳам унумли, ҳам самарали фойдаланиш имкониятига эгадирлар. Зоро, баъзан билимлар доираси кенглиги сабабли димоғдорлик иллати юзага келиши, салоҳияти бўйича ўз ўрнини тополмаслик ўз-ўзини қуи баҳолаш баркамол шахс тараққиёти учун салбий таъсир кўрсатади.

Демак, ижтимоий психологик билимдонликдан кўзланган асосий мақсад - ёшларни бўлгуси ижтимоий фаолиятга психологик жиҳатдан тайёрлаш, уларда инсоний фазилатлар шакллантириш, коммуникатив билимдонлик ва шахслараро мулоқотнинг мураккаб шаклларига мувофиқлашув жараёнларини тезлаштиришdir. Бугунги талабалар эртанги куннинг бунёдкорлари, ватанпарварлари, меҳнатсевар инсонлар, жамоаларни бошқарувчи зиёлилар бўлиб етишиши кераклигини ҳисобга олсак, улардаги билимдонлик даражаси ва кўламининг кенг бўлишининг аҳамияти шак-шубҳасизdir. Зоро, юксак, теран ва атрофлича фикр юрита оладиган ва ижтимоий фаолиятидан эл юрга наф етказадиган инсонларгина камолотга эришиши мумкин. Бу жараёнда ижтимоий психология ўзининг фаол методлари ва қонуниятлари билан ўз ҳиссасини қўшади.

2.3. Самарагали муомаланинг техникаси ва технологияси

Маълумки, мулоқотнинг мақсади ва унинг қай даражада амалга оширилишига кўра самарадорлиги ҳақида фикр билдириш мумкин. Яъни мулоқот эҳтиёжларидан келиб чиқиб унинг қондирилиши, муаммо ечими билан боғлиқ вазифаларнинг бажаришига асосланиб, мулоқотнинг самарагали ёки самарасизлиги тўгрисида хуласа чиқарса бўлади. Шахслараро муносабат мулоқотга киришувчиларнинг ўзаро бир-бирларини тушунишга олиб келса, бундай ўзаро муносабатлар самарагали ва фойдали ҳисобланади.

Муомалага киришувчи томонларнинг ўзаро бир-бирларини тушунишга олиб келувчи йўл ёки маром ўз навбатида ўша шахсларнинг ўзаро бир-бирларини мавқе бўйича билишни таъминлайди. Мулоқотнинг психологик тизимидан шу нарса маълумки, унинг уч асосий қисми, яъни муомала субъектларининг ўзаро бир-бирлари билан ахборот, ҳиссий кечинмалар ва фикр алмашинувини таъминловчи коммуникатив, ўзаро бир-бирларининг хулқ атвортарига таъсирларини белгиловчи интерактив ва бир-бирларини тўғрирок, аниқроқ идрок қилиш ва баҳолашларини таъминловчи перцептив томони мавжуд. Ушбу тизимнинг ҳар бир томони муомаланинг зарурий ва муҳим таркиблари ҳисобланиб, унинг учинчи бўлаги шахслараро таъсир ўтказиш учун жуда муҳимдир. Чунки муомалага киришувчи шахслар бир-бирларини яхши тушунишлари учун, аввало, суҳбатдошнинг юзи, ҳиссий кечинмаларини идрок қилган ҳолда фикран унинг мавқеида турга билиши, ўзини унинг ўрнида ҳис қилиб, ўзида ҳукм суроётган ҳис-туйғулар доирасида унинг ҳолатига киришга интилиш (идентификация), қолаверса, бу жараёнда индивидуал ва ижтимоий онгда мавжуд бўлган мутлақ стереотип, онгда ўрнашиб қолган тасаввурлардан фойдаланиши (стереотипизация) ушбу жараён тўғри кечишини таъминлаб туради. Лекин бу жараёнлар шунчалик тез ва қисқа фурсатда кечадики, шахс баъзан ўзидаги ана шундай қиёслашларни онгсиз равишда, ҳаётий тажриба

орқали ўрнашиб қолган шаблонлар - қолиллар асосида амалга оширади, шунинг учун айрим ҳолларда мулоқот самарасиз ёки хато кечиши мумкин. Ана шундай хатоликларга олиб келувчи жараён ижтимоий психологияда каузал атрибуция деб аталиб, унинг моҳиятини шахснинг кўпинча ўз хиссий кечинмалари ва тасаввурларида ўрнашиб қолган қолиллардан нотўғри фойдаланиш натижаси ташкил қиласди. Масалан, ташки қиёфаси кўримсиз талабанинг имтиҳон саволларига жавоб бераётганлигини идрок қилган профессор, негадир, унинг қониқарсиз жавоб бериши, билими етарли эмаслиги хақидаги нотўғри тасаввурга эга эканлиги каузал атрибуциянинг айнан ўзидир. Ана шундай жиҳатларнинг олдини олиш ва мулоқотнинг самарадорлигини ошириш мақсадида унинг ижтимоий психологик омилларини ҳисобга олиш ва шу асосда ҳар бир шахснинг ижтимоий билимдонлигини юксалтириш амалий аҳамиятга эга.

Муомала жараёнининг самарадорлигини таъминловчи ижтимоий психологик омиллар ичida шахснинг мулоқот маромини эгаллаш кўрсаткичи муҳим ўрин тутади. Бу сифат мулоқот саводсизлигига зид бўлиб, охирги хислат қўйидаги омилларга боғлиқ: 1) ўзгалар мавқеида тура олмаслик, уларнинг ҳиссий кечинмалари, туйғулари ва муносабатларига бефарқлик; 2) ўз ҳис туйғулари ва муносабатларини бошқара олмаслиги, ўз-ўзига масъулиятнинг йўқлиги, ўз-ўзини таҳлил қилиш имконининг заифлиги; 3) сухбатда ҳар бир инсон учун бир қарашда табиий ҳисобланган нутқ қобилиятининг йўқлиги, яъни фикр-мулоҳазалардаги мантиқ ва узвийликнинг мавжуд эмаслиги; 4) эшлиш қобилиятининг кучлизлиги, яъни бирорвга мурожаат маъносида гапириш қанчалик буюк фазилат ва масъулияти фаолият бўлса, ўзгаларни, сухбатдошни тинглаш ҳам шахсдан қатор сифатларни талаб қиласдики, тинглай олиш уқуби ҳам сухбатни ўзига оғдиришнинг муҳим омилидир.

Юқоридаги омилларнинг кучига эътиборсизлик, ўзгалар мавқеида тура олмаслик муомалада субъектив ҳодисани келтириб чиқаради. Шунинг учун ҳам тўғри йўлга кўйилган самарали мулоқот ва уни таъминловчи йўл ва

воситалар иккита асосий камчиликни бартараф этишга хизмат қилади;

- ҳар бир шахс тафаккурининг муқобил бўлиши мумкинлигини англаши, яъни сұхбатдош аввал бошдан ўзгларда ҳам ўзининг фикрига қарама-қарши фикр бўлиши мумкинлигини тушуниши ва бу нарса билан ҳисоблашиши зарурлиги;

- ўз фикрлари ва ҳаракатларининг мотивлари, уларнинг асл сабабларини англаш имконияти, яъни ҳар бир шахсда ўз шахсий тажрибаси, ҳаётга субъектив муносабатлари оқибатида “Эго” - эҳтиёжлар мажмуйи шаклланиб борадики, у бошқалардаги айни шундай эҳтиёжларга тубдан қарама-қарши ёки қисман зиддиятли бўлиши мумкин.

Юқоридаги икки ҳолатнинг мавжудлигини англаш ижтимоий вазиятларда содир бўлиши эҳтимоли мавжуд хатоликлар ва атрибуцияларнинг олдини олади. Шуниси характерлики, айнан қарама-қарши мавқеларнинг бўлиши аслида ҳаётимизнинг мазмуни ва унинг серқирралигини англатади. Ҳаётий, амалий муомала қаравшларнинг айнан бир хиллигини эмас, балки уларнинг ўзаро солиштириш имконини беради. Ана шундай мулоқотнинг самараси туфайли одам турли ижтимоий психологик вазиятларда эгилувчан ва мослашувчан сифатлари билан онгли равища шахслараро зиддиятлар ва низоларни бартараф этади.

Гап муомаланинг самарадорлиги ва унинг омиллари тўғрисида борар экан, шу ўринда унинг стратегияси ва тактикаси тушунчаларига бир оз изоҳ бериш жоиз. Муомала стратегияси деганда, унинг қандай шаклда ўтиши тушунилади. Шу нуқтаи назардан олиб қаралганда, унинг куйидаги шакллари фарқланади: диалог ёки монолог; очик ёки интим (сирли, яширин); ролли ёки шахсий норасмий кабилар.

Муомала техникаси деганда, унинг самарасини таъминловчи психологик омиллар, воситалар, усууллар тушунилади. Бу шахс ёки гурухнинг коммуниктив малакалари ва кўнилмалари йиғиндисидан иборат бўлиб, энг аввало нутқ қобилияти ёки эшлиш уқуви, уларнинг жозибали ва таъсирчан чиқишида қўлланиладиган барча ҳиссий-эмоци-

онал ва психологик-характерологик услублар киради. Шундай “техниканинг йўқлиги” шахснинг бевосита руҳий кечинмалари ва ҳолатида намоён бўлади ва унда ҳавотирлик, ҳадиксираш, одамовилик, мuloқotдаги омилик хислатларини келтириб чиқаради. Бундан ташқари, муомаланинг техникаси деганда, ушбу жараёнда бевосита иштирок этаётган ёки аникроқ қилиб айтганда, қўлланиладиган нутқий-вербал ёки нутқиз-новербал воситалар назарда тутилади. Маълумки, одамлар ўзаро мuloқotга киришганида, энг самарали ва табиий сўзлашиш воситаси бўлмиш нутқдан фойдаланадилар, унинг таъсирчанлиги ва кучи, табиий, ўша сўзловчиларнинг малакаларига, тажрибасига ва ҳаётий кўникмаларига, тил бойликларидан қайдаражада омилкорона фойдалана олишларига боғлиқ. Узбек тили шу қадар жозибали, гўзал ва бойки; нотиқлик маҳорати унинг барча имкониятларидан ўз ўрнида ва моҳирлик билан фойдаланишига боғлиқ. Лекин ана шу нутқий мuloқot ўз навбатида уни ҳиссий жиҳатдан тўлдирувчи нутқиз-новербал воситалар билан ҳам бойитиладики, унга ўша сухбатдошларнинг бир-бирларига нисбатан фазовий жойлашишларидан тортиб, то товушлар, интонациялар, тўхталишлар, оҳанглар ва эмоционал қўллаб-куватлаш механизмлари киради. Нутқда ишлатиладиган пауза - тўхталишлар ёки юз ифодалари - мимикарининг ўринли ишлатилиши сухбатдошни руҳан мuloқotдош шеригига яқинлаштиради ёки ноўрин ишлатилган муқомлар, ортиқча ҳаракатлар ҳиссий кечинишлар уни қониқтирмаслиги, сухбатдошини эса зериктириши табиий ҳолдир.

Шунинг учун ҳам муомалага мақсадли ўргатишда сухбат стратегияси ва техникаси масалаларини олдиндан аниқлаш катта амалий аҳамиятга эга.

Кўп мутахассислар сўзлаш санъати (маҳорати) таъсирчанлигини ҳисобга оладилар-да, лекин эшлиши уқуви ва унинг техникасига юзаки қарайдилар. Зоро, эшлиши ёки тинглашнинг ҳам ўзига хос нозик томонлари мавжуд. Аввало, эшлиши ёки тинглаш гапириш учун мавжуд ёки тинглаш эса - тушуниш учун даркор. Бу икки ҳолатда тингловчининг юз ифодасидан тортиб, то ўзини ҳис қилишлари

барчаси фарқ қиласи. Тингловчи сұхбатдошини фикр алмашиш учун тинглаганда, унинг дікәті шу даражада таранг бүләдіки, натижада у то бирор луқма ёки аниқ бир фикр түплемагунча, уни тинглайверади. Иккінчи ҳолат - ахборотни тушуниш учун тинглаганда эса эмоционал кечинмалар ёки луқмалар ҳар бир фикрга аниқлик киритиш, унинг моҳиятига тұлық етиб бориш учун ишлатиласы, бунда тингловчининг сұхбатдошга нисбатан мавқеи ол-дингисидан анча суст кечади.

Бундан ташқари, тинглаш техникаси ҳақида гап кетганды, унинг иккі босқичи фарқланады: құллаб-қувватлаш босқичи ва шархлаш босқичи. Биринчи босқичнинг моҳияти асосан сұхбатдошта ташаббусни бериш ва унинг фикрларини охиригача баён этишга имконият бериш бўлиб, бунда қуидаги воситалар қўлланилади:

- “акс садо” - ҳар бир жумла ёки фикр охирида унинг охирги сўзларини қайтариб туриш;

- маъкулловчи ёки эътиroz билдирувчи луқмалар, қайтариувчи сўзлар билан сұхбатдош фикрларини хиссий маъкуллаш. Масалан, “Қаранг-а!”, “Қойил!”, “Йўғ-э!” кабилар.

- “чорлаш ва қувватлаш” воситаси ҳам айрим луқмалардан иборат бўлади, масалан, “Кейин нима бўлди?!”, “Яна-чи?”, “Яшанг!” сингарилар.

- “аниқлик киритувчи саволлар” - масалан, “Нима демокчисиз?” ёки “Аниқ мақсадингиз нима экан, ўзи?” ва ҳоказо.

- “кўшимча луқмалар” - бунда гапнинг мазмунидан келиб чиқиб, айрим аниқликлар киритилади. Масалан, “Мен ҳам эшитганим бор, бу ҳақда”, “Қани, қолганини ҳам эшитайлик-чи?”...

Бу воситалардан фарқли ўлароқ, шархлаш босқичида тингловчи ўз мавқеи ва муносабатини тұлароқ баён этишга ҳаракат қиласи. Бунда тингловчи танқидий мулөхаза ҳам киритиши мумкин (“Йўғ-э, унчалик эмасдир?”), ёки аниқ фикрни маъкуллайди, эътиroz билдиради (“Сизни тушундим, ... демокчисиз-да?”, ёки “Албатта, шундай...”). Бундан ташқари, у тинглаш жараёнида сұхбатдошининг фикрларини таҳлил қилиши (“Ха, энди Сизни тушундим,

чунки ...”), маслақатларни билдириши (“Сизни ўрнингизда мен ҳам ...”), сұхбатдош фикрларини үз сүzlари билан қайтариши ёки айтилғанларнинг йұналишини ўзгартыриш мақсадида бошқа предметга құчириши ёки ҳазилга айлантириши мүмкін. Юқоридаги ҳолаттар, сұхбатнинг жонли, мазмунли ва самарали кечишини табий равища таъминлайды. Ижтимоий психологияк тренинг орқали одамларни муомалага тайёрлаганда, албатта, юқоридаги омилларнинг барчаси инобатта олиниши зарур.

2.4. Фаол ижтимоий психологик методларнинг турлари ва хусусиятлари

Ижтимоий психологияда фаол ижтимоий психологик тайёрлов методлари деганда, аввало шахс ёки гурухни самарали мұлоқот малакаларига ўргатиш ва улардаги коммуникатив билимдонликни ошириш усуллари тушунилади. Демек, инсон үз ҳаётида шахсий тажриба, ижтимоий малака ва құникмаларни орттириб бориши жараёнида ҳосил бўладиган стихияли, бевосита шаклланадиган ижтимоий билимдонлик ёки коммуникатив саводхонликдан фарқли ўлароқ, фанда ушбу жараёнларни мақсадли шакллантириш, шахс ва яхлит гурух фаолиятига таалуқли ижтимоий фазилатларни тезлаштириш учун қўлланадиган услублар мажмуй мавжуд. Баъзи адабиётларда уларни қисқача қилиб, *ижтимоий психологик тренинг* (ИПТ) деб аташади.

“Тренинг” тушунчаси инглизча “ўргатиш”, “машқ” деган маънони англатиб, ижтимоий психологик тренинг - бутурли ижтимоий фаолият соҳаларига шахсни тайёрлашдан ibirat бўлиб, бунда асосий эътибор шахс ёки яхлит гурухнинг мұлоқот ёки коммуникатив фаолияти соҳасидаги билимдонлик даражасини мақсадга мувофиқ тарзда ошириш жараёнини акс эттиришдир. Масалан, қўплаб олийгоҳларда ижтимоий фаолиятнинг у ёки бу соҳалари учун мутахассислар тайёрланади. Лекин уларнинг келгуси фаолиятларида одамлар билан мураккаб муносабатларга ўргатиш, ўзини ва ўзга шахслар ҳамда яхлит ижтимоий гурухлар фаолиятларини бошқаришга

машқлантириш ва зарур ижтимоий малакаларни орттиришга қаратилган тадбирлар ва тайёргарлик мажмуаси тренингдир. Яъни у шахсни ижтимоий мулоқотга олдиндан мақсадли тарзда тайёрлаш демакдир. Тўғри, инсон жамиятда яшар экан, унинг талабларига, яққол вазиятлар тазиикини инкор этмаслик ва ижтимоий нормаларни бузмаслик истаги бўлганлиги учун у ўзида маълум ижтимоий кўникмаларни эгаллаб, шахсий тажрибасини орттириб, бу борадаги билимдонлигини мукаммаллаштириб боради. Лекин стихияли, “хато”лар ва “синовлар” йўли билан ортирилган бошқарув тажрибасидан фарқли ўлароқ ИПТ ва уни ташкил этувчи услублар мажмуи аниқ талаб ва эҳтиёжлардан келиб чиқиб, шахснинг коммуникатив билимдонлиги дараҷасининг қисқа фурсатларда мақсадга қаратилган тарзда шаклланишига имкон беради.

Шундай қилиб, тренингнинг табиий ҳамда маҳсус тарзда уюштирилган турлари ҳақида мулоҳаза юритиш мумкин. Биринчи ҳолатни биз ҳаттоки, кичик ёшли болаларда ҳам кузата оламиз. Масалан, ёш болаларнинг турли ижтимоий роллар доирасида ўзаро ҳар хил ролли ва сюжетли ўйинлари билан машгул бўлишлари, унда турли роллар (ўқитувчи, тарбиячи, ҳайдовчи, бошлиқ ва ҳоказо)ни импровизация қилишлари, табиийки, улардаги нафакат дунёқарашни, балки бўлгуси ижтимоий фаолиятларга тайёр бўлишларида катта аҳамият касб этади.

Маҳсус тарзда уюштирилган тренингда эса алоҳида вазиятлар ва ҳар бир ўйин иштирокчисининг шахсий эҳтиёжлари, уларда индивидуал шаклланиши зарур бўлган сифатлар катта роль ўйнайди ва шахс атайлаб у ёки бу ижтимоий психологик вазиятга ўзгалар томонидан қўйилади.

Тренинг методларининг асосий вазифалари қўйидагилар билан изоҳланади:

- 1) шахснинг ижтимоий психологик билимдонлигини ошириш;
- 2) мулоқот (муомала) фаолиятида намоён бўладиган яққол билимлар, малакалар ва кўникмаларни ҳосил қилиш;

3) самарали мuloқотда намоён бўладиган зарур сифатлар, ижтимоий установкаларни шакллантириш, номадекватларини тузатиш (коррекция);

4) ўзини ўзи тўлароқ англаш, билиш ҳамда ўзгаларга нисбатан тўғри муносабатларни шакллантириш қобилиятини ўстириш;

5) умуман шахснинг ижтимоий муносабатлари тизими ни яққол ижтимоий психологик вазиятларга мослигини таъминлаш ва мувофиқлаштириш.

Шундай қилиб, тренинг машгулотлари учун маҳсус вазият, аниқ мақсад, шахсий эҳтиёжлар ҳамда ана шундай машгулотларни ўтказувчи шахс ёки бошловчи зарур. Машгулотларнинг муваффақияти айрим тамойилларга аниқ бўйсунишни ва бошқариш малакаси мавжуд бўлишини тақозо этади.

Биринчидан, машгулотга ёзилган шахслардан, мунозара ёки ўйин иштирокчиларидан ижтимоий фаоллик талаб қилинади. Чунки аъзолар турли ролли вазиятларда ўзларидаги мавжуд билим ва малакалардан фойдаланиб, гурух аъзоларининг ҳаракатлари ҳамда вазиятнинг талабига кўра аниқ хулқ - автор шаклларини намоён қилишларига тўғри келади.

Иккинчидан, Т-грух аъзоларидан доимий изланувчанлик, муайян жойда вазият ҳамда ролларини таҳлил қилган ҳолда унинг моҳиятини тушуниш у ёки бу ролга киришга тўғри келади, зеро тренинг тафakkур ва қарашларнинг эгилувчан ҳамда вазиятларга мос бўлишини тақозо этади.

Учинчидан, ижтимоий психологик тренинг машгулотларида намоён бўладиган хулқ - автор шаклларининг объективлашуви, яъни гурух аъзоларининг муносабати ва ролининг талаблардан келиб чиқсан ҳолда ҳар бир иштирокчи айнан шу ролга мос ҳаракатни реал хулқда мустахкамлаши ва бошқалар таъсирида уни онгли равища қабул қилиши зарур.

Ва ниҳоят, ҳар бир машгулот ва мuloқот шерикларнинг максимал тарзда бир-бирларини хурмат қилишларига асосланмоғи керакки, натижада шахс бундай машгулотлардан кейин бегона фикрларни ҳам қадрлашга, улар

билан ҳисоблашишга, “үзга бўлиш” ва бирорларни тинглашга, мос тарзда ўз фикр мулоҳазаларини баён этишга ўрганади.

Демак, ижтимоий психологик тренингнинг туб психологик маъноси - инсоний муносабатларга ўргатишдан иборатдир.

Одатда тренинг машғулотлари маҳсус хоналарда ёки маҳсус танланган жойларда (табиат қучогида) ўтказилади. Лекин жойнинг тайёрланишидаги асосий талаб шуки, шу гуруҳ аъзолари бир-бирларига ҳиссий яқин бўлишлари, ўзаро бевосита таъсир кўрсатиш ёки кўзларига боқиши имкониятларига эришувлари керак. Кўпинча бундай ҳолларда “юмалоқ стол” атрофида кишиларнинг тўпланиши назарда тутилади. Тўғри, бундай ҳам бўлиши мумкин. Энг муҳими шундаки, гуруҳ аъзоларининг қандай шаклли стол атрофида ўтиришлари ёки бир-бирларига нисбатан фазовий жойлашишларига қараб, шахсларнинг ўзларини психологик ҳис қилишлари ҳам ҳар хил бўлади. Масалан, агар гуруҳ аъзолари тўртбурчак стол атрофида жойлаштан бўлсалар, бунда ҳар бир аъзонинг фазовий тасаввурлари ва муносабатлари мунозараага мойил бўлади ва бундай ҳолат “Мен - мунозарадаман” дейилади. Тахминан 1,5 метрга 2 метр диаметрли юмалоқ стол атрофида ўтказилаётган ўйин ёки самимий сұхбатдаги шахс ҳолати “Мен - ўйиндаман” деб аталса, юмшоқ юза /кресло, гилам, ва диван/устидаги хоҳлаган, қулай ҳолат эса “Мен - ўзимда” дейилади. Демак, ҳар бир ижтимоий психологик вазият, унинг мақсади ва бошловчининг ниятларига қараб, ўйинчиларнинг фазовий қай йўсунда жойлашишлари кераклиги ҳам тренинг самарадорлигини белгилайди.

Тренинг мулоқотларида яна бир умумий жиҳат борки, бунда мулоқот ёки ўйин иштирокчилари ўртасида самимий, илиқ муносабатлар ўрнатилиши, улар бир-бирларига ишонишлари лозим. Бунинг учун одатда бошловчи ўйин бошида шундай шароит яратадики, натижада иштирокчилар бир-бирларини таниб, илиқ муносабатларга мойиллик сезишилари шарт. Баъзан сұхбатдошларда ана шундай илиқлик түғдириш учун бошловчи ёки тренер навбатманавбат бир-бирларига хушомад қилишни таклиф этади.

Хушомад ёки такаллуф, албатта, ёнидаги шахснинг ташқи кўриниши, юз ифодаси, кийимининг ранги, диди кабиларга тааллуқли бўлиши керакки, унда асл хушомад элементлари минимал ифодаланиши зарур, яъни бўрттириб, йўқ нарсани айтиш ҳам мулоқотта халақит бериши мумкин. Бу жараён ёки услугуб шериклар ўртасидаги асабий таранглашувни камайтириб, айрим шахсларда бўладиган психологик танглик, фрустрация ёки ўзидан ва ўз қобиляйтларидан иккиланиш хавфининг олдини олади.

Ижтимоий психологик тренинглар ёки бошқача қилиб айтганда, фаол ижтимоий психологик тайёрлов услуглари ҳақида батафсилоқ гапиришдан аввал, бу услуглар тоифасининг пайдо бўлишига олиб келган ижтимоий сабаблар ва уларнинг пайдо бўлиши тарихига қисқача мурожаат қиласиз.

Фаол методларнинг пайдо бўлиши асосан психология фанида шахс ва унинг имкониятларини ўрганишга нисбатан қарашларнинг ўзгариши билан боғлиқ. Чунки психология тарихидан маълумки, (М. Ярошевский. История психологии 1985.) бу фан XIX асрнинг охирларигача ҳам алоҳида шахс психологиясини ўрганувчи атомистик фан сифатида қаралган. Унинг шаклланиши, тараққиёти ва турли фазилатларнинг пайдо бўлишига сабаб бўлган омиллар орасида ижтимоий психологик омилнинг ўрни ва роли шу давргача тан олинмаган ва маҳсус тарзда тадқиқ этилмаган эди.

Ижтимоий психологик фикрлар шаклланиши тарихидан шу нарса маълумки (Каримова В. Ижтимоий психология асослари 1994), XIX аср охири ва XX асрнинг бошларига келиб, психологик тадқиқотлар жараёнида ижтимоий психологик омил ҳам аста-Ҷекин ҳисобга олина бошланди (“халқлар психологияси”, “омма психологияси”, “хулқнинг ижтимоий мотивлари назарияси” ва б.к.). Масалага ёндашувнинг ўзгаришига сабаб бўлган масала эса қуйидагича эди: шахс фаолияти жараёнида унинг ёнида бошқа шахсларнинг бўлиши ёки яқинлиги хулқ-авторига таъсир қиласими, агар бундай таъсир мавжуд бўлса, у ижобийми ёки салбийми? Америкалик психолог Ф. Олпорт биринчи марта ушбу таъсир ижобий бўлиши ва бу

ҳодисанинг номи “ижтимоий фацилитация” эканлигини адабиётда ёритди. Фацилитация сўзи йнглизча “facilitate” - “енгиллаштирумок” феълидан олинган бўлиб, унинг туб маъноси - шахс онгида ўзга образнинг борлиги ёки гуруҳ ёхуд муайян шахснинг мавжудлиги туфайли одам фаолияти самарадорлигининг ортиши ва тезлашувири. Агар дастлабки ўтказилган тадқиқотларда ушбу феномен тасаввурлардаги ёки идрокдаги образлар таъсирини ўрганишга қаратилган бўлса, кейинчалик турли амалиётчилар ушбу ҳодисанинг реал шароитлардаги самарасини ўргана бошладилар.

Америкалик олим Н. Трипплет велосипед пойгаси мусобақаларида конкрет спортчига томошабинлар гуруҳининг таъсирини ўрганди (1898 й.) Маълум бўлишича, спортчининг тезлиги томошабинлар зич ва кўп бўлган оралиқларда, улар сийрак бўлган жойлардагидан фарқли, яъни 20 фоизгача ортар экан.

1903 йилда немис олими А. Майер эса ушбу феноменин таълим жараёнида текшириди. У уйда якка ҳолда ўқитиш билан гуруҳий шароитда ўқитиш самарадорлигини қиёслаб, билимларнинг мустаҳкамланишида ўзлаштиришнинг тезлиги синф шаклида бўлганда ўзига хос афзаликларга эга эканлигини исбот қилди.

XX асрнинг бошларида кенг кўламда бошланган ижтимоий психологик тадқиқотлар қаторида шахслараро таъсирини ўрганишга бағишлиланган ишларда ҳам ушбу ҳодисанинг мавжудлиги аниқлана бошланди. Масалан, рус тадқиқотчиси В. М. Бехтерев ўзининг ижтимоий психологияга оид тадқиқотларида гуруҳларда ўтказиладиган мақсадли мунозараларнинг алоҳида олинган шахс дунёқараши ва фикрлаш жараёнларига таъсирини, бунинг натижасида ўрганилган жараёнларнинг ўзгаришини ва жамоадаги фаолиятнинг самарадорлиги ошишини қайд этди.

1913 йилда бошқа бир немис тадқиқотчиси В. Мёде ўзаро ҳамкорликдаги гуруҳлар дастурини ишлаб чиқди. Унинг экспериментлари бир қарашда шахсдаги билиш жараёнларини ўрганишга қаратилгандай бўлса-да, лекин аслида уларда гуруҳнинг шахс психик фаолиятига таъси-

ри ўрганилди. 2-3 кишидан тортиб, то 16 кишигача бўлган гурухларда у махсус асбоб-усканаларни ишлатган ҳолда мушаклар иш фаолияти, оғриққа чидамлилик, сезгирилик, диққат, хотира, турли ассоциацияларнинг кечишига таъсирини дастлаб якка-якка ҳолда кейинчанлик эса гурухий шароитда ўрганди. Текширишлар шуни кўрсатдики, уни қизиқтирган психик жараён ва ҳолатларнинг кўрсаткичлари гурухий вариантда индивидуал вариантдан анча афзал бўлиши исботланди. Шундай ҳолатлар ҳам бўлганки, гуруҳда кучсиз, нимжон болаларнинг борлиги бошқа “ўртacha” имкониятлilar фаоллигини оширган. Олинган натижалар унинг “Омманинг экспериментал психологиаси” китобида умумлаштирилган ва барча турдаги экспериментларда, албатта, ижтимоий психологик факт иnobatga олиниши зарур, деган хуносага келинган.

Ўша даврга келиб, тибиёт соҳасида ҳам оммавий психотерапиянинг афзаликларини ёқлаб чиқа бошлаган шифокорлар кўпая борди. Фарангистонлик олимлар, улардан кейин рус олимлари (В. Манассеин, С. Корсаков ва б.к.) инсон саломатлигини тиклашда касал билан шифокор ўзаро мулоқотидан ташқари, ўша касал атрофидаги ўзига ўхшашлар гурухининг ҳам борлигини ва унинг бевосита дард азоблари кечишига таъсири бўлиши тиббий амалиётда асосланди ҳамда бу ҳақда асарлар ёзилди.

Бундан ташқари, маориф, санъат, жумладан, актёрлик санъати борасида ҳам ижтимоий омилнинг роли масаласи кенг ўрганилди ва бу нарса мутахассислар тайёrlаш соҳаси - педагогика олдида ҳам “Қандай қилиб ўқитган афзалроқ?” деган масалани долзарб қилиб қўйди. Бу нарса бевосита одамларни одамлар билан ишлаш жараёнига мақсадли тайёrlашда фаол, тезкор усусларни ўйлаб топиш муаммосини юзага келтирди. Фаол ижтимоий психологик тайёrlов усусларининг қўлланилиши зарурати психологик тадқиқотларда аниқланган яна бир фактга, яъни инсон хотираси эшитган нарсаларнинг фақат 10 фоизини, эшитган, кўрган нарсаларининг деярли 50%ини ҳамда бевосита ўзи иштирок этиб, фаол равишда бажарган операциялар тафсилотининг 90%ини сақлаб қолиши-

га асосланади. Миллий маърифатчилигимиз анъаналарига эътибор берар эканмиз, ушбу қонунийтнинг аҳамияти ҳисобга олинганлигини кўришимиз мумкин. Масалан, ислом маърифатчилигида ҳам риёзат - унинг шундай тури сифатида қаралганки, унга кўра, инсон бирор нарсанинг туб моҳиятига етиш, англаш ва тушуниш учун ўз қўли билан амалда ишлаш қобилиятига эга бўлиши кераклиги уқтирилади. Фарииддин Аттор ҳам ўз фалсафий қарашларида илм ва амалнинг уйғуналигини тарғиб қилиб, инсонларни бевосита амалий, хайрли ҳаракатларга, илм моҳиятини амалий фаолиятда синашга чорлаган эди.

Шундай қилиб, ижтимоий психологик тренинг услубларининг пайдо бўлиши ва амалда қўлланилиши ўзига хос анъанага эга бўлиб, улар, айниқса, бизнинг асримизда саноат ривожланган, миграция жараёнлари тезлашган ва инсон омили ролининг нақадар аҳамиятлилигига эътибор қаратилган пайтда янада долзарблашди.

Туб маънода ижтимоий психологик тренинг воситасида ишлаб чиқариш самарадорлигини ошириш, ишлаб чиқаришнинг бошқарувчилари - менеджерлар тайёрлаш, ижтимоий таъминот, педагогика, тибиёт соҳаларига мутахассислар тайёрлаш жараёнида ундан фойдаланиш АҚШ, Германия, сабиқ иттифоқ таркибидаги давлатлар - Болтиқбўйи республикалари, Санкт-Петербург, Москва, Киев каби қатор саноати йирик шаҳарларда кенг тарқалган. Айниқса, саноат корхоналарида ишловчи амалиётчи психологларнинг асосий қуроли ва иш йўналиши ҳам тренинглар воситасида ишлаб чиқариш муаммоларини ҳал қилиш бўлиб, ҳозиргача тўпланган тажриба бу ишнинг таъсирчанлигини исботлади:

Шунинг учун бизнинг мустақил давлатимиз ўз йирик саноат индустриясини яратган экан, бу жараённинг асосий фигураси бўлмиш инсон омили масаласини жойларда ҳал қилиш ижтимоий психологик тайёргарлик усусларидан омилкорона фойдаланишга кўп жиҳатдан боғлиқdir.

Илмий адабиётда фаол ижтимоий психологик тайёрлов методлари шартли равишда уч гурухга бўлинади:

1. Мунозара методлари. Бу туркумга асосан гуруҳ доирасида ўтказиладиган мунозаралар, баҳслашувлар,

кундалық амалий фаолиятда учрайдиган турли ҳодисаларни таұліл қилишлар, ахлоқий хулқ-атвор шаклларини мұхокама қилишлар киради. Баъзан бу тоифа усуллар хулқ-атвор тренинги ёки амалий мұлоқот тренинги деб аталади.

2. Үйин методлари. Бунга дидактик ва ижодий үйинлар; бошқарув фаолиятига тааллуқли амалий үйинлар; ролли үйинлар - хулқ-атвор шаклларига үргатиш, үйинли психотерапия, психодраматик коррекция; контрүйинлар киради. Күпинча, бу туркум методларни қысқача ролли тренинг деб аташади.

3. Перцептив тренинглар. Бу туркумга асосан махсус Т-гuruхларда олиб бориладиган сезгирилк тренинглари, сензитив тренинглар киради. Бундан күзланған асосий мақсад - шахслараро мұлоқот жараённан шахсий қийинчиликларни бошдан кечирадиганларда үзиге ишонч-сезгирилк ва инсоний мұносабатлар сирларини үргатиш ва шахснинг үзи ҳақида яхлит психофизиологик тасаввурларни янада ойдинлаштиришга ёрдам беришdir. Охирги пайтларда ушбу ва бошқа мақсадларда ҳам видеотренинг усули пайдо бўлдики, бу фан - техника тараққиётининг инсоний мұносабатлар соҳасига ҳам кириб келганлигидан далолат беради. Видеотренинг кўпроқ шахсий хулқни коррекция қилиш - тузатиш мақсадларига хизмат қиласди. Ижтимоий психологияда барча тренинг методларига хос бўлган қуйидаги умумий сифат ёки хусусиятлар фарқланади;

- Энг мұхим хусусият - бу фаоллиkdir, яъни тренинг гурухи аъзолари машғулотларнинг қайси тури бўлмасин, аввало фаол шахсий мавқеда бўлишлари ва уни машғулот охиригача сақлашлари шарт, бу ҳолат умуман ушбу услубнинг фаоллигини билдиради;

- Тренинг хусусида гап кетгандан ҳар доим конкрет ижтимоий гуруҳ назарда тутилади, яъни албатта конкрет, компакт, реал гурухнинг бўлиши ҳам тренингнинг мұхим жиҳатларидандир;

- Гурухнинг ҳар бир алоҳида шахс психикаси ва ҳиссий ҳолатларига таъсирининг рўй бериши ҳам унинг ҳар бир турига хос бўлган хусусиятидир;

- Машғулотларнинг бир неча марта қайтарилиши, яъни тренинг самарадорлиги бир марталик машғулот билан чекланмай, одатда 4 - 8 мартағача давом этиши мумкин;

- Машғулот бошқарувчиси ёки тренер бўлиши, яъни, тренингда гурухнинг фаоллиги эътироф этилса-да, лекин бари бир унинг инструктори, ташаббускори ва бошловчи-сининг ўрни ва роли катта аҳамият касб этади;

- Т-гуруҳ ҳажмига қўйиладиган талаблар, яъни бевосита самарали мулоқотнинг бўлиши учун машғулотлар ўтказиладиган гуруҳдаги одамлар сони 9-12 киши бўлиши мақсадга мувофиқдир;

- Мақсаднинг аниқ ва равshan бўлиши, танланган мавзу ёки муҳокама, баҳс юритиладиган вазият, албатта, маҳаллий шарт-шароитларга мос бўлиши, кишиларнинг талаб-эҳтиёжлари ва маслаклари доирасидан чиқиб кетмаслиги керак.

Шундай қилиб, Ўзбекистон шароитида ўтказиладиган тренинг услубларини қўллашдан мақсад аввал ундан кўзланаётган охирги натижа бошловчи ёки мураббийга аниқ бўлиши ва гуруҳга одамларни танлашда албатта уларнинг мулоқоти стратегияси ва техникаси, гаплашиш “тилининг” мослигини инобатга олиш керак. Бундан ташқари, Т-гуруҳ аъзолари машғулотлар ўтказилиш даврида муайян маънода ўзгармас бўлиши, машғулот ўтказиш жойи ҳам имкони борича алмаштирилмаслиги мақсадга мувофиқ. Бизнинг шароитимизда ташкил қилинадиган машғулотларда унинг йўналиши, предмети ва мавзусини танлашда психология миллий психология хусусиятларни, ҳаттоки, айрим ҳудудий ўзига хосликларни ҳам инобатга олиши ва шу асосида машғулот дастурини тузishi лозим. Айниқса, ролли ўйинларнинг сценарийларида маҳаллий ўзига хослик, шарқона муомала нормаларига алоҳида эътиборнинг берилиши, иштирокчиларни берилиб, табиий равища ролларга киришга имкон беради.

III БОБ. МУНОЗАРА МЕТОДЛАРИ ВА УЛарни ТАШКИЛ ЭТИШ ТЕХНОЛОГИЯСИ

3.1. Мунозара методларининг ижтимоий психологик аҳамияти

Умуман, баҳс ва мунозара йўли билан турли ижтимоий муаммоларни ҳал қилиш масаласига қизиқиш асримизнинг 30-йилларидан бошланган, деб ҳисобланади. Чунки айни бу ҳодисага қизиқиш шу даврга келиб педагогика ва психология соҳаларига ҳам ёйилган ва бу ҳақда биринчи илмий психолог хулосалар қилган олим швейцариялик психолог Жан Пиажедир. У бола ижтимоийлашуви жараёнини ўрганар экан, унинг ўз тенгқурлари билан турли мавзуларда қиладиган мунозара ёки баҳслари ундаги эгоистик шахсиятпараслик мавқеининг сусайиши ва шу тариқа ўз-ўзини англаш билан бир қаторда ўзгалар мавқеларини англаш ва “ўзга шахс бўла олиш” қобилиятини ўстиришни аниқлади. Кейинчалик шунга ўхшаш тадқиқотлар соф ижтимоий психологик ҳодисалар доирасида ҳам ўрганила бошланди. Масалан, немис олими Курт Левин ҳам 40-йиллардаёқ гуруҳда кўпчиликнинг ягона бир қарорга келишининг психологик табиатини ўрганар экан, унда ана шу гуруҳларда ўтказиладиган табиий мунозараларнинг ҳар бир шахс ижтимоий установкалари, қарашлари ва гуруҳга муносабатига бевосита таъсири борлигини исботлади. Унинг фикрича, гуруҳдаги мунозара ҳар бир шахснинг гуруҳий фаолиятга нисбатан мотивациясини ошириб, шу билан бирга ҳар қайси аъзонинг гуруҳий жараёнларга кўшилиши, ўз мавқеини англаш, ўзгаларга ниманидир дейиш каби эҳтиёжини оширади. Эркин, демократик тарзда фикр алмашиниш имкониятининг яратилиши муҳокама қилинаётган муаммо бўйича гуруҳ аъзоларидағи фикрлаш жараёнини тезлаштиради, уларнинг ижтимоий мавқеларини янада фаоллаштиради.

К. Левин экспериментларининг реал ҳаётда қандай самара бериши бўйича кейинчалик, яъни иккинчи жаҳон уруши йилларида синовлар ўтказилган. Ўша йиллари бир

Гурух аёлларга айрим озиқ-овқат маҳсулотлари, жумладан, балиқ консерваси ва паштетининг ҳам фойдали эканлиги, ҳар доим ҳам янги сўйилган мол ёки бошқа ҳайвон гўштини истеъмол қилиш шарт эмаслиги ҳақида чиройли ва ишончли маъruzalар ўқилган. Лекин эртаси куни ўша тингловчиларнинг 3 фоизигина дўконлардан юқорида тарғибот қилинган нарсаларни харид қилганлар. Бошқа бир аёллар гуруҳига эса айнан шу мавзуда мунозаралар ўтказиш шароити яратилган. Кейинги кузатишларнинг кўrsatiшича, мунозара қатнашчиларидан 32 фоизи ўша озиқ-овқат маҳсулотларига нисбатан ўз фикрларини ўзгартирганлар ва таклиф этилган маҳсулотларни харид қила бошлигандар.

Илмий нуқтаи назардан олиб қараганда, мунозараларнинг моҳияти ва аҳамияти қўйидагиларда изоҳланади: анъанавий маъруза тингловчилари таништирилаётган муаммога нисбатан таҳминан бир хил нейтрал мавқени билдирадилар, яъни ўша мавзу юзасидан ўзида тўғри фикр мавжуд бўлган шароитда ҳам маърузачининг билдираётган фикрларини ишончлироқ ва асосланганроқ, деб ҳисоблаб, мавзу юзасидан шахсий фикрини паст баҳолайди. Агар баён этилаётган фикрлар мутлақо янги бўлса, унинг моҳиятига тўла тушуниб етиш ва тушуниш қийин, деган маънода яна фикрий пасайиш юзага келади. Фикрлар тўқнашувини тақозо қилувчи мунозарада эса қарама-қарши ёки монанд фикрларнинг борлигини англаш ҳам шахсда ушбу фикрларга нисбатан анча фаол мавқени шакллантиради.

Мунозаранинг қандай якунланишидан қатъи назар, яъни унда фикрлар кесиши маслиги ҳам мумкин ёки уларда маълум уйғунлик бўлиши кузатилади, бунда нима бўлганда ҳам баҳснинг мазмуни шахснинг ижтимоий тасаввурлари ва қарашларида мустаҳкам ўрнашади ҳамда хотирада қолади.

Баҳсли мунозаранинг предмети ёки обьекти сифатида маҳсус тарзда танлаб олинган муаммо ёки амалий фаолиятда учрайдиган турли ҳодисалар ва қарама-қаршиғоялар қабул қилиниши мумкин. Масалан, 50 - йилларда инглиз шифокорлари Майкл ва Энид Балинтлар психоте-

рапевтлар семинарини ташкил этиб, унда мунозара ва муҳокаманинг амалий аҳамиятини исботлашган. Улар ҳар куни клиникадаги врачларнинг түпланишлари ва кундалик амалиётларида рўй берган ҳодисалар, фактлар ҳақида маълумотлар бериб, кейин билдирилган фикрлар ўзаро муҳокама қилинган. Шу туфайли турли шифокорлар таж-рибасида табиий ҳисобланган “ўзбилармончилик”нинг олди олинган ва ҳозиргача сақланиб қолган “5 дақиқа-лик” шифокорлар йигини пайдо бўлган. Шифокорлар ўзаро фикр алмашинишлари туфайли маълум умумий фойдали қарорларга келишлари тиббиёт илми ва амалиётининг ривожига ижобий таъсир кўрсатган.

Ҳар қандай шароитда ҳам шахснинг ўз бошидан ке-чирганларини ўзгаларга айта олиши ва бошқа фикрларни қабул қила олиши катта ижтимоий аҳамиятга эга. Ўша Ғарб мамлакатларида кенг тарқалған “Т-гурӯҳ”лар мето-ди ҳам айнан турли ҳаётий казусларни таҳлил қилиш во-ситасида фикрлар уйғунлигига эришиш ва шахсни тар-биялаш имкониятини яратади.

Мунозара методларининг ижтимоий психологик аҳамияти шундаки, улар ҳар бир шахснинг ўз нұктай назарини таҳлил қилишга имкон яратиб, ундаги ташаббускор-лик, мулоқотдаги билимдонлик ҳамда ўз ақлий потенциа-лидан тўлиқ фойдаланиш имкониятини беради. Яъни уш-бу туркум методларнинг вазифалари ҳам унинг аҳамиятли мақсадларидан келиб чиқади: а) мунозара қатнашчилари-ни реал вазиятларни таҳлил қилишга, асосий, муҳим нар-санни номухим нарсадан ажратишга ва муаммони англашга ўргатади; б) ўзгалар фикри, гапириш маҳоратини кузатиш ва шу асосида улар билан ҳамкорликда ишлашга ундаи-ди; в) муаммога тааллуқли ранг-баранг кирраларни ажра-тиш, улар моҳиятини англаш имкониятини яратади; г) муаммонинг турли муқобил ечимлари бўлиши мумкинли-гини намойиш қиласиди.

Айниқса, ахлоқий-маънавий мавзулардаги муаммо-ларни ҳал қилишда мунозаранинг роли катта. Бундай шароитда баҳслашувчиларнинг етуклиқ даражалари, ахлоқий қадриятларни англаш даражалари катта аҳамиятга эгадир. Ахлоқий-маънавий масалалар юзасидан

мунозарани ташкил этувчи шахсга алоҳида талаблар қўйилишини таъкидлаш керак. Чунки у баҳслашувчиларга ҳеч қандай тазийқ кўрсатмаслиги, ҳар бир шахснинг эркин фикр баён этишига йўл қўйган ҳолда улар фикрларининг тамоман зидлашиб кетишига йўл қўймаслиги, мунозарадан келиб чиқадиган холосани ва қарорни гуруҳнинг ўзига ҳавола қилиш лозимлигини унутмаслиги зарур. Бу усул мактабларда, турли билим масканларида, маҳалла қўмиталари иш фаолиятида, турли маслаҳат шоҳобчалари, ўспириналар тарбияси борасида кенг қўлланиши мумкин.

3.2. Кичик ва катта гуруҳларда мунозараларни ташкил этиш қоидалари

“Мунозара” ёки “баҳс” сўзларининг моҳияти шундаки, улар доимо кишилар гуруҳини англатади, яъни ҳар қандай баҳс ёки мунозара гуруҳда мавжуд бўлади. Лекин ижтимоий психологияда (асосан) гуруҳларнинг икки тури бўлиб, улардаги шахслар сони ва гуруҳнинг ҳажмига кўра, катта ва кичик гуруҳ турларига ажратилади. Ижтимоий психологик тренинглар ўтказиладиган маҳсус гуруҳлар “Т-гуруҳлар”, деб юритилади. Лекин анъанавий “Т-гуруҳлар” кишилар сонининг озлиги ва бевосита мулоқот шароитларининг етарли эканлиги билан тавсифланади. Шундай бўлишига қарамай, кўпинча реал амалиётда психолог шундай гуруҳлар билан ишлашига тўғри келадики, ундаги одамлар сони белгилангандан кўпроқ бўлади. Масалан, ўрта мактаблардаги синфлар, ўқув юртларидағи академик гуруҳлар шулар жумласидандир. Шунинг учун ҳам биз бевосита компакт - 8-10 кишилик кичик гуруҳларда ҳамда одамларнинг сони 20-30 киши бўлган гуруҳларда мунозараларни уюштиришнинг моҳияти ҳақида алоҳида тўхтаб ўтамиз.

Шундай қилиб, Т-гуруҳларда мунозаларни ташкил этишнинг айрим ўзига хос томонлари ва турлари мавжуддир.

Кичик, тор доиралардаги компакт гуруҳларда уюштирилган мунозараларнинг эркин мавзули, йўналтирилган ва аниқ сценарийли диспут турлари мавжуд бўлиб, бу

танланган мавзуга ва мунозара гурухларининг мuloқot тажрибасига боғлиқдир (“диспут” сўзининг луғовий маъноси “фикрлаяпман”, “тортишяпман”, деган маънони билдиради). Кичик гурухлардаги мунозарадаги асосий нарса - гуруҳ аъзоларининг танланган мавзу хусусиятига қараб, ҳар бирининг ўз фикр-мулоҳазаларини охиригача баён этиш имкониятларининг борлигидир. Бундай гурухда бошловчи ҳам қаторда ўтириб, мавзунинг ечими батамом ҳал бўлмагунча фаол мулокотларнинг иштирокчиси бўлиши мумкин. Лекин асосий рол гурухнинг аъзоларига юклanganligini ва бевосита ажралиб чиқкан норасмий лидер асосий баҳс юритувчи бўлиши мумкинligini унумаслиги зарур. Бундай гурунглар турли шароитда, кўпинча баҳс иштирокчилари учун табиий шароитларда ўтказилса, мақсадга мувофиқ бўлади.

Агар Т-гуруҳ одатдагидан каттароқ ҳажмда (масалан, 30 кишигача) бўлса, унда мунозарани уюштиришнинг ўзига хос томони бор. Бу ҳолда баҳс гуруҳи шартли равишда аъзоларга аниқ мавқелари баён қилинган ҳолда З га бўлинади. Биринчи гуруҳ - “**фикрларни жамловчилар**” - генераторлар гуруҳи дейилади; иккинчиси - “**танқидчилар**” ва учинчи гуруҳ - “**фикрларни тезлатувчилар** - **катализаторлар**” деб аталади. Ҳар бир ажратилган гурухнинг ўзига хос функциялари бор: “**генераторлар**” ўртага ташлаган муаммо ёки баҳс мавзуси бўйича ўзларидаги барча фикрларни ўртага холис ташлайдилар. Гуруҳ аъзоларидан бири - лидер - уларни жамлаб, фикрлар иккига бўлинган тақдирда ҳам, уларни умумлаштириб баён этади. Сўнгра ўйинга “**танқидчилар**” киришади. Уларнинг вазифаси - эшитган фикрларига танқидий муносабат билдириш, яъни танқидий нуқтаи назардан улар ичидаги “**мағзни**” ва “**пучак**” фикрларни саралаш. Шундан кейин вазиятга қараб, яна сўз “**генераторлар**”га ёки “**катализаторлар**”га берилиши мумкин. Билдирилган фикр ва тақлифларда мабодо ҳисобга олинмай қолган жиҳатлар ёки ноўрин фикр бўлса, ёки моҳиятнан шу мавзуга алоқадор бўлган, лекин иккала томон ҳисобга олмаган бирор жиҳат аниқланса, томонлар диққатини қаратиш керак, бўлса, баҳсни давом эттиришга рухсат бериш ва уни якун қилиш тақозо қилинса, иккала гурухнинг ўйинига

баҳо берган ҳолда мунозарани тұхтатиши - “катализаторлар”нинг вазифасидир. Улар күпинча ыккала гурух учун холис арбитрлар - “ұқамлар” ролини ҳам үйнашлари мумкин.

Мактабда бир синф доирасида ёки талабалар гурухидә ахлоқий-маънавий мавзуда баҳс уюштирганда, юқоридаги усулни құллаш, имконияти бўлса, сұхбатдошларни учбурчак - берк стол атрофига түплаш мумкин. Демак, баҳслашувчиларнинг фазовий жойлашишлари ҳам бу ўринда маълум аҳамият касб этади.

Катта гурухларда баҳс ёки мунозара уюштирилганда, бошловчининг роли айниқса каттадир. Чунки у ҳар бир гурухдаги тортишувлар ва фикр алмашинувларнинг бошида турмоги, керак бўлса, улар фаолиятини мақсадга мувофиқ тарзда йўналтириб турмоги лозим. Кичик гурухдагидан фарқли ўлароқ, катта гурухларда бошловчи у ёки бу ички гурухга ён босмаслиги ёки уларни ўзининг шахсий фикрига мажбуран зргаштирмаслиги керак. Акс ҳолда, у ўзининг фаолияти билан бошқалар ташаббусига салбий таъсир кўрсатиши ва баҳснинг йўналишини бузиб қўйиши мумкин. Шунинг учун катта гурухларда уюштириладиган мунозаранинг мавзуси олдиндан танланган ва унга бошловчи маълум маънода тайёр бўлиши шарт.

3.3. Брейнсторминг ва уни ўтказиш технологияси

Мунозаралар юритишнинг яна бир шакли борки, унинг номини рус тилида “мозговая атака”, инглизчесига - “брейнсторминг” (brain storming) деб аталади. Бизнинг тилимизда бу тушунчанинг аниқ аналогик таржимаси йўқ, лекин уни “мияга хужум” ёки “фикрлар тўқнашуви”, “фикрлар жангি” деб аташ мумкин. Методнинг психологияк моҳияти шундаки, оддий мунозарада баҳслашувчилар кўпроқ онгли, асосли фикрларни баён этишга ҳаракат қиласидилар. Бунда эса баҳслашувчиларга мияга қандай фикр қуилиб келса, уни танқидсиз ва асосламай эркин, “тилга нима келса” айтиш имконияти берилади. Бу нарса кўпроқ муаммо анча нотаниш, савол мураккаб ёки ноаник бўлган шароитларда қўл келади. Яъни, бунда “эркин асоциациялар”га йўл берилади ва охир оқибат гурухнинг ўзи маълум рационал “мағзни” ажратиб олади.

Бу усулни биринчи марта америкалик олим А. Особорн 30-йилларда ёк тақлиф этган ва йирик лойиҳаларни режалаштириш ва олдиндан унинг натижаларини башорат қилишда маълум ютуқларни қўлга киритган эди. Лекин кейинчалик мутахассислар уни фақат ностандарт, ўзига хосечими бўлган вазифаларни муҳокама қилгандагина қўллаш мумкин, деган фикрни билдира бошладилар. Бироқ тўғри ташкил этилган брейнштормингнинг амалий афзалликлари кўп. Фақат бунда қўйидаги қоидаларга риоя қилиш керак:

1. Жумлалар жуда қисқа бўлиши керак, лекин уларнинг асосланиши шарт эмас.

2. Ҳар қандай жумла ёки фикр танқид қилиниши мумкин эмас, яъни фикрлар танқиддан ҳолидир.

3. Мантикий фикрдан кўра, фантастик ёки қўққисдан, тасодифан мияда пайдо бўлган фикр муҳимроқ.

4. Фикр ёки билдирилган қисқа мулоҳаза қайд этилади.

5. Билдирилган фикр ёки ғоялар у ёки бу иштирокчи-ники, деб ажратилмайди, яъни улар - муаллифсиздир.

6. Фикр ёки яхши ғояларни танлаш алоҳида “танқидчилар” ёки гуруҳнинг норасмий лидерлари томонидан амалга оширилади.

Юқоридаги гурӯҳ катта бўлганда баҳс уюштиришда ҳам генераторларга ушбу усулда ишлашга имкон бериш тажрибада яхши натижалар беради.

Брейншторминг, айниқса, 50-йилларда Америка ва Франция давлатларида турли технологик муаммоларни ҳал қилишда кенг қўлланилган ва унинг натижалари кўплаб мақола ва китобларда умумлаштирилган. Лекин оммавий қўллашда айрим тортишувлар пайдо бўлдики, айниқса, ёшлар аудиториясида уни ишлатишдаги нокулайлик борлиги аниқланди. Аммо барибир, юқорида таъкидлангандек, кишиларни фаол ижтимоий психологик мулоқотга тайёрлаш, ностандарт муаммоларни ечиш ва одамні умуман гурӯхга кўнигириш мақсадида ундан фойдаланиш мумкин ва бу жиҳатдан унинг қатор афзалликлари ва татбиқий аҳамияти мавжуд.

IV БОБ. ЎЙИН МЕТОДЛАРИ ВА УЛАРНИНГ ИЖТИМОИЙ ФАОЛЛИКНИ ОШИРИШДАГИ РОЛИ

L 4.1. Ўйин методларининг классификацияси ва уларнинг психологик мөҳияти.

Илмий ва оммабоп адабиётда “ўйин” тушунчаси кенг маънода ишлатилади. Масалан, “актёрлар ўйини”, “болалар ўйини”, “бошқарув ўйинлари”, “шахмат ўйини”, “стратегик ўйинлар”, “хаёл ёки фантазия ўйинлари” ва ҳоказо. Қўргина психологик тадқиқотлар айнан болалар ўйинларига бағишиланган. Рус психологи Д.Б.Эльконин “Нима учун болалар ўйнайдилар?” деган саволга тўлақонли жавоб топиш мақсадида ўзининг кўп йиллик илмий изланишларини 1960 йили чоп этилган “Ўйин психологиси” (“Психология игры”) номли китобида умумлаштирган. Унда муаллиф ўйинлар генезиси - келиб чиқиши, унинг мөҳияти, бола тараққиёти ва шахс шаклланишидаги ўрни ва аҳамиятини ёритишга ҳаракат қилган. “Болалар, - деб ёзилган китобда, - ўйинда катталарнинг ижтимоий хулқатворига тақлид қилиш йўли билан улар фаолиятини қайтарадилар” (“Психология игры .”, 1978).

Юқорида таъкидланганидек, ўйинлар категорияси нафақат болалар, балки катталар фаолиятига ҳам хос. Болалар ва катталар ўйинларида қатор умумийликлар мавжуд: яъни, а) иккаласида ҳам роллар импровизация қилинади, бошқача қилиб айтганда, ҳаётда бор бўлган у ёки бу ҳаракатлар, хулқатвор шакллари қайтарилади; б) ўйин фаолиятидаги вазиятлар иккала ҳолда ҳам шартлидир; в) ўйинда меҳнат ёки бошқа турдаги ижтимоий фаолиятнинг энг муҳим томонлари қайта тикланади; г) табиийлик, ҳиссийлик - эмоционал жиҳатларининг борлиги катталар ва болалар ўйинларига хос бўлган жиҳатлардир.

Ўйиннинг энг муҳим аҳамияти шундаки, унда табиийлик сифати бўлиб, бу нарса, айниқса, болалар ўйинида яққол сезилади, зеро, улар унда ўзидағи кўплаб табиий эҳтиёжларни қондиришга ҳаракат қиласди. Шунинг учун

бўлса керак, маълум тараққиёт босқичида болалар тинмисиз ўйнайдилар, ундан чарчамайдилар ва бунда ҳеч қачон улар ўз шеригига маънавий зиён етказмайди. Бу нарсалар ўйиннинг шундай қирраси билан боғлиқки, унда хаёл, ҳиссиёт жараёнлари яққол тафаккурдан устун келади.

Ижтимоий психологияк аҳамиятга эга бўлган катталар ўйини эса асосан иккита вазифани бажаради:

- маълум ижтимоий билимларни эгаллаш;

- зарур ижтимоий установкаларни шакллантириш.

Лекин бундай ўйинларнинг табиий болалар ўйинидан фарқли жиҳатлари ҳам бор:

а) болалар ўйинларида ижтимоий роль ўзлаштирилса, катталарникида бу роль янада мұстаҳкамланади, такомиллашади; масалан, болаларнинг “мехмон-мехмон” ўйинларида меҳмон ва мезбон ҳаракатларига хос бўлган асосий қирралар ўзлаштирилиб, тақлид асосида күникмалар ҳосил қилинса, катталар шунга ўхшаш “ўйинларда” муомаланинг энг мукаммал ва чиройли жиҳатларини мустаҳкамлаб, давр маданиятига хос хулқ-атвор шаклларига ўрганадилар;

б) болалар ўйинларидағи роллар ҳаётий вазиятларни умумлаштирган ҳолда, умумий тасаввурлар воситасида қайтарилса, катталарда бу нарса аниқ вазиятлар ва яққол роллар воситасида амалга оширилади;

в) болалар ўйинлари маълум маънода стихияли жарамеъёрлар атайлаб ташкил қилинади ва унга маҳсус назоратчилар - мураббийлар раҳбарлик қиласидилар;

г) болалар табиий равишда ўзлари кираётган ролни ҳиссий бошдан кечириб, ўйинга киришсалар, катталар кўпроқ у ёки бу ролга ўзини идентификация қилиб, сунъий равишда киради;

д) катталар ўйинининг сифати ва самараదорлиги ўйновчининг ҳаётий кузатишлари ва шахсий тажрибасига бевосита боғлиқ бўлади, бу ўринда онглилик, ташаббускорлик ва эрудиция, яққол омилларни умумлаштириш каби сифатлар муҳим роль ўйнайди.

Ижтимоий психологик билимдонликни оширишга хизмат қилувчи ўйинлар асосан иккি турга бўлинади. Бу - операционал ўйинлар ва ролли ўйиняр.

Операционал ўйинлар ўз моҳияти жиҳатидан, яъни ушбу фаолият мотиви, унда ақлий операцияларнинг иштироки ва ҳиссий кўриниши жиҳатдән муаммоли вазиятларни таҳлил қилишга ўхшайди. Лекин айни тизимга туширилмаган, спонтан мунозарадан фарқли, унда ўйиннинг умумий сценарийси бўлиб, оқибатда қабул қилинадиган қарорлар ижтимоий нормаларга мос келиши, “тўғри” ёки “нотўғри”лиги алгоритмик белгилаб қўйилади. Шунинг учун ҳам бундай ўйинларда ҳаёт синовларидан ўтказилган, ижтимоий тажрибага асосланган вазиятлар ишлатилади. Масалан, ҳозирда кенг тарқалган ишбилармонлик ўйинлар (деловые игры) ёки бошқарув ўйинлари шулар жумласига киради. Агарда, бошлиқнинг ходимни қабул қилиши вазияти ўйналаётган бўлса, унда бошқарув тажрибасида илгари юз берган бир нечта альтернатив хулқ шакллари олдиндан келишилган ҳолда ўйналади ва шулар асосида ўйинга баҳо берилади. Чунки амалий ўйинларда шахсларо бевосита муносабатлар нисбатан чекланган бўлиб, уларда расмиятчилик элементлари кўп бўлади.

Демак, амалий ўйинлар қуидаги вазифаларни бажариши керак:

1. Қарор қабул қилиш билан боғлиқ бўлган типик ҳаёттий вазиятларни моделлаштиради.

2. Профессионал фаолиятда учрайдиган хулқ-автор шакллари ва мулоқотнинг турли қирраларини очиб беради.

3. Ижтимоий хулқда мавжуд бўлган янги қирралар бўйича башорат қиласи ва профессионал фаолиятнинг янги хусусиятларини очади.

Кўпчилик, ўйин методларини ўйлаб топганларнинг ватани Америка деб ўйлайди. Лекин аслида уни биринчи марта амалий фаолиятда руслар - Россияда қўллашган. 1936 йилда ҳозирги Санкт-Петербург шаҳридаги Ишлаб чиқариш Академияси талабалари “Ишлаб чиқариш дастурининг кескин ўзгариши муносабати билан саноатни қайта қуриш” мавзусидаги ўйинни “Красный ткач” номли фабрикада дам олиш кунлари ўтказган эдилар. Унинг натижалари кейинчалик оммавий ахборот воситаларида

муҳокама қилингандай, лекин ўша пайтда фан мутассаддилари бу усулнинг моҳиятини тўла тушуниб, уни қўллаб-қувватламаган эдилар. Шунинг учун ҳам илмий адабиётларда Америкада ташкил этилган “Т-гуруҳлар” тажрибаси кўпроқ ёритилган.

Ҳозирги кунга келиб, 200 дан ортиқ операционал ўйинларнинг стандарт дастурлари бўлиб, улар ўқув, илмий - тадқиқот, халқ ҳўжалиги мақсадларида ишлатилади.

Ҳар қандай операционал ўйинни ташкил этишда қуйидаги тамойилларга амал қилиш шарт:

1. Иш ўйинлари ижодий, профессионал тафаккурни ривожлантиришга хизмат қиласи. Шунинг учун ташкилотчи муаммоли вазият ёчимининг, унинг ижтимоий моҳиятини тренинг мақсадига мослигини аниқлаши ва холосаларини ишлаб чиқаришга жорий этиши керак;

2. Ишлаб чиқариш жараёнлари ва профессионал фаолиятни моделлаштириш ва уни реал турмуш вазиятига яқинлаштириб, имитация қилишга эришиш зарур;

3. Тренингнинг тарбиявий жиҳатларини соғ ўйиннинг ўзидан юқори қўйиш мақсадга мувофиқ эканлиги;

4. Ўйин қонун-қоидалари ва нормаларининг барча учун тенглигини доимо ёдда тутиш лозим;

5. Мақсадга эришишнинг қатор диалоглар ва мультилоглар (кўп қиррали) тизимиға боғлиқлиги тамоили.

Юкорида қайд этилган тамойилларга бўйсунган ҳолда ўйинни ташкил этиш мутахассисларни ўқитиш ва улар профессионал сифатларининг такомиллашувига хизмат қиласи. Гар бир ижтимоий психолоѓик вазият бир неча марта қайтариб ўйналгани учун ҳам иштирокчиларда бир вақтнинг ўзида ҳам ўйинчи, ҳам кузатувчи бўлиш имкониятлари мавжуд.

4.2. Ролли ўйинларни ташкил этиш технологияси

Ролли ўйинлар кенг тарқалган ўйин методларидан бўлиб, улар моҳият жиҳатдан маълум образларга кириш, ўша образга хос бўлган ҳиссиётларни ўз бошидан кечиришни тақозо этади. Шунинг учун ҳам немис олимни ва мутахассиси Маргарет Форверг улардаги драматизация

элементининг борлигини, бу - "шахсга ўзида мавжуд бўлган ва ўзгалардаги бегона образларни тузатиш - коррекция қилиш самарасидир", (Введение в марксистскую социальную психологию. 1972) деб ёзган эди. Муаллиф ролли йийинларнинг уч асосий жиҳатларга ажратган:

- йийиннинг эмоционал жиҳатдан мукаммаллиги;
- унда идентификация ва эмпатия ҳодисаларининг ривожланганилиги;
- бошловчининг алоҳида, ўзига хос мавқега эга эканлиги.

Ролли йийинларнинг коррекцион ва амалий аҳамияти шундаки, уларда ҳар бир шахс ўз реал фаолиятига яқин бўлган вазиятларга туширилади ва шу орқали унинг устновкалари ўзгартирилади. Бунда йийин иштирокчисининг ўша вазиятни ҳиссий ўз бошидан кечира олиши катта аҳамиятга эга. Ролга киришнинг эса қуйидаги талаблари мавжуд: а) китоб тилида гапирмаслик; б) мулоқотнинг барча кодлари ва сирларидан фойдаланиш; в) овоз хусусиятларига мунтазам эътибор бериш, яъни интонациялар, товушларнинг паст-баландлиги, овознинг эмоционаллиги бу ўринда ролни аниқроқ идрок қилишга имкон беради; г) мимика ва пантомимика элементларини кенг қўллаш; д) ҳар бир ҳолат ва туришни жонлантира олиш; е) вақт ва фазони доимо тушуниб, ҳис қилиб туриш; ж) бошловчининг ролга киргандар ҳолатларини аниқ тушуниши ва уларга мос баҳо бериб туриши.

Ролли йийинларда энг аввало иштирокчи шахс сифатида ўзлигини намоён қила бошлайди. Ролли йийинларнинг ўз-ўзини намоён қилиш ва шу орқали ўз хулқини тузатишга имкон бериши хусусиятига ўз вақтида америкалик олим **Жон Морено** ҳам эътибор берган ва ўзининг психодраматик техникасида унга катта аҳамият берган эди. Техниканинг моҳияти шундан иборат эдики, иштирокчи ички зиддиятларга бой вазиятни ўзига ўхшаш шахслар билан биргаликда ҳис қилиш ва йийаш орқали тўлароқ ҳамда аниқроқ англайди. Ролли йийинларнинг ижтимоий психологик аҳамияти ҳам айнан шу нарсага боғлиқ. Шунинг учун ҳам санъаткорлар, драматик актёrlар ўз маҳоратларини такомиллаштиришда шундай психотаҳлил

усулидан кенг фойдаланадилар, зеро, ўзини англамагунча, ўзга бўлолмайди, ва аксинча “ўзга бўлиш санъати” - ўзликни англамоқдир.

Ушбу тамойилларни ҳисобга олган ҳолда Морено кейинчалик “гурухий психотерапия”ни ҳам ривожлантириди, унда ҳам индивиднинг гуруҳ ҳаётига кириб бориши, гуруҳ таъсирига берилувчанлик ўз ички ҳолатларини ва ўзгалар руҳий кечинмаларини бевосита ҳис қилиш орқали рўй берилишига алоҳида эътибор қараттган.

Ҳар бир ўйин бир неча дақиқадан тортиб, то 1-2 соатгача давом этиши мумкин ва унда 2 кишидан тортиб, то 10 кишигача иштирок этади. Ўйин жараёни қуидагича кечади: аввал типик ижтимоий психологик вазият моделлаштирилади: масалан, агар бу мактаб ҳаёти бўлса, ўқитувчилар, ўқув ишларини бошқарувчи ва ҳоказолар персонаж сифатида ҳар бирининг мавқеи аниқланади ва иштирокчиларга муаммо моҳияти тушунтирилади. Барча тренинг аъзолари вазият билан танишиб чиқадилар ва муаммоли вазиятдан чиқишининг мос, мақсадга мувофиқ йўлларини қидирадилар. Бунда эътибор берилиши лозим бўлган асосий нарса - иштирокчиларни соғлом шахслараро муносабатларга ўргатиш. Ўйин бошида бошловчи ҳар бир иштирокчига унинг шахсий истаги ва хусусиятини ҳисобга олган ҳолда аниқ персонажларни бўлиб беради. Кейинчалик роллар алмашиниши мумкин, яъни ҳар бир ролни навбат билан бир неча киши ўйнаб чиқиши мумкин. Масалан, стипендияни одилона тақсимлаш муаммосини ҳал қилаётган декан роли ёки қарздор, лекин моддий ёрдамга муҳтоҷ талаба роллари бир неча марта ўйналиши мумкин ва охирида ҳамма бир бўлиб, ўтган ҳодисаларни таҳлил қиласидилар. Бунда кўпроқ у ёки бу шахснинг ролни қанчалик актёrona ўйнаганлиги эмас, балки ролга муносабат, вазиятдан чиқишида эмоциянинг иштироки ва ролни ҳис қила олганлик санъати таҳлил қилинади.¹

Ролли ўйинлар орқали катта аудиторияларда тингловчилар олдида нутқ сўзлаш, турли ишлаб чиқариш вазиятлари ёки йигилишларда низоли вазиятнинг олдини олиш малакаларини ҳам шакллантириш мумкин. Маълум ижтимоий малакани ҳосил қилиш учун тренинг қатнашчиси бир

неча ўйинларда иштирок этиши зарур. Моделлаштирила-ётган вазият максимал тарзда реал ҳаётга яқинлаштирилиши, қатнашчиларнинг ёши, профессионал кўникмалари бунда хисобга олиниши керак.

Ўйинларни ташкил этишда бошловчининг роли катта бўлиб, у ҳар бир иштирокчининг муаммо “ташқарисида” ёки муаммога четдан туриб баҳо беришга эмас, балки вазиятга “ичкаридан” баҳо бериш, унга ҳиссий киришишга ёрдам бериши лозим. Бунинг учун унинг ўзи ушбу вазиятни тўла билиши, гуруҳда яхши маънавий мухитнинг бўлиши, ишонч, самимийликка эришиши, ўзидаги барча қобилияtlарни ишга солган ҳолда, иштирокчиларга ҳиссий ёрдам бериб туриши шарт. Унинг асосий вазифаси - ҳар бир иштирокчини болаларга хос ҳиссиётлар билан ўйинга берилиб кетишига имконият яратишдир. Бу ўринда ижтимоий психологияда фарқ қилинадиган уч асосий ролнинг ўрни ҳақида тўхтаб ўтишимиз керак.

Ижтимоий ҳаётдаги ижтимоий психологик роллар асосан қуйидагилардир:

“Катта” роли - у доимо йўл кўрсатувчи, ақл соҳиби, у адашмайди, чунки унинг ҳаётдаги мақсадлари аниқ ва равshan, унинг таклиф ва фикрлари одатда бошқалар томонидан эътиrozсиз қабул қилинади. Бу роль хусусида шуни яна айтиш мумкини, ҳаётдаги “катта” ёшга эмас, кўпроқ шахсий тажрибага, ҳаётга индивидуал муносабатга боғлиқ. Шунинг учун баъзан кичик ёшли бола ҳам ўзини “катта”дай ҳис қилиши мумкин, бундайларни ҳаётдаги лақаби - “ёш қари” ёки “кекса қари” бўлиб, уларда ўз-ўзига баҳо ҳамиша юқори ва турмуш икир-чикирларига бефарқ бўлмайди.

“Ота-она” роли - ҳам мавқе ва ижтимоий моҳият нуқтai назаридан каттага ўхшайди, лекин унда кўпроқ насиҳатгўйлик сифатлари меҳрибонлик, доимий ғамхўрлик қилиш фазилатлари билан уйғуналашади. Бу ролни ижро этиш учун никоҳга кириш ёки никоҳ ёшида бўлиш шарт эмас, у одамнинг дунёқараши, шахс сифати ва фазилатларига кўпроқ боғлиқ.

Учинчиси - “кичик” роли. Бу роль ҳаётда кўпроқ учрайди ва унинг моҳияти шундаки, одам доимо ўзгалар

панд-насиҳати ва кўрсатмаларига муҳтож бўлади, уни доимо бошқариш ва етаклаш керак. Билим савияси ёки ёшидан қатъи назар, “кичик” - доимо ўзгалар ҳаракатларига тақлид қилиш, тез, асоссиз хулосалар чиқариш, мантиқсизликка ҳам йўл қўйиш иллатларига эга. Кўпчиликка кичик ролда бўлиш қулай, чунки у ўз ҳаракатлари ва гапирган гапи учун масъулият ҳис қўлмайди, бошқалардан андоза олишга ўрганган.

Юқоридаги роллар моҳиятини назарий жиҳатдан бир-биридан фарқ қилиб, англаб олган тренинг қатнашчилари уларни турли вариантларда қўллашлари мумкин. Масалан, шундай ўйин вазиятини олайлик: эр ва хотин бироз ишлаб топган жамғармаларини қай йўсинда оқилона сарфлаш устида бош қотирмоқда. Юқоридаги уч рол нуқтаи назаридан келиб чиқадиган бўлсак, бу ролларнинг олтита ва ундан ортиқ варианtlарини тренинг қилиш мумкин. Масалан, эр навбат билан ё “катта”, ё “ота-она” ёки “кичик” бўлиб, пулни ишлатиш хусусида турлича фикр-мулоҳаза юритади, хотин ҳам турли ижтимоий ролдан келиб чиқиб, муносабат билдириши мумкин. Бир вазият: хотин оила лидери, унинг роли “катта”: “Аслида, адаси, Сизнинг айтганингиз маъқул-ку, лекин мен бир нарса айтай. Шу пулларнинг оиласи умуман наф келтирадиган, яхши нарсага сарфласак-да, биздан кейин болаларга ҳам қолса. Мен яхшилаб ўйладим - бу пулларга олган маъқул...”. Иккинчи вазият: хотин “кичик” ролида - “вой, мен қаердан билай, бу пулларни нимага сарфлашни, ўзингиз нима қилсангиз, қилаверинг, доим ўзингиз билиб иш қилардингиз-ку..!?” Учинчи вазият: хотин “ота-она” ролида - “Мен сизга ишонаманки, тўпланган пулларни ўзингиз, фарзандлар учун ишлатарсиз, фақат беҳуда сарф-харажат бўлмаса бўлгани. Менга қолса, албатта, уйрўзгордаги камчиликларга ишлатган бўлар эдим, сизга ҳам шуни маслаҳат бераман...”. Шунга ўхшаш эркак кишининг мавқеи ҳам юқоридаги роллар нуқтаи назаридан ҳар хил бўлиши мумкин. Бошловчи ҳар бир иштирокчнинг ролни ҳис қилишига қараб, уни ана шундай тоифаларга бўлиши ва чиқмаган ролни яхшироқ ўйнашга чорлаши ҳам эҳтимол. Иловада ана шундай роллардан намуналар келтирилган.

Ролли ўйинларни ташкил этишда бир қатор қийинчиликлар мавжуд бўлиб, улардан энг муҳими - ўйин вазиятининг катталар томонидан нотўғри идрок қилиниши, унга расмий тус берилиши ва катталарнинг “болалар” образларига кира олмасликларидир. Ушбу барьерни (тўсиқларни) олиб ташлашда етакчининг ўрни муҳим бўлиб, бир томондан, ролли ўйиннинг предмети бўлмиш ижтимоий психологик вазиятни танлай олгани, иккинчи томондан, иштирокчилар олдига муаммонинг қўйилиши ва ҳар бирининг уни ҳис қилишга кўмак бериши катта аҳамиятга эга.

Ижтимоий психологик вазият ўз ичига қуидагиларни олади: ўйиннинг сюжети, қўйилган ижтимоий психологик муаммо, берилган шахслараро муносабатларнинг характеристи. Демак, танланган вазият икки асосий талабга жавоб бериши керак: а) унинг мазмуни ва муаммонинг характеристи реал борлиқка, ҳаётдаги вазиятларга тўғри келиши; б) унинг иштирокчилар учун аҳамиятли бўлиши. Агар шу жиҳатларга бошидан эътибор берилмаса, иштирокчиларда тренинг ҳақида нотўғри тасаввур шаклланади, унинг мақсади тескари талқин этилади ва самара кутилгандай бўлмайди. Шунинг учун иштирокчиларни ўйин вазиятига тўғри йўналтириш, уларнинг ҳар бирида тўғри мотивация ва қизиқишни ҳосил қилиш бошловчидан ҳам тажриба, ҳам психологик малака талаб қиласи. Ана шу жиҳатлар, ўйин мазмунининг қатнашувчиларнинг хотирасида узоқ мuddатда сақланишига ва фаол установкаларга айланishiiga сабаб бўлади.

4.3. Ролли ўйинлар жараёни ва унинг шакллари

Ролли ўйинлар жараёни. Бу жараён баъзан психологик амалиётда психодраматик сеанс деб ҳам аталиб, унинг асосчиларидан бири юқорида таъкидланганидек, Ж. Моренодир. Ўйин жараёнидаги асосий шахслардан бири - бошловчидан кейин ижтимоий психологик вазиятнинг марказида турган шахсдир, уни илмий адабиётларда протогонист деб аташади. Унинг ижтимоий психологик вазиятдаги муаммо ҳамда зиддиятларни ҳал қилишдаги роли каттадир, чунки у айнан воқеаларнинг марказида

туради. Унга ўз ролининг барча жиҳатларини ҳар томонлама намоён қилиш ҳукуқи берилади, бошқа роллар эса унинг табиатидан ва хусусиятларидан келиб чиқади. Яъни протогонист асосий муаммони элтувчи ва бошқаларни ўзига зргаштирувчидир. Роллар ўйнаб бўлинганидан сўнг унинг мұхокамаси бошланади, унда барча гурӯҳ аъзолари иштирок этадилар ва уларнинг ҳар бири ўзини протогонистнинг ўрнига қўйиб кўришга ҳаракат қилиши керак. Психодрамада одам ўзини турли ролларга кира олишини синааб қўради, яъни бунда интерперсонал тажрибанинг ошишига ҳамда ҳар бир шахснинг ўзидағи ва бошқалардаги установка ва муносабатларнинг ҳис қилинишига имконият туғилади, масалан, эркак киши аёлни идентификация қилиши, ёш одам қарини, бола - каттани, ва аксинча, роллар эгилувчанлиги ҳис этилади.

Классик психодрамада, айниқса, “режиссёр” ролидаги бошқарувчи шахсининг роли катта. У ҳам ўйинни “саҳнага қўювчи”, ҳам терапевт, ҳам психоаналитик ролини ўйнайди. Бутун ўйин давомида у ўйиннинг катализатори, ҳар бир ҳаракатнинг мувофиқлаштирувчиси, ролларни аниқ персоналлар шаклида иштирокчиларга бўлиб берувчидир. У ўзининг бошқарувчилик ролини адо эта бориб, одамларни ижтимоий вазиятни ҳис қилиш ва ундан чиқиш чоралари юзасидан терапевтик кўрсатмалар бериб боради. Ҳар бир сеансда ролларни алмаштирувчи ва протогонистни тайинловчи ҳам у ҳисобланади.

Ролли ўйинлардан кутилган самаранинг ижобий бўлишини таъминловчи бир қанча усууллар мавжуд. Масалан, улардан бири “роллар алмашинуви”, деб аталиб, сеанс мобайнида протогонистлар ва бошқа роль иштирокчиларининг ўринлари алмаштирилиб турилади. Масалан, биринчи кўринишда фаол протогонист бўлиб ўйнаган шахс, бошқа кўринишда қўшимча персонаж ролини ўйнаши, бир ҳолатда ўқитувчи ролидаги одам, кейин эса ўқувчи ёки ота-она бўлиши мумкин. Демак, ўша вазиятдаги ҳар бир персонаж ички дунёсига кириш - тўла маънода ўша вазиятни ҳис қилишига ва унга мослашишига ёрдам беради. Яна бир усул “ўхшаш чехралар”, деб аталиб, унинг моҳияти шундаки, ўйиннинг янада таъсирчан ва

самарали бўлиши учун икки кишига олдиндан айнан бир хил рол берилади, биринчи босқичларда уларнинг ҳар бири айнан бир хил ҳаракатлар билан ролга навбатмаввабат кирадилар, фақат маълум босқичдагина уларга “ўз” ҳаракатлари йўналишини ишлаб чиқиш ва керак бўлса, уларга ўзгартиришлар киритиши мумкин. Яна бир усул шуки, у “монолог” деб аталиб, бир шахсга маъқул даражада ўз ҳиссий-кечинмаларини тўлиқ баён этишга имконият берилади. Яъни вазият, муаммо ва сценарий бошловчи томонидан берилади, фақат рол ўйновчи уни ўзича ҳиссий кечинмаларга бойитиши ва шу орқали ҳар бир индивид руҳий дунёсининг бойлигини ва ўзига хослигини намоён қилиши мумкин. Бундан ташқари, ҳар бир ролли ўйин вазиятига мос ҳолда уни ташкил этишининг ўзига хос шакллари ҳам бўлиши мумкинки, бу ҳам ўйин методларининг имкониятларини янада кенгайтиради. Масалан, “Сехрли магазин” ўйини шундайки, унга кўра, ўйин иштирокчилари турли характер хусусиятларини ифодаловчи ролларни имитация қиласидилар, масалан, бири - “ақл”, иккинчиси - “ирода”, учинчиси - “иффат” ва ҳоказо. Протогонист “сехрли дўконга” кириб ўзида етишмайдиган қадрият, яъни сифатни ўзида бор бўлган, унга “қадрсизроқ” сифатга алмаштириб кетиши мумкин. Ўзини ўзи таҳлил қилиб тарбиялаш дастурини ишлаб чиқишида бу ўйиннинг аҳамияти катта.

Шунга ўхшаш “нотаниш одам билан танишиш”, “келажакни тасаввур қилиш”, “оинадаги акс” каби ўйинлар ҳам шахснинг ўзини ўзи руҳий таҳлил қилиш ва ўз хулқатворини тузатишда катта аҳамиятга эгадир. Бу ўйинлар ўз олдига қўйган мақсад ва мазмунига кўра турлича бўлиши ва аниқ мақсадларга хизмат қилиши лозим.

Вазиятли тренингнинг ҳаётдаги таъсиричан мисоли сифатида АҚШ мактабларидан бирида ўтказилган экспериментни келтириш мумкин. Ўша мактабда болалар ўртасида кенг тарқалган этник зиддиятларнинг олдини олиш учун қуйидаги иш амалга оширилган. Ўқитувчи синф ўқувчиларини “кўк кўзлилар” ва “қора кўзлилар” тоифасига ажратган, “кўк кўзли” болаларни маълум вақт мобайнида тинимсиз қўллаб-куватлаб, бошқаларни камситаверган.

Вақт ўтгач, унинг аксини қилган, яъни энди “қора кўзлилар” ҳар қандай қилмишлари учун фақат мақтов олишган. Шу эксперимент давомида ҳар бир гуруҳ вакили “эъзозланган”лар, “камситилганлар”нинг аҳволи қандай бўлишини ўз бошидан кечиргани учун ҳам бир-бирларига нисбатан муносабатларда кўз ранги ёки қайси ижтимоий тоифага тааллуқлилик омили руҳий муносабатларга таъсир қилмаслиги ҳақида хулоса чиқаришга ўрганганлар. Бу эксперимент “классик социодрама” ҳам деб аталади. Шунга яқин “педагогик психодрама” ҳам борки, унинг ёрдамида тарбияси оғир ҳисобланган болаларни тарбиялашда фойдаланилади. Бу услубларнинг барчаси ўз моҳияти жиҳатидан ўйиндир, лекин улар кўпинча ҳаётий вазиятлар доирасида маҳсус шароитларда ўтказилса, хулқ-атворнинг тузатилишига эришилади.

Америкалик олим Э. Берннинг трансакт таҳлиллар методи ҳам шунга яқин, фақат унда одамларни ҳар бир ижтимоий вазиятлардаги самарасиз (ножӯя, беҳуда) ҳаракатлари таҳлил қилинади ва ўйин воситасида иштирокчилар тўғри ҳаракатларга ўргатилади.

Шундай қилиб, ўйин методларини қўллаш соҳалари ниҳоятда кўп, улар доимо инсонни ҳаётида тўғри мавқега эга бўлишга, ўзи истаган, орзу қилган ҳаётий вазиятларни ўзи яратишга ўргатади ва ундейди. Ўйиннинг ҳар қандай шаклини ташкил қилишда ва уни самарали ўтказишида, табиийки, тренерга ижтимоий психологик билимдонлик, ҳаётий тажриба, мулоқот санъати ва сабр-тоқат керак. Шунинг учун ҳам ўйинни ўрганиш ва ўзи билган нарсларни бирорларга ўргатиш малакасига эга бўлган шахсига уни тўғри ташкил қилиши ва психокоррекцион мақсадларга эришиши мумкин.

У БОБ. ПЕРЦЕПТИВ ТРЕНИНГ ЪА УНИНГ ИЖТИМОЙ ПСИХОЛОГИК ХУСУСИЯТЛАРИ

5.1. Перцептив тренингнинг шахс учун аҳамияти

Юқорида таъкидланганидек, перцептив тренинг ҳам ижтимоий психологик тренингнинг бир шакли бўлиб, у ҳам энг аввало шахсни ўз-ўзини тўғри англаш ва тушуниш орқали бошқаларни тўғрироқ баҳолашга ва улар билан мос муносабатлар ўрнатишга ўргатади. Ушбу тренинг турининг асл моҳияти шундан иборатки, унда иштирок этувчи шахс аввало ўзидағи айрим ҳиссиётларни уйғотиш орқали ўз қилмишларини ҳолисона баҳолаш ва шу орқали ўзгалар ички оламида рўй берадиган ҳиссий-кечинмаларни англаш имкониятига эга бўлади, натижада ўз-ўзини мукаммаллаштириш дастурини ишлаб чиқади. Перцептив тренинг жараёнида иштирок этувчилар ўзлари ўзгалар кўз ўнгидаги қандай баҳоланишларини, ўзгалар мавқеида туриб, ўзларига тўғри баҳо бериш (рефлексия) ва ўз хулқига ўзгалардан бериладиган муносабатни ҳис қилишга муваффақ бўладилар.

Илмий адабиётларда перцептив тренинг баъзан сензитив тренинг ҳам деб аталади. Зоро, “сензитив” сўзининг маъноси сезгириликдир. Яъни сензитив тренинг машғулотларида одамнинг шахслараро муносабатларда намоён бўладиган ҳиссиётларга сезгирилиги ошади, уларни одилона ва оқилона баҳолаш қобилиятлари ортади.

Бу усул асримизнинг 50-йилларида юзага келган бўлиб, у асосан педагоглар, режиссёrlар, психотерапевтлар, психологлар томонидан турли меҳнат жамоалиари раҳбарларини ўқитиши ва улардаги коммуникатив қобилиятларни ўстиришда қўлланилган. Машғулотларда иштирокчилар “ўзгалар оёқ кийимида юриш” вазиятига солиниб, шу орқали уларда бировлар билан мулоқотга киришганда эҳтиёт бўлиш ҳиссий ва эмпатия тарбияланган. Усулнинг муҳим хусусияти шундаки, Т-гурухни ташкил этишда ва шахсий фаолиятни йўналтиришда қатнашчиларга максимал даражада эркинлик берилади. Бунда

ишилатиладиган энг ўзига хослик шуки, ўйин иштирокчи-ларига олдиндан нима бўлиши ҳақида деярли ҳеч қандай мълумот берилмайди. Ўйин қатнашчилари гўёки коммуникатив вакуум ҳолатига туширилади ва бунда уларнинг узлари мулоқот фаолиятини ташкил этишларига тўғри келади. Шунинг учун ҳам бу жараённинг самарасига “синашлар” ва “хатоликлар” воситасида эришилади.

Шундай қилиб, перцептив тренингда иштирокчилар фаолиятида ақлий (интеллектуал) жараёнлардан кўра ҳиссиётлар, эмоциялар мухим роль ўйнайди.

5.2. Перцептив ва сензитив тренингларни ташкил этиш шартлари

Машгулотлар бошланишидан аввал иштирокчиларга лидерлик, мотивация, шахслараро мулоқот, гурухий жаёнлар, шахс типлари ҳақида маъruzалар ўқилади, амалий машгулотлар олдидан ҳар бир иштирокчига ёзма матнлар бериб чиқилади, уларда ҳам маъruzаларда кўтарилиган муаммоларга оид амалий хулосалар ва тавсиялар мавжуд бўлади. Буларнинг барчаси аслида умумий “фон” ролини ўйнайди ва қатнашчиларни ўйнинг руҳий жиҳатдан тайёрлайди. Чунки ўйин даврида кўп нарсалар яна ўзгариб бориши мумкин.

Тренинг машгулотларида ўртача 6-15 киши қатнашади ва улар 2 суткадан тортиб то 4 ҳафтагача давом этиши мумкин. Гуруҳда турли ёш ва касб вакиллари бўлиши мумкин, имкони борича уларни шундай танлаш керакки, натижада улар бир-бирларини танимасликлари керақ. Одатда перцептив тренинг машгулотлари бироз ғайри-табиий шароитларда, яъни кундалик иш шароитларида, масалан, маҳсус тренировка марказларида, меҳмонхоналарда, шаҳар ташқарисида, сайлгоҳларда ўтказилади. Лекин охирги йилларда кўп жойларда ташкил қилинаётган ана-шундай тренингларда касби бир ёки бир-бирига яқин кишилар гурухида ҳам ўтказилмоқда ва у ижобий натижада беряпти. Одатда машгулотлар “сессиялар”, деб аталади ва уларга ижтимоий психолог ёки амалиётчи психолог раҳбарлик қиласи, лекин унинг роли ўзига хос хусусиятга эга бўлади. Яъни у маъruzалар ўқишдан ташқа-

ри, ўзаро мулокотлар жараёнида “катализатор” сифатида гурухий жараёнларни фаоллаштиришга бевосита аралашиши ва мулокотга табиий иштироқчи сифатида қүшилиб туриши мумкин. Тренингнинг асосий талабларидан бири шуки, унда кундалик ҳаётда одатланиб қолинган мулокот тизимлари, шахснинг ҳаётдаги мавқеи ёки обрўсига эътибор беришлар мавжуд бўлмайди. Чунки иштирокчилар эркин мулокот жараёнида ўзларини бошқалар томонидан қандай идрок қилинаётганликларини англашлари ва шу орқали ўзларини идрок қилишга мусассар бўлишлари керак ва бу нарса кўпинча ўйиндан кейинги мунозараларда кўриб чиқилади.

Перцептив тренингнинг уч асосий босқичи мавжуд:

1. Киришиш босқичи. Бунда гурух аъзолари ўртасида ўзаро илиқ муносабатлар ўрнатилиши, уларда эски устновкалар ва қарашлардан қутулиш имконияти мавжуд бўлиши лозим. Шунинг учун бўлса керак, бу босқич “музнинг эриши” ҳам деб аталади.

2. Ўзгариш босқичи. Бунда янгича сифатлар ва муносабатлар шаклланиши бошланади ва гурух аъзолари бир-бирлари билан яхши муносабатлар ўрнатганлари сабабли бир-бирларидан тортинмайдиган бўладилар.

3. Мустаҳкамланиш босқичи, образли айтилса, бу босқич “музнинг яна қайтадан қотиши” ҳам дейилади. Бунда гурух тан олган ва маъқуллаган, шахс учун манфатли сифатлар мустаҳкамланади ва янгича муносабатлар тизими шаклланади. Ҳосил бўлган тизим узоқ муддатли хотирада сақланади.

Перцептив тренингнинг иштирокчилари барча босқичлардан ўтишлари шарт ва уларда қайси босқичнинг қай даражада узоқ кечиши гурух аъзоларининг шахсий хоҳишлари, ҳаётий тажрибалари ва истакларига боғлиқ. Масалан, кўпинча биринчи босқич қисқа муддатда рўй беради ва аъзолар мунозаралар ёки ўйинлар воситасида турли вазиятларга ўзларини қўйиш орқали янги қарашларни шакллантиришга кўп вақт сарф қиладилар. Перцептив тренинг ўйинларидан бири - “Кўр-кўронা ишонч” /”слепое доверие”/ деб аталиб, унга кўра, иштирокчилар икки гурухга бўлинадилар. Биринчи гурух аъзо-

ларининг кўзлари боғланади ва уларни биттама-битта иккинчи гуруҳ аъзолари етаклаб, йўл кўрсатиб борадилар. Ўйин 10 минутгача давом этади ва бу даврда иштирокчилар гаплашмайдилар. 10 минутдан сўнг роллар алмашинади, энди бошловчи “кўзи ожиз” ролида бўлади. Одатда биринчи босқичда кўзи боғланган ўз бошидан оғир қисматни кечиргани учун ҳам шеригини етаклашда кўпроқ эҳтиёткор бўлиб, қийнамай етаклай бошлайди. Кечирилган ҳиссиятлар ўйин тугагач, кенг муҳокама қилинади. Бу ўйиннинг ижтимоий мөҳияти шундаки, у орқали бошлиқ ва бўйсунувчи, ночор ва баҳтли одамлар тоифаларининг руҳий кечинмалари таҳлил қилинади ҳамда ҳаётда тушкунлик ёки тажрибасизлик туфайли ночор инсонларга қандай муомалада бўлиш кераклиги ҳақида хуласалар чиқарилади.

Кўпинча шундай ўйинларда айрим шахслар сира гуруҳга қўшила олмайдилар, бу ҳам уларнинг жамиятдаги мавқелари ва одамларга муносабатларини яққол намоён қиласди. Масалан, ана шундай ўйинларнинг бирида бир раҳбар ходим “Мен ҳеч кимга қўшила олмаяпман, мени гуруҳ қабул қилмаяпти-ку?” - деб эътироф этган. Шунда гуруҳ аъзолари: “Тўғри, Сиз ўзингизни гүёки орамиздаги айғоқидай тутаяпсиз, ўзингизни катта олмай, ҳамма қатори тутинг” - деб унга танбеҳ беришган. Демак, уша бошлиқ ишда ҳам янги ходимлар ёки янги шахслар билан тез “тил топишиб” кета олмайди, унда “субординация” касали бор. Ўйин мобайнида уша шахсдаги ана шу иллат тузатилган.

Демак, сензитив ёки перцентив тренинг жараёнида гуруҳ аъзолари ўртасида доимий “тескари алоқанинг” бўлиши катта аҳамиятга эга. Чунки иштирокчилар доимо турли вазиятларда ўзининг ва ўзгаларнинг хулқ-атворини кузатиши қонуниятiga эга бўлади ва бунда шахснинг ўзига хос сифатлари тарбияланади.

Умуман, сензитив тренингнинг ижтимоий аҳамияти шундаки, у, биринчидан, ўз-ўзини ва ўзгаларни тушуниш жараёнини тезлаштиради ва бунда шахслараро идрок стереотиплари таҳлил қилинади; иккинчидан, гуруҳий жараёнларнинг ўзига хос қирраларини ҳис қилиш, одат-

даги кундалик мулокотда воз кечиш мушкул бўлган “эго-химоя” шаблонларидан қутулиш имкониятини беради; учинчидан, бирорларнинг дард-ҳасратларини ҳис қилиш, ўзларини эшитиш қобилиятини ўстиради; тўртингидан, турли вазиятларда тўгри ва аниқ саволлар бериш, зарур бўлса, уларга ўзи ҳам жавоб бериш малакалари ҳосил бўлади; бешинчидан, ўзгаларни ва ўзини танқид қилиш, мулокотнинг вербал ва новербал усуllibаридан самарали фойдаланиш ва уларни ўзлаштириш содир бўлади.

Бу усулни назарий ва амалий жиҳатдан ўрганиб чиқкан АҚШ олими Г. Смит унинг қуидаги турларини фарқлаган эди:

1. Кузатувчанликка асосланган сензитивлилик. Бунда асосий нарса, шахснинг кузатувчанлик қобилиятига асосланган ҳолда нафақат ўзининг, балки бошқаларнинг ҳам ҳар бир ҳаракати, нутқи, тана ҳаракатлари, мимикалари ва бошқа жиҳатларини ташқи томондан бевосита идрок қилиш ва кузатув тажрибасига таянган ҳолда ўз ҳаракатларини тузатиш имкониятини берувчи фазилатларга эга бўлишdir. Яъни инсондаги бу сифатлар - кузатувчанлик қобилияти шундай фаол жараёнки, унда фақат кўриш органлари орқали қайд қилинган ташқи обьектларгина инобатга олинмай, балки бунда шахс кўришни хоҳлаган жиҳатлар ҳам онгда қайд этилади. Масалан, ўзи ёқтирган одамда бевосита қайд этилмаган сифатлар ҳам эътироф этилиши мумкин. Айниқса, ўз-ўзини кузатишга асосланган интроспектив усул ҳам бунда катта рол ўйнайди.

2. Назарий сензитивлик. Бу - шахснинг ўзидагиоялар, назарий қарашларни ўзгаларнинг ҳиссиётлари, фикрлари ва ҳаракатларини шарҳлаш ва баҳолаш учун ишлатиш қобилиятидир. Масалан, шахс типлари ҳақидаги назарий билимлар бизга ўзгаларни осонроқ билишга ёрдам беради.

3. Номотетик сензитивлик. Атаманинг маъноси грекча “қонуний ўрнатилган” сўзидан келиб чиқади, яъни у ёки бу шахснинг ўзини ва ўзгаларни билиш ва уларнинг хулқига баҳо бериш учун ўша шахс мансуб бўлган ижтимоий гуруҳ вакилининг типик фазилатларидан фойдаланиш, унга хос бўлган образ ҳамда тушунчаларни ишлатиш

қобилияти - номотетик сензитивликдир. Демак, бунда шахс ўзини ва ўзгаларни аникроқ баҳолаш учун ўша ижтимоий гуруҳ вакилининг “умумлаштирилган образидан” фойдаланаади.

4. Идиографик сензитивлик - “ўзига хос” сўзидан олинган бўлиб, номотетикдан фарқли ўлароқ, у ҳар бир шахсни ўзига хос идрок қилиш ва шундай имкониятдан фойдаланиш қобилиятидир. Бу қобилият “қайтарилмас, ўзига хос шахс” тушунчаларидан келиб чиқади.

Сензитивликнинг барча юқорида келтирилган турлари, табиийки, алоҳида-алоҳида кўлланмайди, амалиётда эса ўйинларни ташкил этишда уларнинг барчасидан оқилона фойдаланишгина самара беради. Шунинг учун ҳам улар ҳақидаги билимларга эга бўлиш, биринчи навбатда, бошловчи психологлар учун зарурдир.

Шундай қилиб, агар маърузалар тингглаш жараёнида шахс бошқаларнинг умуман олганда ўзларини қандай тушилари ҳақида тасаввурга эга бўлса, Т-гурухларда уюштириладиган машғулотларда у ўзининг жамиятда тутган ўрнини англаш, бошқалар томонидан қандай идрок қилинаётганлигини ҳис қилиш, ўзгаларнинг унга таъсири қандай бўлаётганлигини сезиш имкониятига эга бўлади ва шу орқали бошқаларга нисбатан муносабат тизимини мукаммаллаштиради. Синектика бу ўринда инсон тасаввурларини янада ривожлантириш усули сифатида турли мутахассислар тўплangan шароитда бирор ижодий муаммони ечишда шахс қарашларини қайта таҳлил қилиш усули сифатида қўшимча ёрдам беради. Масалан, бу ўринда “Робинзон” ўйининг ўзига хос вариантини таклиф қилиш мумкин. Айтайлик, гуруҳ инсонсиз оролга тушиб қолган, мақсад, катта қайик ясаш ва оролни тарк этиш. Гуруҳ аъзолари барча йўллар ҳақида фикрлашиб, ва ниҳоят, 12 ой ичидаги шу оролдан чиқиб кетиш дастурини ишлаб чиқадилар. Фикрлар, таклифлар бажарувчилар ҳақидаги фантастик образлар ва яхлит тизим гуруҳда кўплаб шахслараро муаммоларни йўл - йўлакай ҳал қилишни талаб қиласиди, натижада одамлар бир-бирларини янада яқиндан билиб оладилар.

VI БОБ. ИЖТИМОЙ ПСИХОЛОГИК ТРЕНИНГНИ ТАШКИЛ ЭТУВЧИ ШАХС БИЛИМДОНЛИГИНИ ОШИРИШ МУАММОСИ

6.1. Ижтимоий психологик тренингни ташкил этувчиларни тайёрлаш муаммоси

Ижтимоий психологик тренинг инсонлар ўртасидаги соғлом муносабатларнинг бўлишига эришишни мақсад қилиб қўяр экан, уни ўтказувчи, уюштирувчи шахс ва унинг ўз ишини мукаммал билиши фаолият самарасини таъминловчи асосий омиллардан биридир. Тренинг ўтказувчига қўйиладиган асосий шартлардан ва талаблардан бири шуки, у мулоқот жараёнининг барча қирраларини профессионал даражада мукаммал эгаллаган бўлиши керак. У ҳам бўлса - назарий билимларни бевосита амалиётда, тренинг жараёнида қўллай олишидир. Уларни одатда тренерлар, инструкторлар, бошловчилар, деб аташади. Демак, тренинглар уюштирувчи муассаса ёки ташкилотда энг аввало эътибор берилиши зарур бўлган нарса ҳам шуки, у ерда ижтимоий психологик тренингни олиб борувчиларни ўқитиш, тайёрлаш, улардан мутахассис етиштиришдир. Тренер шахсига қўйиладиган талаблар қўйидагилар: 1) у аввало ўзгалар шахсига хос бўлган психологик хусусиятларни жуда яхши билиши ва бунда инглизлар айтганидек, “Ўзгалар психологиясини билиш - улар устидан хукмронликнинг бир шаклидир”, деган нақлни эсдан чиқармасликдир; лекин бунда педагогик альтруизм, яъни ўзгалар манфаатини ўзиникидан устун қўйиш хислати мавжуд бўлиши керак; 2) ўзининг шахсий фазилатлари ва психологиясини мукаммал билиши ва уни бошқара олиш қобилиятига эга бўлиши зарур; 3) ҳар қандай чигал ёки зиддиятли вазиятлардан чиқиб кетишигина эмас, балки унинг олдини ола билиш, вазият тўғри келганда эса уни бартараф этиб, иштирокчиларга тўғри маслаҳат бера олиш; 4) эмпатия, яъни ўзгалар ҳолатларини чуқур хис қила олиш қобилиятининг мавжудлиги; 5) ўзгарувчан, мосланувчан ақл соҳиби бўлиш, кутил-

Маган ҳолатларга ўзини олдиндан тайёрлаш, ўзини йўқот-
маслик; 6) ўз хатти-ҳаракатларини доимо маълум маром-
да ушлаш ва керак бўлса ўзидағи моторикани ривожлан-
тира олиш; 7) ўзгалар нутқи, реакцияларини аниқ тушу-
нис ва тинглаш, мимика ва ҳаракатлар моҳиятини тўғри
талқин этиш ва тушуниш; 8) тингловчилар ва ўйин ишти-
роқчиларининг эҳтиёжлари ва қизиқишларига қарши бор-
маслик; 9) режалаштириш қобилиятининг бўлиши, бунда
олдинда кутилаётган жараённинг барча муҳим ва ному-
ҳим жиҳатларини олдиндан тахминан бўлса ҳам, тасаввур
қилиб, аниқ режа туда олиш; 10) ўзига ишонч, эътиқод-
нинг мавжудлиги, реал тафаккур ва ироданинг бўлиши.

Бошловчи тренернинг асосий вазифалари ҳам унинг
шахсига қўйиладиган талаблардан бевосита келиб чиқа-
ди. Яъни, у аввало таълим дастурига эга бўлиши керак.
Дастурга мос сценарийлар танлай билиши, уларни керак
бўлса, ҳар бир аниқ ҳолат ва вазиятга мослаштириши,
машгулотларни ташкил қилишда ҳам ушбу ҳолатларга
эътибор қаратиши шарт. Қатнашчиларнинг ёши, жинси,
касбий малакалари, маданияти даражаси ва эҳтиёжлари-
га мос равишда дастур ва сценарийларга ўз вақтида туза-
тишлар киритиш қобилиятига эга бўлиши, машгулотлар
шакли, вақти, жойини ҳам юқоридаги омилларга мос ра-
вишда танлаши уларнинг самарадорлигига бевосита
таъсир кўрсатади. Имконият борича, тингловчиларни
машгулотлар бошланишидан аввал мавзу бўйича ёзма
матнлар билан таъминлаши ва маъruzаларни иложи бо-
рича, ўзи ўқиб, амалий машгулотларга ҳам бегоналарни
жалб қилмагани маъкул. Чунки бу ерда “нимага ўргатиш”
ва “қандай ўргатиш” деган саволларга жавобгар шахс
бир киши бўлса, ҳаракатларда уйғунлик бўлиши мумкин.

Ижтимоий психологик тренингда бошловчи ролига дуч-
келган шахсларни жалб этиб бўлмайди. Чунки машгулот-
ларни ўтказувчи маҳсус танловларда иштирок этган бўли-
ши ва унда унинг коммуникатив маҳорати, ўз-ўзини на-
зорат қила олиш қобилияти, босиклиги, ҳиссиётларнинг
муқобиллиги, уларга маълум маънода турғунлик хос бўли-
ши шарт. Танловни умуман холис экспертлар ўтказиб,
тренерларни тайёрлаш курслари ҳам нисбатан узоқ муд-

датга мўлжалланган машғулотлар тизимидан иборат бўлади.

ИПТда самарали мулоқотга эришиш учун қуидаги омиллар ҳисобга олиниши мақсадга мувофиқ:

а) мақсаднинг аниқ бўлиши, унинг бошловчи ва иштирокчилар томонидан бир хил идрок қилиниши ва тушунилиши. Демак, бу ўринда гурухий ва индивидуал мақсадлар ўртасидаги мослик ва келишувнинг мавжудлилигига эътибор қаратилиши шарт;

б) икки томонлама мулоқотнинг мавжудлиги, яъни фикр ва ҳиссий кечинмаларнинг аниқлиги, очиқлиги ва ростгўйлик тамоийлларига эътибор бериш;

в) фаол иштирок ва гуруҳдаги лидерликнинг аъзолар ўртасида тенг тақсимланишига эришиш, яъни гуруҳда яққол кўзга ташланган лидер ёки доимо ўз ҳиссий-кечинмаларини ва иродасини бошқаларга ўтказишга ҳракат қилаётган шахснинг бўлмаслиги;

г) таъсир кўрсатиш ёки руҳий тазиқнинг иштирокчилар билимлари, қобилиятлари ва малакаларига асослалиши, лекин бунда бошқаларнинг камситилишига йўл қўймаслик;

д) қарор қабул қилиш ва мунозараларни якунлаш босқичларида вазиятга қараб, бошловчининг ташаббусни ўз қўлига олиш хуқуқидан фойдаланиш;

е) баҳс ва тортишувларга доимо тўғри, оқилона, одилона, конструктив тус бера олиш, бу омил иштирокчилар ташаббусларини қўллаб-куватлайди ва уларда шаклнадиган сифатларнинг мустаҳкамланишига замин ҳозирлайди;

ж) гуруҳ фаолиятининг самарадорлиги масаласи ҳам ўша гуруҳ аъзолари томонидан баҳоланиши ўйин ёки мунозарани яна давом эттириш ёки тўхтатиш масаласига ойдинлик киритади, акс ҳолда бошловчи бу масъулиятни ўз бўйнига олса, унда гуруҳ ўз фаолиятидан қониқмай қолиши мумкин.

з) Т-гуруҳ аъзоларининг максимал тарзда ўзини кўрсатиш, ҳаттоки, ўзидағи яшириш эмоцияларни ва янгилкларни рўй-рост намоён этишга ундаш лозимки, токи у ҳар қандай шароитда ҳам ўз индивидуаллигини кўрсатиш қобилиятига эга бўлсин.

Шундай қилиб, ижтимоий психологияк тренингнинг са-марадорлиги бир томондан, иштирокчиларниң фаол қатнашишлари ва ўзларини эркин ҳис қилишларига боғлиқ бўлса, иккинчи томондан, бу нарса, бошловчи - тренер шахсининг хусусиятларига бевосита боғлиқдир. Шунинг учун ҳам тренер ёш бўлса ва унда ижтимоий психологияк тренинг ўтказиш тажрибаси етишмаса, у ўзига ҳос ва мос аудиторияни толиб ишлаши, бирданига катталар гуруҳида, номаълум кишилар билан ишлашдан ўзининг тийиши керак. Чунки агар у ўз амалий фаолияти бошидаёқ мағлубиятга учраса, кейинчалик у ҳеч қачон тренинг машғулотлари ўтказа олмаслиги мумкин. Бу унда шахсий тушкунликни келтириб чиқариб, ўзи ёрдамга муҳтоҷ бўлиб қолади. Бошловчи ҳам ўз фаолиятининг амалга оширишида юқорида таъкидланганидек, ИПТнинг турли шаклларидан ўзига маъқулроқ туридан бошлаши мумкин. Масалан, ўзидан ёш бўлган болалар гуруҳида турлича осон ўйинлар ташкил қилиш, савол-жавоб гурухларини уюштириш, думалоқ стол атрофида турли ҳаётӣ казусларни муҳокама қилишга ўргатиши мумкин. Чунки, психодраматик ўйинлар, айниқса, социодрамалар шахсдан юксак қасбий сифатларни, инсонлар билан ишлаш тажрибасини талаб қиласди. Бошловчидан талаб қилинадиган психологик профессионализмнинг асл моҳияти шундаки, у одамлар кўзига ва хатти-ҳаракатига қараб, уларнинг ният-истакларини, тренингда иштирок этиш қобилиятини тахминан олдиндан чамалай олиши ва ўйин давомида моҳирлик билан улар ҳаракатини зиддан бошқариш қобилиятига эга бўлиши шарт. Шунинг учун маҳсус ижтимоий психология курсларида таҳсил олмаган, профессионал тайёргарликка эга бўлмаган шахслар тренингни бошқара олмайдилар. Бундан ташқари, бошқарувчи шахслардан фидойилик, ўз манфаатини ўзгаларникоидан пастроқ қўйиш, сабр-чидам, тезкорлик, фаҳм-фаросат сифатлари талаб қилинади. Бу сифатлар, маълумки, нафақат назарий тайёргарлик асосида, балки кўпроқ ҳаётӣ мулокот ва ижтимоий фаолиятнинг мураккаб турларида фаол иштирок этиш натижасидагина қўлга киритилади.

6.2. Ижтимоий психологик фаол услубларни маҳаллий шарт-шароитларда қўллаш ва мута-хассислар тайёрлашда улардан фойдаланиш

Маълумки, янгилик доимо айрим қийинчиликлар ва кишилар онгидаги тўсиқлардан ўтиб, ҳаётда ўз аксини топади. Ижтимоий психологик тренингнинг шахс тарбияси, унинг ижтимоий вазиятларга тўғри мослашиши, мулоқот маданияти ва техникасининг ҳосил бўлишидаги аҳамияти чексиз. Лекин бунга ўхша什 технологиялар инсоний муносабатлар соҳасида янги бўлиб, уларни кенг амалиётга жорий этишда халқнинг психологияси, унинг минг йиллар мобайнида шаклланиб, халқ онги ва хотирасида сақланиб, мустаҳкам ўрнашиб кетган анъаналар, расм-руссумлар ва одатлар қаторида ўз ўрнини топишига алоқадор маҳаллий ҳамма миллий ўзига хосликни ҳисобга олиш зарур.

Бу ўринда китобхон диққатини икки нарсага қаратиш ўринлиди. Биринчидан, ўзбек халқи ва Ўзбекистонда яшаётган бошқа миллат вакилларида асрлар давомида шаклланиб, сайқал топган муомала маданияти, одобахлоққа алоқадор фазилатлар ва қадриятлар борки, улар дунё цивилизацияси доирасида жуда юқори баҳоланиб келинмоқда. Лекин, ана шу олижаноб инсоний муносабатларда айрим жиҳатлар борки, улар айнан ижтимоий психологик тренингни ташкил қилиш ва ўтказишида ўзига хос хусусиятларни келтириб чиқаради. Масалан, ўзгалар фикрига эргашиш, шахс ёши ва ҳаётий тажрибасини, жамиятдаги обрў-эътиборни ҳар қандай шароитда ҳам ҳисобга олиш, танқид ёки ўзини танқид қилишда юз хотирлик фазилатлари, ўз ҳиссий кеҷинмаларини ўзгалар олдида очиқ-ойдин изҳор қилмаслик, Европа стандартлари бўйича ижтимоий психологик тренингни ташкил қилиш ва ўтказишига монелик қилиши мумкин. Иккинчидан, халқнинг, айниқса, ёшларнинг янгиликларга интилувчанлиги, янги инновацион технологиялар, хорижий тилларни ўрганишга интилувчанлиги ва бу борадаги ёшлар иқтидорини ҳисобга оладиган бўлсак, уларда жаҳон талаблари даражасида тренингларни фақат ёшлар аудиториясида

ташкил этиш мақсадга мувофиқмикин, деган табиий савол пайдо бўлади.

Бизнинг фикримизча, ҳар қандай вазият ёки омил доирасида ҳам этнопсихологик ва ҳудудий ўзига хосликлар ҳисобга олиниши зарур. Бу ўринда шу нарса ҳеч қандай эътиrozсиз қабул қилиниши лозимки, ҳозирги даврда ўқитиш ва таълим-тарбия тизимининг барча жабхаларида фаол ижтимоий психологияк тайёргарлик усулларидан фойдаланиш ва фойдаланилганда ҳам унинг энг самарали, миллат психологиясига мос услубларни кенг тарғиб этиш ва амалиётларда жорий этиш лозим. Ўзбекистон Республикасида кадрлар тайёрлаш бўйича миллий дастурни амалга оширишда ҳам узлуксиз таълимнинг барча босқичларида фаол методлардан кенг кўламда фойдаланиш ўзининг самарасини бериши шубҳасиз. Зеро, бугунги кунда билимдонликнинг энг муҳим жиҳатларидан бири ҳам ижтимоий психологик билимдонликдир. Бу нарса, айниқса, катталар фаолиятини тўғри ташкил этиш ва уни ўзгартириш борасида ўз ўрнига эга.

Ижтимоий психологик тренингни ташкил этишнинг ҳудудий ва миллий жиҳатларини ҳисобга олиш деганда нималарни тушунамиз?

Биринчидан, ҳар бир тренингнинг мақсадига ойдинлик киритилаётганда, унинг қайси тоифали кишиларга мўлжалланганлигига қараб таҳлил қилиш. Масалан, айrim психодраматик ўйинларда катталар ва кичиклар, эркаклар ва аёллар, ҳаттоқи, турли касб эгалари ва насаб вакиллари аралаш иштирок этилаверган. Лекин бизнинг шароитимизда агар катта ёшлилар билан ёшларни, мансабдорлар билан оддий фуқароларни, эркаклар билан аёлларни кўшиб тренинг ўтказиш режалаштирилса, у ўзининг яхши самарасини бермаслиги мумкин. Бизнинг таҳрибалардан шу нарса аён бўлдики, тренингни бошлашдаги кириш қисмида иштирокчилар ўртасидаги психоэмоционал тангликнинг олдини олиш учун эркин мулоқот ёки хушомадлар қилиш машқлари ҳам аралаш жинсли аудиторияларда жуда қийинчилик билан кечди. Ёки бошлиқ билан ходим бирга бўлган ҳолларда, ташаббус негадир доимо бошлиқ қўлида қолаверади. Одатда

роллар алмашынуви мавжуд бўлиб, улар сунъий равища
ўзгартирилганда ҳам, улар хулқида тортинчоқлик, кўнг-
лидаги бор гапларни айта олмасликларни учратиш мум-
кин. Шунинг учун қисқа вақт оралиғида ўтказилган тре-
нингларда гуруҳ аъзоларини ўзига мос тоифаларга
кўшиш жонлироқ мулоқотларга сабаб бўлди.

Иккинчидан, тренингда иштирокчиларнинг яшаш шарт-
шароитлари, яшаш худуди ҳам ҳисобга олиниши зарур.
Масалан, шаҳар ва қишлоқ, ишчилар шаҳарчаси вакили
 билан деҳқонлар ўртасидаги мулоқотлардан тез самара
 олиш ҳам осон эмас. Ҳаттоқи, бундай тоифали инсонлар
 “тилига” хос жиҳатлар ҳам мавжудки, улар мулоқот пай-
 тида қийинчиликлар ва руҳий англашилмовчиликларни
 келтириб чиқарди.

Учинчидан, ўйин усулларини Т-гурухларда кўллашда
 ҳам кутилган натижага эришиш учун миллий қадриятлар,
 миллий таъб ва дид ҳисобга олиниши керак. Катталар
 гуруҳида ўйинни ташкил этиш учун гуруҳ иштирокчилари-
 ни кўпроқ психоэмоционал кўникишларига имкон яратиш,
 бир-бирларини янада яхши таниб олишларига шароитлар
 яратиш зарур. Чунки бизнинг халқимизда бегоналар ол-
 диди ўз ҳиссиётларини яшириш, тортинчоқлик, истиҳола
 қилиш сифатлари борки, шу сабабли одам сунъий ўйин
 шароитига кўникиш учун маълум вақт талаб қилинади.
 Бундан ташқари, ўтказилган кузатишлардан шу нарса
 маълум бўлдики, бир сеансда ўйнаган ролга тақлид қи-
 либ, уни қайтариш ҳоллари ҳам миллий психологида
 шахсан маъқул бўлган хулқ шаклига тақлид қилиш ва
 таъсирланишдан келиб чиқади. Шунинг учун бу ҳолатнинг
 олдини олиш учун ўйинчиларга олдиндан турли вариантли
 хулқ-атвор шакллари ҳақидаги сценарийлар билан таниш-
 тирилгани маъқул, акс ҳолда, кутилганидек, кўп вариант-
 ли ҳаракатлар модели вужудга келмайди.

Тўртинчидан, азалдан ўзбек оиласи ва маҳаллалар
 фаолиятида устувор бўлган жиҳат шуки, аёллар ва эр-
 каклар алоҳида эталонлар билан тарбияланган ва кўп
 ҳолларда улар фаолияти алоҳида-алоҳида ташкил этил-
 ган. Шунинг таъсирида бўлса керак, Т-гурухларда жинс-
 лараро аралашув рўй берганда, эркин фикрлаш ёки ҳа-

ракатлар ўз-ўзидан чеклана бошлайди. Шунинг учун мұнозара, баҳс ёки ролли ўйинлар ташкил этишда ҳам жинсий ўзига хосликлар инобатта олиниши ёки ўйинчиларни максимал тарзда фаоллик күрсатышлари мақсадида гурухлараро жинсий бўлинишларни ҳам ҳисобга олиш даркор. Экспериментал кузатишлар шуни кўрсатдик, масалан, қизлар гуруҳи алоҳида ўйин шароитига қўйилганда, бемалол, эмоционал жиҳатдан бой тренинглар кўрсатдилар, унда улар ҳам эркак, ҳам аёл, ҳам катта, ҳам кичик ролларига bemalol кира олдилар. Йигитларнинг соғ гурухида ҳам иккала ролни уддалаш холлари кузатилди. Лекин аралаш гурухлар шароитида бундай самарага эришиш учун кўпроқ вақт, психологик маҳорат ва қайтаришлар талаб қилинди.

Бешинчидан, маҳаллий шароитда шахснинг эркин ўз фикрини охиригача баён этишга ўргатиш маълум қийинчиликлар билан рўй беради. Чунки ҳалқ онгига ўзгалар фикри билан ҳисоблашиш, “обрўли бироннинг” ишига тақлид, ўқитувчи айтган фикрни танқидсиз қабул қилиш анъаналари мавжуд. Бу жиҳат ҳам самарали тренингни мақсадга мувофиқ тарзда ташкил этишга кўпинча тўсиқ бўлади.

Шунинг учун ҳам Ўзбекистон шароитида ижтимоий психологик тренингни ташкил этишга жуда пухта тайёргарлик кўриш, гурухларни шакллантиришда ёш, жинс ва мавқега боғлиқ жиҳатларни ҳисобга олиш, машқлантиришни (тренировкаларни) маълум маънода узоқроқ муддатли қилиб ташкил этишга эътибор бериш зарур. Айниқса, бу ўринда бошловчи-тренер шахсига бериладиган эътибор катта. Чунки, агар у кўпроқ ташаббускорлик қилиб, ўз “эрудициясини” намоён қилиб қўйса, мунозара қисқа бўлиши, ёки тажрибасизлиги аён бўлиб қолса ҳам мулоқот самарасиз якунланиши мумкин. Шунинг учун ҳам у жиддий таёргарликдан ўтган, тренинг тажрибасига эга бўлган малакали мутахассис бўлиши мақсадга мувофиқ. У нафақат айрим шахслар ва гурухлар психологиясини, балки миллий психологияни маҳсус равишда ўрганган, ўта кузатувчан ва билимдон шахс бўлиши жоиз.

Ўзбекистонда мавжуд бўлган психологлар тайёрловчи олийгоҳлар ўз дастурлари доирасида ана шундай назарий ҳамда амалий малакаларга ёга бўлган мутахассисларни тайёрлашга алоҳида эътиборни қаратмоқлари, педагогика олийгоҳлари ва бошқа йўналишдаги ўкув юртларида ҳам ижтимоий психологик тренернинг ўша ихтинососликка алоқадор машқларини ўкув дастурларига киритиш лозим.

Фақат шундагина, биз синфга кириб ўқувчилардан чўчимайдиган, балки улар фаолиятини илмий жиҳатдан тўғри ташкил эта оладиган билимдон ўқитувчиларни, ўз жамоасидаги ҳар бир аъзо билан, бошлиқ ёки бўйсунувчи ходим (тобе одамлар) билан тўғри муносабатлар ўrnата оладиган зиёли шахсларни ижтимоий фаолиятнинг турли соҳаларига олдиндан қисман тайёрлаган бўламиз. Шу нарсани яна ҳисобга олиш лозимки, ИПТлар меҳнат жамоаларидағи ижтимоий ходимлар - психолог, социолог ва бошқаларнинг ҳам одатий ишларидан бирига айланиши, жойлардаги мутахассисларни психологик коррекция қилишда тренинглардан унумли фойдаланиш керак. Ана шундагина, мамлакатимизда демократик жараёнларга одамларни ва яхлит гуруҳларни тайёрлаш иши янада жадаллашади ва шарқона демократик тамойиллар ҳар бир шахснинг онги (шуuri)га айланади.

Х У Л О С А

Ўзбекистон Республикасининг Президенти И.А.Каримов Олий мажлиснинг IX сессиясида янги ижтимоий иқтисодий шароитларда ёшлар тарбиясининг энг долзарб муаммолари ҳақида гапирав эканлар, уларда мустақил фикр юритиш, маданий савиянинг аҳамияти ҳақида шундай дедилар: “Демократик жамиятда болалар, умуман, ҳар бир инсон эркин фикрлайдиган этиб тарбияланади. Агар болалар эркин фикрлашни ўрганмаса, берилган таълим самараси паст бўлиши муқаррар” (Каримов И.А. Баркамол авлод - Ўзбекистон тараққиётининг пойдевори. Тошкент, 1997, 15-бет). Бу вазифанинг нақадар долзарб эканлиги ҳеч кимда шубҳа уйғотмайди, зоро, эркин фикрлай оладиган кишигина жамиятда ўз мавқеини тўла идрок қилган ҳолда бошқалар билан ҳам нормал инсоний муносабатларда бўла олади ва унга бунда умумбашарий ҳамда миллий қадриятларимизнинг энг нодир намуналари, шунингдек, ўзининг шахсий таъкибаси асос бўлади. Бунинг учун ёшлар билимдон бўлишлари, ўз билимлари дунёсига тўғри мослаша олиши ва ундан ўз ўрнида оқилюна фойдалана билиши зарур. Билимдонликнинг муҳим қисми бўлган ижтимоий психологик билимдонлик, яъни инсоний, демократик муносабатлар тизимидағи теранлик эса шахс тақдирни ва салоҳиятини белгиловчи муҳим омилдир.

Амалий ижтимоий психологияда ҳаётимизнинг барча жабҳаларига фаол кириб бораётган ижтимоий психологик тренинглар ҳар бир шахснинг инсонлар гурухида ўзини эркин сезиши ва фикрларини эркин баён этишга ўргагувчи усул сифатида истиқболли усуллардандир. Ушбу қўлланма доирасида баён этилган назарий ҳамда амалий таҳлиллар, балки бугунги жамиятимиздаги инсонлар уртасидаги барча муносабатларни ўз ичига қамраб ололмаса-да, лекин бу шу йўналишдаги ишларнинг бошланиши дебочаси сифатида янгидан янги лойиҳалар ва машғулотлар варианлари учун йўл очиши шубҳасиз.

Муаллиф сифатида шуни хоҳлардимки, ушбу китобда кўтарилиган масалалар китобхонда ҳеч бўлмаганда, иккита саволга жавоб топишига ёрдам берса: ижтимоий психология ва унинг амалий дастурлари бугунги кунда фанимиз ва жамиятимиз тараққиётига нима бера олади; ва халқимиз, биринчи навбатда ёшлар маънавий ва маърифий тарбияси такомили учун бугун нималарни бериш гатай ёр?

Агар шунга ўхшаш илмий хулосалар ёшлар ўртасида психологоик саводхонликни кўтариш ва уларни кўп миллатли жамиятимизда инсоний муносабатларни шарқона удумлар ва қадриятларга таянган ҳолда мазмунли ва аҳамиятли тарзда бошқаришга ёрдам берса, биз бундан жуда мамнун бўлар эдик. Иймонимиз комилки, келажаги буюк давлатимизда буюк аждодларга муносиб ворислар этишиб чиқадилар ва улар ўз маданий савияси, маънавияти ва ахлоқи билан жаҳон маданияти тараққиётига ўз улушларини қўшадилар.

Тавсия қилинадиган адабиётлар рўйхати

Каримов И.А. Ўзбекистон XXI аср бўсағасида: хавф-сизликка таҳдид, барқарорлик шартлари ва тараққиёт кафолатлари. - Тошкент, Ўзбекистон, 1997 - 328 б.

Каримов И.А. Баркамол авлод - Ўзбекистон тараққиётининг пойдевори.- Тошкент, 1997.- 36 б.

Агаронян А.С. Культура повседневной жизни: Социально-практические аспекты. - Ташкент, Узбекистан, 1982. - 254 б.

Андреева Г.М. Актуальные проблемы социальной психологии. М.: Изд - во МГУ, 1998 - 112 б.

Аникеева Н.П. Жамоадаги руҳий мұхит. - Тошкент, "Ўқитувчи", 1992 йил.

Ахлоқ-одобга оид Ҳадис намуналари. - Тошкент, Фан, 1990. - 172 б.

Бернс Р. Развитие Я-концепции и воспитание./Пер. с англ. - М.: Прогресс. 1986. - 424 б.

Бородкин Ф.М., Коряк Н.М. Внимание: Конфликт! - Новосибирск, Наука. 1989.- 190 б.

Гозман Л.Я. Психология эмоциональных отношений. - М.: Изд - во МГУ, 1987. - 176 б.

Добрович А.Б. Воспитателю о психологии и психогигиене общения: Кн. Для учителя и родителей. М.: Просвещение. 1978. - 307 б.

Жутикова Н.Б. Психологические уроки обыденной жизни. Беседы психолога. М.: Просвещение, 1990.- 256 б.

Емельянов Ю.Н. Активное социально-психологическое обучение. Л., 1985. - 168 б.

Карнеги Д. Как завоевывать друзей и оказывать влияние на людей./Пер. с англ. - М.: Прогресс, 1990. - 172 б.

Ковалев С.В. Психология современной семьи: Кн. для учителя. - М.: Просвещение, 1988. - 208 б.

Кон И.С. Психология ранней юности: Кн. для учителя. - М.: Просвещение, 1989. - 255 б.

Кронин А.А., Кронина Е.А. В главных ролях: Вы, мы, он, ты, я. Психология значимых отношений. - М.: Мысль, 1989. - 204 б.

Ночевник М.К. Культура и этика общения. - Ташкент, Узбекистан. 1983. - 192 б. Общение ё оптимизация совместной деятельности. Под ред. Г.М. Андреевой, Я. Янушека. - М., 1987.

От Я до Мы: Азбука семейной жизни. Сост. С.В. Ковалев. - М.: Педагогика, 1989. - 336 б.

Петровская Л.А. Теоретические и методологические основы социально-психологического тренинга. - М., 1982.

Петровская Л.А. Компетентность в общении. Социально-психологический тренинг. - М.: Изд. МГУ, 1989. - 216 б.

Регуляция социально-психологического климата трудового коллектива. Под. ред. Б. Д. Парыгина. - М.: Наука, 1986.- 204 б.

Синица И. Е. Педагогический такт и мастерство учителя. - М.: Педагогика. 1983. - 248 б.

Скроежкин И.М., Вербицкий А.А. Методика разработки и использования деловых игр как форма активного обучения студентов.- М., 1981.- 48 б.

Тўраева О. Оилавий муносабатлар психологияси. - Тошкент, 1990.

Эльконин Д. Б. Психология игры - М., 1978. - 304 б.

Argyle M. e.a. Social situations. Cambridge e. a. 1981. IX. 453 p.

Johnson D.W., Johnson F.P. Joining together : Group theory and group skills. 2nd ed. Englewood Cliffs (N. J.), 1982. 510 p.

Moede W. Experimentell Massenpsychologie. Leipzig. 1920. 280 p.

Иловалар

Ижтимоий психологияк тренинглар учун сцена- рийлар ва мунозаралар учун айрим мавзулар

1. Бошловчи ҳар бир иштирокчи қўлига алоҳида карточкаларда “ЛИДЕР” ва “Фаросат” сўзларини бериб чиқади. Сўзлардаги ҳарфлар вертикал кўринишда ёзилган бўлиб, иштирокчи ҳар бир ҳарфнинг рўпарасига ўша билан бошланадиган ўзидағи шахсий сифатларни кўп ўйланмай ёзиб чиқиши керак.

Мақсад: шахснинг ўзини ўзи англаш ва ўзига нисбатан сензитивликни аниқлаш.

2. “СУД ЙИФИЛИШИ”. Унда қўйидаги роллар бўлади: судья, адвокат, жамоатчилик вакили, эр, хотин, қайнона, қайнота. Вазият: эр хотинининг кўпроқ жамоат ишларидан бандлигидан норози. Унингча, хотин уй ишларини бажариши, конкрет вазиятда у ё ишни, ёки оилани танлаши керак.

Мақсад: ролли ўйин воситасида зиддиятли шароитларда шахслараро ўзаро муроса йўлларини қидириш.

3. “АҲВОЛЛАР ҚАЛАЙ?” ўйини. Бунда гуруҳ аъзолари жуфтликларга бўлинниб, доира шаклида жойлашадилар ва ичкари томонда турганлар ташқаридағиларга 30 секунд мобайнида ўз ҳаётлари ҳақида гапира бошлайдилар. Унда охирги пайтларда ҳаётда юз берган воқеа, фаҳрланиш обьектлари, ширин таассуротлар ҳақида гапириш мумкин. 30 секунндан кейин роллар алмашинади. Ўйин гапириш ва тинглаш малакаларини, ўзи ҳақида гапира олиш санъатини, лўнда ва қисқа гапириш каби қатор сифатларни тарбиялади.

4. “КОСМИК ТЕЗЛИК” ўйини. Асосий қурол - тўпча. Коптоқни Т-гуруҳ аъзолари доира шаклида туриб, тез-тез бир-бирларига узатишлари керак, лекин уни ёнидагига бериб бўлмайди. Агар қисқа муддатда ҳар бир гуруҳ аъзоси камида бир марта бехато тўпни қўлга киритган бўлса, ўша гуруҳ ғолиб ҳисобланади. Бунда гуруҳдаги

харакатлар мувофиқлиги, психологияк мослик, ҳаракатларнинг бирлиги, тез ва тўғри қарор қиқара олиш кабилалар синалади.

5. “БОТҚОҚЛИК” ўйини. Бунинг учун картон қофоздан тайёрланган ўртача катталиқдаги “ликопчалар” керак бўлади, уларнинг сони 9 та бўлгани маъқул. Гуруҳ аъзолари қатор бўлиб, бирин-кетин тарелкаларни босиб, ботқоқликдан ўта бошлайдилар, атрофда эса қароқчи “тимсоҳлар” бор. Улар бўшаб қолган тарелкаларни олиб қўядилар. Мақсад - ҳар бир гуруҳ аъзолари иттифоқ бўлиб, улар ҳаракатларида мувофиқлик юзага келса, албатта ботқоқликдан мағлубиятсиз ўтадилар ва бирорта ликопчани тимсоҳларга бермайдилар.

6. “ТЕЛЕФОН” ўйини. Гуруҳ аъзолари навбат билан телефонда ўзи танлаган абонент билан 30 секунд мобайнида ўзи хоҳлаган мавзуда гаплашади. Кузатувчилар унинг ўзини тутиши, клиент билан муомаласи, нариги тарафдаги шахс билан гаплашувчи ўртасидаги яқинлик, ўзаро муносабатларни таҳлил қиласидилар ва керакли маслаҳатлар берадилар.

7. “ИНТЕРВЬЮ” ўйини. Бошловчи ва протогонист интервъер сифатида турли тоифали шахслардан (вазир, артист, ректор, мактаб директори ва ҳоказо) интервью олиниши айтилади, у ўзи бир аъзони шу ролга тавсия этади. Таҳлилда нима учун айнан шу киши шу ролга тавсия этилгани ҳақида ҳам фикр билдирилади. “Ўзга бўлиш санъати” ва олий даражали мулоқот техникаси машқ қилинади.

8. “ХУШОМАД ҚИЛИШ” ўйини. Гуруҳ аъзолари бирбирларига хушомад қила бошлайдилар. Мақсад: гурухдаги шахслараро тангликни бартараф этиш ва психозомационал енгиллик бериш.

9. “ОММА ОЛДИДА ЧИҚИШ ҚИЛИШ”. Бу ўйинга аъзолар олдиндан тайёргарлик кўришгани маъқул. Чунки бунда маълум вақт давомида нотиқлик маҳорати ва гурухга мурожаат қилишнинг турли воситалари синалади ва гапириш ва әшитиш санъатлари машқ қилинади.

10. Брейнсторминг учун қуидаги мавзуларни тақлиф қилиш мүмкін:

- Ёмон раҳбар - бу
- Яхши (“ёмон”) маъруза - бу
- Мен лоқайдлик қилсам -
- XXI аср ёшлари қандай бўлади?
- Бошқа планеталардаги тирик мавжудотлар -

11. 2 минут вақт ичида турли мавзуларда оммавий маърузалар матнини тайёрлаш ёки қоралаш. Мавзулар - “Ёшлар муаммоси”, “Ўзбек аёллари масаласи”, “Раҳбарлик мансабми ёки талантми?”, “Қишлоқ турмуш тарзи” ва ҳоказо.

12. “Учрашув” мавзусида ролли ўйинлар. Бир ҳолатда нотаниш одамлар, иккинчи ҳолатда таниш одамлар учрашиб қоладилар. Тренинг иштирокчилари “Учрашув” қатнашчиларининг ўзаро мулоқоти, ўзини тутишларини турли вариацияларда синаб, сўнгра муҳокама қиласидилар.

13. “ТАНИШУВ” : Турли ёш, жинс, касб-кордаги шахсларнинг танишувчи саҳналари турли вариантларда ўйнлади.

14. “ЎЗИНИ ТАНИШТИРИШ” ўйини . 2 минутда ҳар бир иштирокчи ўзи ҳақида хоҳлаган нарсаларни айтиб бериши ва сўнгра айтилганлар видео ёки аудиокассеталар воситасида қайтарилиб, шахснинг ўзи ва гуруҳ томонидан таҳлил қилинади.

15. “САЛОМЛАШИШ”. Тренер гуруҳ аъзоларини доира қилиб ўтказиб, сўнг уларни ҳар бири 2 - 3 кишидан иборат гурухчаларга ажратади. Саломлашиш мана бу сўзлардан тузилган; андиқ, сандик, чандик, ҳорманг, толманг. Барча иштирокчилар саломлашишни бир вақтда айтади. Саломлашиш бақирмасдан, балки бир текис нафас олиб талаффуз қилинади. Ниҳоят қандайдир “апчхи”га ўхшаш сўз ҳосил бўлиши керак. У 2 - 3 марта тақрорланади.

16. “Туғилган кунга совға ”. Тренинг аъзоларидан бири гуруҳ олдига чиқиб ўтиради. Ўйиннинг ҳамма ишти-

рокчиларининг вазифаси, ўтирган кишининг туғилган кунига ҳар бир иштирокчи индивидуал тарзда совға қилиш. "Совға бериш" тугаганидан сўнг, йима учун айнан шу соғва қилинганини асосланиб берилиши керак. Машқнинг маъноси: "Атрофиндагилар нечоғлиқ сени турли-туман, сени турлича ёқтирадилар ва идрок этадилар".

Гурухнинг ҳар бир аъзоси, тренернинг ўзи ҳам "именинник" ролини бажариши мумкин. Бу ерда тренернинг вазифаси - ўз-ўзини бошқариш муаммосига кўпроқ эътибор бериш.

17. "ТАНИШИШ". Тренернинг кўрсатмасига биноан унинг ўнг ёки чап томонида турган иштирокчилардан биттаси ўз исмини айтади. Иккинчи иштирокчи эса биринчининг ва ўзининг исмини айтади. Тренингнинг учинчи иштирокчиси эса, биринчисининг, иккинчисининг ва ўзининг исмини айтади ва шу тариқа охиригача давом этади. Тренингнинг охирги иштирокчиси биринчисидан бошлаб, то гуруҳ аъзоларининг ҳаммасини ва ўзининг исмини айтади. Гуруҳ аъзоларининг бир-бири билан танишиши мана шу тарзда амалга ошади.

Агар гуруҳ аъзолари таниш бўлсалар, иккинчи турда ҳар бир иштирокчи ўзига "тахаллус" (гул, мева, бадиий қаҳрамон, планеталар номи каби) ўйлаб топиб, кейин ўша тахаллус бўйича ўзини "таништиради". Бу машқ ҳам шахслараро чиниқиши, хотирани мустаҳкамлаш, эмоционал тангликнинг олдини олиш каби мақсадларда хизмат қилиши мумкин.

18. "ИНКОР ЭТИЛГАНЛАР" ўйини. Мунозара ёки брейншторминг усули ёрдамида жамиятда инкор этилгандар тоифасига кирувчилар ва уларнинг пайдо бўлиш омиллари ҳамда шундайларга ёрдам чоралари ҳақида фикр алмашинилади. Маълум муддат ўтгач, гурухнинг ўзида айрим белгилар асосида аъзолар тоифаларга бўлинниб, тренер бошчилигига табиий эксперимент йўли билан "инкор этилганликни ҳис қилиш" ўйини ташкил этилиши мумкин.

МУНДАРИЖА

МУҚАДДИМА.....	3
I БОБ. Ижтимоий психология ва унинг долзарб муаммолари.....	4
1.1. Ижтимоий психологиянинг предмети ва вазифалари.....	4
1.2. Ижтимоий психологиянинг методлари.....	8
1.3. Ижтимоий психологиянинг амалий-татбиқий соҳалари.....	15
II БОБ. Ижтимоий психологик билимдонлик ва самарали муроқотга ўргатиш техникаси.....	26
2.1. Янгича ижтимоий психологик муносабатларга ўргатиш муаммоси	26
2.2. Ижтимоий психологик билимдонлик - самарали мумомаланинг муҳим омили сифатида	32
2.3. Самарали мумомаланинг техникаси ва технологияси.....	38
2.4. Фаол ижтимоий психологик методларнинг турлари ва хусусиятлари.....	43
III БОБ. Мунозара методлари ва уларни ташкил этиш технологияси.....	53
3.1. Мунозара методларининг ижтимоий психологик аҳамияти	53
3.2. Кичик ва катта гуруҳларда мунозараларни ташкил этиш қоидалари.....	56
3.3. Брейнсторминг ва уни ўтказиш технологияси ..	58
IV БОБ. Ўйин методлари ва уларнинг ижтимоий фаолликни оширишдаги роли.....	60
4.1. Ўйин методларининг классификацияси ва уларнинг психологик моҳияти.....	60
4.2. Ролли ўйинларни ташкил этиш технологияси...	63
4.3. Ролли ўйинлар жараёни ва унинг шакллари....	68
V БОБ. Перцептив тренинг ва унинг ижтимоий психологик хусусиятлари	72
5.1. Перцептив тренингнинг шахс учун аҳамияти....	72
5.2. Перцептив ва сензитив тренингларни ташкил этиш шартлари	73

VI БОБ. Ижтимоий психологик тренингни ташкил этувчи шахс билимдонлигини ошириш муаммоси	78
6.1. Ижтимоий психологик тренингни ташкил этувчиарни тайёрлаш муаммоси	78
6.2. Ижтимоий психологик фаол услубларни маҳаллий шарт-шароитларда кўллаш ва мутахассислар тайёрлашда улардан фойдаланиш.....	82
Хулоса	87
Тавсия қилинадиган адабиётлар рўйхати	89
Иловалар: Ижтимоий психологик тренинглар учун сценарийлар ва мунозаралар учун айрим мавзулар	91

Васила Маманасировна Каримова

**ИЖТИМОЙ ПСИХОЛОГИЯ ВА ИЖТИМОЙ АМАЛИЁТ
(Университетлар ва педагогика институтлари
учун ўқув қўлланма)**

Мұхаррир Э.Ғозиев

Мусаҳҳих О.Абдуллаева

Босишига рухсат этилди 22.10.99 й. Бичими 84 x 108 ¹/₃₂. Офсет босма усулида босилди. Нашриёт ҳисоб табоги 4,7. Шартли босма табоги 5,0. Адади 2000 нусха. Баҳоси келишилган нархда. Буюртма №48

“Университет” нашриёти. Тошкент - 700095, Талабалар шаҳар-часи, ТошДУ, маъмурий бино, 5-қават.

Янгийўл ижара китоб фабрикасида босилди. Янгийўл ш., Самарқанд кўчаси, 44. 1999 й.

